

《法句譬喻經》CBETA 電子版

版本記錄: V 1.14 完成日期: 2001/07/27

發行單位: 中華電子佛典協會 (CBETA)cbeta@ccbs.ntu.edu.tw

資料底本: 大正新脩大正藏經 第四冊 No.211

原始資料: 蕭鎮國大德提供, 維習安大德提供之高麗藏 CD 經文, 北美某大德提供

No. 211

法句譬喻經卷第一
晉世沙門法炬共法立譯

無常品 第一

(01 帝釋知命盡，歸佛、聞法，證初果)

昔者天帝釋五德離身，自知命盡，當下生世間，在陶作家，受驢胞胎。何謂五德？

一者、身上光滅； 二者、頭上華萎； 三者、不樂本坐；

四者、腋下汗臭； 五者、塵土著身；

以此五事，自知福盡，甚大愁憂，自念：三界之中，濟人苦厄，唯有佛耳，於是奔馳，往到佛所。

時，佛在耆闍崛山石室中，坐禪入普濟三昧，天帝見佛，稽首作禮伏地，至心三自歸命：佛、法、聖眾。

未起之間，其命忽出，便至陶家，驢母腹中作子。時驢自解，走瓦坏間，破壞坏器。其主打之，尋時傷胎。其神即還，入故身中。五德還備，復為天帝。佛三昧覺，讚言：

善哉天帝！能於殞命之際，歸命三尊，罪對已畢，不更勤苦！

爾時，世尊以偈頌曰：

所行非常，	謂興衰法，	夫生輒死，	此滅為樂。
譬如陶家，	埏埴 ¹ 作器，	一切要壞，	人命亦然。

帝釋聞偈，知無常之要，達罪福之變，解興衰之本，遵寂滅之行。歡喜奉受，得須陀洹道。

¹ (尸弓土) 用水和泥來製作陶器)

（02 波斯匿王大夫人病亡，佛為說無常）· 出《雜阿含經·一二二七》

昔佛在舍衛國精舍中，為諸天人、龍鬼說法。

時，國王波斯匿大夫人（母親），年過九十，卒得重病，醫藥望差，遂便喪亡。王及國臣，如法葬送，遷神墳墓。葬送畢訖，還過佛所，脫服跣^鞵，前禮佛足。佛命令坐，而問之曰：

王所從來，衣羸形異，何所施為也？

王稽首曰：

國大夫人，年過九十，間得重病，奄便喪亡，遣送靈柩，遷葬墳墓。今始來還，過覲聖尊。

佛告王曰：

自古至今，大畏有四：

· 生則老枯 · 病無光澤 · 死則神去 · 親屬別離。

是謂為四，不與人期，萬物無常，難得久居，一日過去，人命亦然。

如五河流，晝夜無息；人命駛疾，亦復如是。

於是世尊，即說偈言：

如河駛流

往而不返

人命如是

逝者不還

佛告大王：

世皆有是，無長存者，皆當歸死，無有脫者。

往昔國王、諸佛、真人（阿羅漢）、五通仙士，亦皆過去，無能住者！空為悲感，以殞軀形。

夫為孝子，哀愍亡者，為福為德，以歸流之，福祐往追，如餉遠人。

佛說是時，王及群臣，莫不歡喜，忘憂除患。諸來一切，皆得道迹。

（03 群牛死者過半，而餘者不覺，世人亦爾）

昔佛在羅閱祇·竹園中，與諸弟子，入城受請，說法畢訖。

晡時²出城，道逢一人，驅大群牛，放還入城，肥飽跳騰，轉相舐觸。

於是世尊，即說偈言：

譬人操杖，	行牧食牛，	老死猶然，	亦養命去。
千百非一，	族姓男女，	貯聚財產，	無不哀喪。
生者日夜，	命自攻削，	壽之消盡，	如滂霖水。

佛到竹林，洗足却坐。阿難即前，稽首問言：

世尊！向者道中，說此三偈。不審其義，願蒙開化。

佛告阿難：

汝見有人，驅放群牛不？

唯然見之。

佛告阿難：

此屠家群牛，本有千頭，屠兒日日，遣人出城，求好水草，養令肥長；擇取肥者，日牽殺之，殺之死者過半，而餘者不覺，方相舐觸，跳騰鳴吼。傷其無智，故說偈耳。

佛語阿難：

何但此牛？世人亦爾，計於吾我，不知非常。饕餮³五欲，養育其身，快心極意，更相殘賊，無常宿對，卒至無期，矇矇不覺，何異於此也！

時坐中有，貪養比丘二百人，聞法自勵，逮六神通，得阿羅漢。眾坐悲喜，為佛作禮。

² ㄅㄨ。約當午後三時至五時。一般泛指下午或黃昏。

³ ㄊㄠ ㄉㄨ ㄘㄟ 貪饕、貪嘴

（04 梵志女年十五亡，佛為說：四不得久）

昔佛在舍衛國，祇樹給孤獨園，為諸弟子說法。

時有梵志女，年十四、五，端正、聰辯，父甚憐愛，卒得重病，即便喪亡；田有熟麥，為野火所燒。梵志得此，憂惱愁憤，失意恍惚，譬如狂人，不能自解。傳聞人說：

「佛為大聖，天人之師，演說經道，忘憂除患。」

於是梵志，往到佛所，作禮長跪，白佛言：

素少子息，唯有一女，愛以忘憂，卒得重病，捨我喪亡。天性悼慙，情不自勝。

唯願世尊，垂神開化，釋我憂結！

佛告梵志：

世有四事，不可得久！何謂為四？。

一者、有常必無常；

二者、富貴必貧賤；

三者、合會必別離；

四者、強健必當死。

於是世尊，即說偈言：

常者皆盡， 高者必墮， 合會有離， 生者有死。

梵志聞偈，心即開解，願作比丘，鬚髮自墮，即成比丘，重惟非常，得羅漢道。

（05 蓮華見化女命絕，發出離心）

昔佛在羅閱祇，耆闍崛山中。

時城內有婬女人，名曰蓮華，姿容端正，國中無雙，大臣子弟，莫不尋敬。

爾時，蓮華善心自生，欲棄世事，作比丘尼，即詣山中，就到佛所，未至中道，有流泉水，蓮華飲水、澡手，自見面像，容色紅輝，頭髮紺青⁴，形貌方正，挺特無比，心自悔曰：

人生於世，形體如此，云何自棄，行作沙門？且當順時，快我私情！

念已便還，佛知蓮華，應當化度，化作一婦人，端正絕世，復勝蓮華，數千萬倍，尋路逆來。蓮華見之，心甚愛敬。即問化人：

從何所來，夫主、兒子、父兄中外，皆在何許？云何獨行，而無將從？

化人答言：

從城中來，欲還歸家，雖不相識，寧可共還？到泉水上坐息共語不？

蓮華言：

善！

二人相將還到水上，陳意委曲；化人睡來，枕蓮華膝眠，須臾之頃，忽然命絕，臃脹、臭爛、腹潰蟲出，齒落、髮墮、肢體解散。蓮華見之，心大驚怖：

云何好人，忽便無常！此人尚爾，我豈久存？故當詣佛，精進學道。

即至佛所，五體投地，作禮已訖，具以所見，向佛說之。佛告蓮華：

人有四事，不可恃怙！何謂為四？

一者、少壯，會當歸老。

二者、強健，會當歸死。

三者、六親聚歡娛樂，會當別離。

四者、財寶積聚，要當分散。

於是世尊，即說偈言：

老則色衰，	所病自壞，	形敗腐朽，	命終其然。
是身何用？	洎漏臭處，	為病所困，	有老死患。
嗜欲自恣，	非法是增，	不見聞變，	壽命無常。
非有子恃，	亦非父兄，	為死所迫，	無親可怙。

蓮華聞法，欣然解釋。觀身如化，命不久停，唯有道德，泥洹永安。即前白佛：

願為比丘尼。

佛言：

善哉！

頭髮自墮，即成比丘尼；思惟止觀，即得羅漢。諸在坐者，聞佛所說，莫不歡喜。

⁴ ㄍㄣˋ ㄘㄨㄣˊ 深青而含赤的顏色

（06 五通梵志四人，遇無常至欲避，無人得免）

昔佛在王舍城，竹園中說法。

時有梵志，兄弟四人，各得五通，却後七日，皆當命盡，自共議言：

五通之力，反覆天地，手捫日月，移山住流，靡所不能，寧當不能避此死？

對一人言：

吾入大海，上不出現，下不至底，正處其中；無常殺鬼，安知我處？

一人言：

吾入須彌山中，還合其表，令無際現；無常殺鬼，安知吾處？

一人言：

吾當輕舉，隱虛空中；無常殺鬼，安知吾處？

一人言：

吾當藏入，大市之中；無常殺鬼，趣得一人，何必求吾也？

四人議訖，相將辭王：

吾等壽算，餘有七日，今欲逃命，冀當得脫，還乃覲⁵省，唯願進德。

於是別去，各到所在，七日期滿，各以命終，猶果熟落，市監白王：

有一梵志，卒死市中！

王乃悟曰：

四人避對，一人已死；其餘三人，豈得獨免！

王即嚴駕，往至佛所，作禮却坐，王白佛言：

近有梵志，兄弟四人，各獲五通，自知命盡，皆共避之；不審今者，皆能得脫不？

佛告大王：

人有四事，不可得離！何謂為四？

一者、在中陰中，不得不受生。

二者、已生，不得不受老。

三者、已老，不得不受病。

四者、已病，不得不受死。

於是世尊，即說偈言：

非空非海中，	非入山石間，	無有地方所，	脫之不受死。
是務是吾作，	當作令致是，	人為此躁擾，	履踐老死憂。
知此能自靜，	如是見生盡，	比丘厭魔兵，	從生死得度。

王聞佛言歎曰：

善哉！誠如尊教，四人避對，一人已死，祿命有分，餘復然矣。

群臣從官，莫不信受。

⁵ 下級人員進見君主，或上級長官。

教學品 第二

(07 比丘七日將命終·飽食入室，閉房靜眠)

昔佛在舍衛國·祇樹精舍。

佛告諸比丘：

當勤修道，除棄陰蓋，心明神定，可免眾苦。

有一比丘，志不明達，飽食入室，閉房靜眠，愛身快意，不觀非常，冥冥懈怠，無復晝夜。却後七日，其命將終，佛愍傷之，懼墮惡道，即入其室，彈指覺曰：

咄起何為寐！	蝻 ⁶ .螺.蚌 ⁷ .蠹 ⁸ 類，	隱蔽以不淨，	迷惑計為身。
為有被斫 ⁹ 瘡，	心如嬰 ¹⁰ 病痛，	遘 ¹¹ 于眾厄難，	而反為用眠？
思而不放逸，	為仁學仁迹，	從是無有憂，	常念自減意。
正見學務增，	是為世間明，	所生福千倍，	終不墮惡道。

比丘聞偈，即便驚寤，見佛親誨，加敬悚息，即起稽首，為佛作禮。

佛告比丘：

汝寧自識，本宿命不？

比丘對曰：

陰蓋所覆，實不自識也。

佛告比丘：

昔維衛佛¹²時，汝曾出家，貪身利養，不念經戒，飽食却眠，不念非常。

命終魂神，生蝻蟲中，積五萬歲；壽盡復為，螺.蚌之蟲、樹中蠹蟲，各五萬歲。

此四品蟲，生長冥中，貪身愛命，樂處幽隱，以冥為家，不覓光明，一眠之時，百歲乃覺。纏綿罪網，不求出要。

今始罪畢，得為沙門。如何睡眠，不知厭足？

於是比丘，重聞宿緣，慚怖自責，五蓋雲除，即得羅漢。

⁶ 寄生在牛馬皮下的一種蟲

⁷ 「蚌」的異體字

⁸ 勿乂、蛀蟲。注：「在木中食木者也。」

⁹ 乂、喻摧殘、傷害，特指因沉溺酒色而傷害身體

¹⁰ 纏、絆

¹¹ 遇見、遭遇

¹² 勝觀佛，過去七佛之第一佛。又作毘婆尸佛、鞞婆尸佛、維衛佛

（08 比丘欲盛，欲斷根，佛說：無明為根，當斷）

昔佛在舍衛國，祇樹給孤獨園。與諸天人，四輩說法。

時，有一年少比丘，為人頑愚，質直踈野，未解道要，情意興盛，思想於欲，陽氣隆盛，不能自制，以此為惱，不獲度世。坐自思惟：

有根斷者，然後清淨，可得道迹。

即至檀越家，從之借斧，還房閉戶，脫去衣服，坐木板上，欲自斫陰：

正坐此陰，令我勤苦，經歷生死，無央數劫，三塗六趣，皆由色欲，不斷此者，無緣得道。佛知其意，愚癡乃爾，道從制心，心是根源，不知當死，自害墮罪，長受苦痛。於是世尊往入其房，即問比丘：

欲作何等？

放斧著衣，禮佛自陳：

學道日久，未解法門，每坐禪定，垂當得道，為欲所蓋，陽氣隆盛，意惑目冥，不覺天地。

諦自責念，事皆由此，是以借斧，欲斷制之。

佛告比丘：

卿何愚癡，不解道理？欲求道者，先斷其癡，然後制心。

心者，善惡之根源。欲斷根者，先制其心，心定意解，然後得道。

於是世尊，即說偈言：

學先斷母， 率君二臣， 廢諸營從， 是上道人。

佛告比丘：

十二因緣以癡為本，

癡者，眾罪之源；

智者，眾行之本。

先當斷癡，然後意定。

佛說是已，比丘慚愧，即自責言：

我為愚癡，迷惑來久，不解古典，使如此耳。今佛所說，甚為妙哉！

內思正定，安般守意，制心伏情，杜閉諸欲，即得定意。在於佛前，逮得應真。

（09 比丘住山怖欲悔還，佛為說象遠離到此求靜）(象遠離)

昔佛在羅閱祇國，靈鷲山中，為諸天人、國王、大臣說甘露法。

有一比丘，剛猛勇健，佛知其意，遣至山後，鬼神谷中，令樹下坐，

數息求定，知息長短，安般守意，斷求滅苦，可得泥洹。

比丘受教，往至谷中，欲坐定意。但聞山中，鬼神語聲，不見其形；但有音聲，悚息怖懼，不能自寧，意欲悔還，即自念言：

居家大富，宗族又強。

出家學道，獨見安處鬼神深山，既無伴侶，又無行人，但有諸鬼，數來怖人。思惟如是，未去之間，於是世尊，往到其邊，坐一樹下，而問之曰：

汝獨在此，將無怖懼耶？

比丘稽首白言：

初未曾入山，在此實憂。

須臾之間，有一野象王來在邊，倚一樹臥，心獨歡喜：

遠離諸象，一何快哉！

佛知象意，告比丘曰：

汝寧知是象，所由來不？

對曰：

不審。

佛告比丘：

此象眷屬，大小五百餘頭，厭患小象，捨來至此，倚樹而臥，自念：

『得離恩愛牢獄，一何快哉！』

象是畜生，猶思閑靜；況汝捨家，欲求度世，方以獨自，欲求伴侶。

愚冥伴侶，多所傷敗，獨住無對，亦無謀議，寧獨修道，不用愚伴。

於是世尊，即說偈言：

學無朋類，	不得善友，	寧獨守善，	不與愚偕；
樂戒學行，	奚用伴為，	獨善無憂，	如空野象。

佛說是時，比丘意解，內思聖教，即得應真。谷中鬼神，亦皆聞解，為佛弟子，受誓誡勅，不復侵民。佛與比丘，共還精舍。

護戒品 第二

(10 二比丘欲見佛，一護戒生天先見佛，)

昔佛在舍衛國·祇桓精舍，為諸天人，宣演經法。

時羅閱祇國，有二新學比丘，欲往見佛。二國中，曠無人民。于時旱熱，泉水枯竭，二人飢渴，熱渴呼吸。故泉之中，有升餘水，而有細蟲，不可得飲，二人相對曰：

故從遠來，欲望見佛，不圖今日，沒命於此也！

一人言曰：

且當飲水，以濟吾命；進前見佛，焉知其餘也。

一人答曰：

佛之明戒“仁慈為首”殘生自活，見佛無益！寧守戒而死；不犯戒而生也！

一人即起，極意快飲，於是進路。

一人不飲，遂致殞命，即生第二忉利天上，思惟自省，即識宿命：

持戒不犯，今來生此，信哉福報，其不遠矣！

即持華香，下到佛所，為佛作禮，却住一面。

其飲水者，道路疲頓，經日乃達，見佛神德，至尊巍巍，稽首禮畢，涕泣自陳：

我伴一人，於彼命終，感其不達，願佛知之。

佛言：

吾已明矣！

佛以手指曰：

今此天人，則汝伴也，全戒生天，又先至矣。

於是世尊，披胸示之：

汝觀我形，不奉我戒，雖云見我，我不見汝也。

去我萬里，奉行經戒，此人則為，在我目前。

於是世尊，即說偈言：

學而多聞，	持戒不失，	兩世見譽，	所願者得。
學而寡聞，	持戒不完，	兩世受痛，	喪其本願。
夫學有二，	常親多聞，	安諦解義，	雖困不耶。

於是比丘，聞偈慚怖，稽首悔過，嘿¹³思所行。天人聞偈，心意欣悅，逮得法眼。天人眾會，莫不奉行。

¹³ 沉靜無聲。同「默」

多聞品 第三

(11 夫婦慳惡，佛為說法)

昔舍衛國，有一貧家，夫婦慳惡，不信道德。佛愍其愚，現為貧凡沙門，詣門分衛，時夫不在，其婦罵詈，無有道理。沙門語曰：

吾為道士，乞食自居，不得罵詈，唯望一食耳！

主人婦曰：

若汝立死，食尚叵得！況今平健，欲望我食。但稽留時節，不如早去！

於是沙門，住立其前，戴眼杼氣，便現死相：身體臃脹、鼻口蟲出、腹潰、腸爛，不淨流漫。其婦見此，恐怖失聲，棄而捨走。於是道人，忽然捨去，去舍數里，坐樹下息。

其夫來歸，道中見婦，怪其驚怖，其婦語夫：

有一沙門，見怖如此。

夫大瞋怒，問為所在，婦曰：

已去！想亦未遠。

夫即執弓、帶刀，尋迹往逐，張弓拔刀，奔走直前，欲斫道人。道人即化作琉璃小城，以自圍遶，其人繞城數匝，不能得入，即問道人：

何不開門？

道人曰：

欲使開門，棄汝弓刀。

其人自念：

當隨其語，若當得入，手拳加之。

尋棄弓刀，門故不開，復語道人：

已棄弓刀，門何不開？

道人曰：

吾使汝棄心中惡意弓刀耳；非謂手中弓刀也。

於是其人，心驚體悸：

道人神聖，乃知我心！

即便叩頭，悔過稽首道人曰：

我有弊妻，不識真人，使我興惡；願小垂慈，莫便見捨，今欲將來，勸令修道。

即起還歸，其妻問曰：

沙門所在。

其夫具說神變之德：

今者在彼，卿自宜往，改悔滅罪。

於是夫妻，至道人所，五體悔過，願為弟子，長跪問曰：

道人神變，聖達乃爾。有琉璃城，堅固難踰，志明意定，永無憂患！行何道德，致此神妙？

道人答曰：

吾博學無厭，奉法不懈，精進持戒，慧不放逸，緣是得道，自致泥洹。

於是道人，因說偈言：

多聞能持故，	奉法為垣牆，	精進難踰毀，	從是戒慧成。
多聞令志明，	已明智慧增，	智則博解義，	見義行法安。
多聞能除憂，	能以定為歡，	善說甘露法，	自致得泥洹。
聞為知法律，	解疑亦見正，	從聞捨非法，	行到不死處。

道人說偈已，現佛光相，洪暉赫奕，照曜天地，夫妻驚愕，精神戰懼，改惡洗心，頭腦打地，壞二十億惡，得須陀洹道。

（12 梵志貢高，晝日執炬）

昔佛在拘睢尼國，美音精舍，與諸四輩，廣說大法。

有一梵志道士，智博通達，眾經備舉，無事不貫。貢高自譽，天下無比，求敵而行，無敢應者。晝日執炬，行城市中，人問之曰：

何以晝日，執炬而行？

梵志答曰：

世皆愚冥，目無所見；是以執炬，以照之耳，觀察世間，無敢言者。

佛知梵志，宿福應度，而行貢高，求勝名譽，不計無常，自恃憍恣，如是當墮太山地獄，無央數劫，求出甚難。佛即化作一賢者，居肆上坐，即呼梵志：

何為作此？

梵志答曰：

以眾人冥，晝夜不見明，故執炬火，而照之耳！

賢者重問梵志：

經中有四明法，為知之不？

對曰：

「不審。」

「何謂四明法？

一者、明於天文、地理，和調四時；

二者、明於星宿，分別五行；

三者、明於治國，綏化有方；

四者、明於將兵，固而無失。

卿為梵志，有此四明法以不？

梵志慚愧，棄炬叉手，有不及心。佛知其意，即還復身，光明炳然，晃照天地，便持梵聲，為梵志說偈言：

若多少有聞， 自大以憍人， 是如盲執燭， 照彼不自明。

佛說偈已，告梵志曰：

冥中之甚，無過於汝，而晝執炬，行入大國，如卿所知，何如一塵。

梵志聞之，有慚愧色，即便叩頭，願為弟子。佛即受之，令作沙門，意解妄止，即得應真。

（13 好施長者不信佛道及諸醫術）

昔舍衛國有大長者，名曰須達，得須陀洹。有親友長者，名曰好施，不信佛道，及諸醫術。時得重病，痿¹⁴頓著床，宗親知友，皆就省問，勸令治病。至死不肯，答眾人言：

吾事日月，忠孝君父，畢命於此，終不改志！

須達語曰：

吾所事師，號曰為佛，神德廣被，見者得福。可試請來，說經呪願，聽其所說。

言行進趣，何如餘道？事之與不，隨卿所志。以卿病久，不時除差，勸卿請佛，冀蒙其福。

好施曰：

佳！卿便為吾，請佛及眾弟子。

須達即便請佛及僧，往詣其門，佛放光明，內外通徹。長者見光，欣然身輕，佛前就坐，慰問長者：

所病何如？昔事何神？作何療治？

長者白佛：

奉事日月、君長、先人；恭敬齋戒，祈請萬端！

得病經時，未蒙恩祐，醫藥針灸，居門所忌，經戒福德，素所不知。先人以來，守死於此！

佛告長者：

人生世間，橫死有三：

- 有病不治，為一橫死。
- 治而不慎，為二橫死。
- 憍恣自用，不達逆順，為三橫死。

如此病者，非日月、天地、先人、君父所能除遣，當以明道，隨時安濟。

一者、四大寒熱，當須醫藥。

二者、眾邪惡鬼，當須經戒。

三者、奉事賢聖，矜濟窮厄。

德威神祇，福祐群生，以大智慧，消去陰蓋。奉行如此，現世安吉，終無枉橫。戒慧清淨，世世常安。

於是世尊，即說偈言：

事日為明故，	事父為恩故，	事君以力故，	聞故事道人。
人為命事暨，	欲勝依豪強，	法在智慧處，	福行世世明。
察友在為務，	別伴在急時，	觀妻在房樂，	欲知智在說。
為能師見道，	解疑令學明，	亦與清淨本，	能奉持法藏。
聞能今世利，	妻子昆弟友，	亦致後世福，	積聞成聖智。
能攝為解義，	解則戒不穿，	受法猗法者，	從是疾得安。
是能散憂患，	亦除不祥衰，	欲得安隱吉，	當事多聞者。

¹⁴ 一種肌肉麻痺萎縮，不能行動自如的病

於是長者，聞佛說法，心意疑結，瞋然雲除。良醫進療，委心道德，四大安靜，眾患消除，如飲甘露，中外怡懌，身安心定，得須陀洹道。宗室國人，莫不敬奉。

（14 五百賊人，受佛化度）

昔羅閱祇國南有大山，去城二百里，南土諸國，路由此山。山道深邃，有五百賊，依嶮劫人，後遂縱橫，所害狼藉，眾賈被毒，王路不通，國王追討，不能擒獲。

時佛在國，哀愍群生：

念彼賊輩，不知罪福；世有如來，而目不覩；法鼓日震，而耳不聞。吾不往度，如石沈淵。化作一人，著好衣服，乘馬帶劍，手執弓矢，鞍勒嚴飾，金銀莊校，以明月珠垂絡馬體，跨馬鳴絃，往入山中。群賊見之，以為成事：

作賊積年，未有此便，卯之投石，與此何異？

群賊齊頭住前圍繞，挽弓拔刀，諍欲剝脫。於是化人，舉弓一發，使五百賊，各被一箭；以刀指擬，各被一瘡。瘡重箭深，即皆顛倒，五百群賊，宛轉臥地，叩頭歸降：

為是何神，威力乃爾？乞蒙原赦，以活微命！

願時拔箭，使瘡除愈，今者瘡痛，不可堪忍！

化人答曰：

是瘡不痛，箭不為深！天下瘡重，莫過於憂；殘害之甚，莫過於愚。

汝懷貪得之憂；殘殺之愚。刀瘡毒箭，終不可愈。

此二事者，根本深固，勇力壯士，所不能拔。

唯有經戒，多聞慧義，以此明道，療治心病，拔除憂愛、愚癡、貢高；制伏剛強、豪富、貪欲。積德學慧，乃可得除，長獲安隱。

於是化人，即現佛身，相好挺特，金顏英妙，即說偈言：

斫瘡無過憂，	射箭無過愚，	是壯莫能拔，	唯從多聞除。
盲者從得眼，	闇者從得燭，	示導世間人，	如目將無目。
是故可捨癡，	離慢豪富樂，	務學事聞者，	是名積聚德。

於是五百人，見佛光相，重聞此偈，叩頭歸命，剋心悔過，刀瘡毒箭，自然除愈。歡喜心開，即受五戒。國界安寧，莫不歡喜。

篤信品 第四

(15 村人見化人因信心涉江，)

昔者舍衛國東南有大江，水既深而廣。有五百餘家，居在岸邊，未聞道德，度世之行，習於剛強，欺詐為務；貪利自恣，快心極意。

世尊常念，其應度者，當往度之，知此諸家，福應當度。

於是世尊，往至水邊，坐一樹下，村人見佛，光相奇異，莫不驚肅，皆往禮敬，或拜或揖，問訊起居；佛命令坐，為說經法，眾人聞之，而心不信，習於欺怠，不信真言。佛便化作一人，從江南來，足行水上，正沒其踝，來至佛前，稽首禮佛。眾人見之，莫不驚怪，問化人曰：

吾等先人，以來居此江邊，未曾聞人，行水上者。卿是何人，有何道術，履水不沒？願聞其意。

化人答曰：

吾是江南，愚直之人。聞佛在此，貪樂道德，至南岸邊，不時得度。

問彼岸人『水為深淺？』彼人見語：

『水可齊踝，何不涉渡！』

吾信其言，便爾來過，無他異術！

佛時讚言：

善哉！善哉！夫執信誠，諦可度生死之淵；數里之江，何足為奇！

於是世尊即說偈言：

信能渡淵，	攝為船師，	精進除苦，	慧到彼岸。
士有信行，	為聖所譽，	樂無為者，	一切縛解。
信乃得道，	法致滅度，	從聞得智，	所到有明。
信之與戒，	慧意能行，	健夫度慧，	從是脫淵。

於是村人，聞佛所說，見信之證，心開信堅，皆受五戒，為清信士，明信日修，法教普聞。

（16 修陀羅兒承父法供齋，施）

昔佛在世時，有大長者名修陀羅，財富無數，信向道德，自誓：常以臘月八日，請佛及僧，終身子孫，奉行不廢。長者亡時，囑兒勿廢。兒名比羅陀，後日漸貧，居無所有，臘月已至，無有供辦，愁感不樂；佛遣目連，往問比羅陀：

汝父直月，欲至當設何計？

比羅陀答言：

亡父教令，不敢違之！唯願世尊，勿見忽棄也！八日中時，迴光臨眄。

目連還白如是。比羅陀即將妻子，至外家質取百兩金，還舍供辦，一切具足。佛與千二百五十眾僧，往詣其舍，坐畢行水、下食，澡竟還於精舍。比羅陀歡喜不敢悔恨，其日夜半，諸故藏中，自然寶物，悉滿如故。比羅陀夫婦，明旦見之，喜而且懼，懼官見問：

所從得此？

夫妻共議，當往問佛，尋到佛所，具白如此。佛告比羅陀：

安意快用，勿有疑難！汝之履信，不違父教，持戒、慚、愧沒命不二。聞、施、慧道七財滿具，福德所致，非為災變。智者能行，不問男女，所生之處，福應自然。

於是世尊，即說偈言：

信財.戒財.	慚.愧亦財.	聞財.施財.	慧為七財。
從信守戒，	常淨觀法，	慧而履行，	奉教不忘。
生有此財，	不問男女，	終已不貧，	賢者識真。

比羅陀聞佛所說，益加篤信，稽首佛足，歡喜還家。具宣佛教，誨其妻子，遂相承繼，皆得道迹。

戒慎品 第五

(17 處山五沙門，受道人助·遠離)

昔波羅奈國有山，去城四五十里，有五沙門，處山學道，晨旦出山，人間乞食，食訖還山，晚暮乃到。往還疲極，不堪坐禪，思惟正定；歷年如是，不能得道。

佛愍念之，勞而無獲，化作一道人，往到其所，問諸道人：

隱居修道，得無勞倦？

諸沙門言：

吾等在此，去城既遠，四大之身，當須飲食，日日供給，往還疲勞，經年歷歲，勤苦竟已，晝日往返，暮輒疲頓，不暇復得修道！為當正爾，畢命而已。

道人語曰：

夫為道者，以戒為本，攝心為行，賤形貴真，捐棄軀命，食以支形，守意正定，內學止觀，減意得道，養身順情，安得免苦。

願諸道人，明日莫行，吾當供養，使諸道人，休息一日。

時五沙門，意大歡喜，怪未曾有，安心定意，不復憂行。明日日中，此化道人，送食而來，食訖安和，心意恬怕，於是化人，為說偈言：

比丘立戒，	守攝諸根，	食知自節，	寤意令應。
以戒降心，	守意正定，	內學止觀，	無忘正智。
明哲守戒，	內思正智，	行道如應，	自淨除苦。

化道人說此偈已，顯現佛身，光相之容，於是五沙門，精神震疊，咸思惟戒，即得阿羅漢道。

惟念品 第六

(18 瓶沙王送弗加沙王《十二因緣經》)

昔佛在世時，弗加沙王與瓶沙王親友。弗加沙王未知佛道，作七寶華以遺瓶沙，瓶沙王得之轉奉上佛。白佛言：

弗加沙王與我為友，遺¹⁵我此華，今已上佛。願令彼王，心開意解，見佛。聞法。奉敬聖眾。當以何物，以報所遺？

佛告瓶沙：

寫《十二因緣經》，送持與之；彼王得經，心必信解。

即寫經卷，別書文曰：

卿以『寶華』見遺，今以『法華』相上；詳思其義，果報深美！到便誦習，以同道味。

弗加沙王得經讀之，尋省反覆，巨然信解，喟然嘆曰：

道化真妙，精義安神。國。榮。五欲憂惱之元。累劫習迷，始今乃寤！顧視流俗，無可貪樂。即召群臣，國付太子，便自剃頭，行作沙門。法服持鉢，詣羅閱祇城外，在陶家窰中寄宿，明日當入城分衛，食訖當至佛所，奉受經戒。

佛以神通，知弗加沙明日食時，其命將終，故從遠來，不得見佛、又不聞經，甚可憐愍。於是世尊，化作沙門，往至陶家，欲求寄宿，陶家語曰：

向有一沙門，在彼窰中，可往共止宿也。

把草入窰，坐於一面，問弗加沙：

從何所來？師為是誰？以何因緣，行作沙門？為見佛未？

弗加沙言：

吾未見佛，聞《十二因緣》便作沙門。明日入城，乃分衛已，當往見佛耳！

化沙門言：

人命危脆，朝夕有變，無常宿對，卒至無期。但當觀身，四大所由，合成散滅，各還其本。思惟覺意，空淨無想，專念三尊、布施、戒德，能知無常，見佛無異。

方念明日，種無益想。

時化沙門，即說偈言：

夫人得善利，	乃來自歸佛，	是故當晝夜，	常念佛。法。眾。
已知自覺意，	是為佛弟子，	常當晝夜念：	佛。與法。及眾、
念身。念非常、	念戒。布施德、	空。不願。無想，	晝夜當念是。

時化沙門，在於窰中，為弗加沙，說非常之要。弗加沙王思惟意定，即得阿那含道。佛知己解，為現佛身，光明相好。弗加沙王，驚喜踊躍，稽首作禮，佛重告之曰：

罪對無常，畢故莫恐。

弗加沙王言：

敬奉尊教！

¹⁵ 贈送

忽然別去，明日食時，弗加沙王入城分衛，於城門中，逢新產牝牛護犢，觝殺弗加沙王潰腹命終，即生阿那含天，佛遣諸弟子耶旬起塔，佛語諸弟子：

罪對之根，不可不慎！

慈仁品 第七

(19 山人殺獵為業，奉事鬼神，受佛人化不殺，殺生)

昔佛在羅閱祇，去國五百里有山，山中有一家，有百二十二人，生長山藪，殺獵為業，衣皮食肉，初不田作。奉事鬼神，不識三尊。

佛以聖智，明其應度，往詣其家，坐一樹下。男子行獵，唯有婦女在，見佛光相，明照天地，山中木石，皆變金色。大小驚喜，知佛神人，皆往禮拜，供施坐席。佛為諸母人說：

殺生之罪，行慈之福；

恩愛一時，會有離別。

諸母人聞經歡喜，前白佛言：

山民貪害，以肉為食，欲設微供，願當納受。

佛告諸母人：

諸佛之法，不以肉食，吾已食來，不須復辦。

因告之曰：

夫人生世，所食無數；何以不作，有益之食。而殘害群生，以自濟活，死墮惡道，損而無益。

人食五穀，當愍眾生，蠕動之類，莫不貪生，殺彼活已，殃罪不朽；慈仁不殺，世世無患。於是世尊，即說偈言：

為仁不殺，	常能攝身，	是處不死，	所適無患。
不殺為仁，	慎言守心，	是處不死，	所適無患。
垂拱無為，	不害眾生，	無所憊惱，	是應梵天。
常以慈哀，	淨如佛教，	知足知止，	是度生死。

佛說偈已，男子獵還。諸婦聽經，不復行迎，其夫驚疑，怪不如常，棄肉來歸，謂有變故，至見諸婦，皆坐佛前，叉手聽經。瞋恚聲張，欲圖毀佛，諸婦諫曰：

此是神人，勿興惡意也！

即各悔過，為佛作禮，佛重為說〈不殺之福，殘害之罪〉夫主意解，長跪白佛：

吾等生長深山，以殺獵自居，罪過累積，當行何法，得免重殃？

於是世尊，即說偈言：

履仁行慈	博愛濟眾	有十一譽：	福常隨身。
臥安覺安。	不見惡夢。	天護仁愛。	不毒不兵。
水火不喪。	所在得利。	死昇梵天，	是為十一

佛說偈已，男女大小，百二十二人，歡欣信受，皆奉持五戒。

佛語瓶沙王：

給其田地，賜與穀食。

仁化廣普，國界安寧。

（20 默處王奉邪殺生求母病癒，）

昔有大國王名和默處，在邊境未覩三尊聖妙之化，奉事梵志、外道、妖蠱，舉國奉邪，殺生祭祀，以此為常。

時王母病，痿頓著床，使諸醫師，不蒙湯藥，遣諸醫女，所在請求，經年歷歲，未得除差。更召國內，諸婆羅門得二百人，請入令坐，供設飲食，而告之曰：

吾大夫人，病困經久，不知何故，乃使如此？

卿等多智，明識相法，天地星宿，有何不可，具見告示！

諸婆羅門言：

星宿倒錯，陰陽不調，故使爾耳。

王曰：

作何方宜，使得除愈？

婆羅門言：

當於城外，平治淨處，郊祠四山、日月、星宿，當得百頭畜生，種種各異類，及一少兒，殺以祠天。

王自躬身，將母至彼，跪拜請命，然後乃差。

王即供辦，如其所言，驅人象、馬、牛、羊百頭，隨道悲鳴，震動天地。從東門出、當就祭壇、殺以祠天。世尊大慈，普濟眾生，愍是國王，頑愚之甚：

云何興惡，殺眾生命，欲救一人！

於是世尊，將從大眾，往到其國，在城東門道路，逢王及婆羅門輩，所驅畜生，悲鳴而來。王遙見佛，如日初出，如月盛滿，光相炳然，照曜天地，人民見者，莫不愛敬。所驅畜生，祭饌之具，皆願求脫。王即前進，下車却蓋，為佛作禮，叉手長跪，問訊世尊。佛命令坐，問欲所至，拱手答言：

國大夫人，得病經久，良醫神祇，無不周遍；今始欲行，解謝星宿、四山、五嶽，為母請命，冀蒙得差。

佛告大王：

善聽一言：

- 欲得穀食，當行耕種。
- 欲得大富，當行布施。
- 欲得長命，當行大慈。
- 欲得智慧，當行學問。

行此四事，隨其所種，還得其果。

夫富貴之家，不貪貧賤之食；諸天以七寶為宮殿，衣食自然，豈當捨甘露之食來，食麤穢也。

祠祀姪亂，以邪為正；殺生求生，去生道遠；殺害眾命，欲救一人，安得如此！

於是世尊即說偈言：

若人壽百歲， 勤事天下神， 象馬用祭祀， 不如行一慈

佛說偈時，即放光明，烈照天地，三塗八難，莫不歡喜，各得其所。

國王和默聞說妙法，又覩光明，甚大歡喜，即得道迹；病母聞法，五情悅豫，所患消除。二百梵志覩佛光相，重聞其言，慚愧悔過，願為弟子，佛盡受之，皆作沙門，各得如願。王及大臣，請佛供養，一月乃去，以法治正，國遂興隆。

言語品 第八

(21 弗加沙王三人，受牛觝殺因緣)

昔弗加沙王入羅閱祇城分衛，於城門中，為新產牝牛所觝殺。

牛主怖懾，賣牛轉與他人，其人牽牛，欲飲之，牛從後，復觝殺其主。

其主有子，瞋恚取牛殺之，於市賣肉，有田舍人，買取牛頭，貫擔持歸，去舍里餘，坐樹下息，以牛頭掛樹枝上，須臾繩斷，牛頭來下，正墮人上，牛角刺人，即時命終。

一日之中，凡殺三人，瓶沙王聞之，怪其如此。即與群臣，行詣佛所，到作禮畢，却坐王位，叉手白佛言：

大可怪！世尊！一頭牝牛，而殺三人。將有變故，願聞其意？

佛告瓶沙王：

罪對有原，非適今也！

王曰：

願聞其由！

佛言：

往昔有賈客三人，到他國治生，寄住孤獨老母舍，應雇舍直。見老母孤獨，欺不欲與，伺老母不在，默聲捨去，竟不與直。老母來歸，不見賈客，即問比居云：

『皆已去！』

老母瞋恚，尋後追逐，疲頓乃及，責索舍直，三賈客逆罵詈言：

『我前已相與，云何復索？』

同聲共觝，不肯與直。老母單弱，不能奈何，懊惱呪誓，語三賈客：

『我今窮厄，何忍欺觝？於我願我後世所生之處，若當相值，要當殺汝！正使得道，終不相置也！殺汝乃休，不爾不止！』

佛語瓶沙王：

爾時老母者，今此牝牛是也；

三賈客者，弗迦沙等三人，為牛所觝殺者是也。

於是世尊即說偈言：

惡言罵詈，	憍陵蔑人，	興起是行，	疾怨茲生。
遜言順辭，	尊敬於人，	棄結忍惡，	疾怨自滅。
夫士之生，	斧在口中，	所以斬身，	由其惡言。

佛說是時，瓶沙王官屬，一切莫不恭肅，願崇善行，作禮而去。

雙要品 第九

(22 二人見王供佛及僧，各動善惡念，各自受報。)

昔舍衛國王名波斯匿，來至佛所，下車却蓋、解劍、脫履，拱手直進，五體投地，稽首足下，長跪白佛：

願以來日，於四街道，施設微食，欲使國人，知佛至尊！願令眾生，遠鬼妖蠱，悉奉五戒，以消國患。

佛言：

善哉！夫為國主，宜有明導，率民以道，求來世福。

王曰：

至真！請退嚴辦。

手自為饌，身往奉迎。佛與眾僧，俱至四衢，佛至就座，即行澡水，手自斟酌。佛飯食畢，於四道頭，為王說法，觀者無數。時有兩商人，一人念曰：

佛如帝王，弟子猶忠臣。佛陳明法，弟子誦宣，斯王明矣，知佛可尊，屈意奉之。

一人念曰：

斯王愚哉！爾為國王，將復何求？佛者若牛，弟子猶車，彼牛牽車，東西南北；佛亦如是。子有何道，而下意奉之。

二人俱去，行三十里，亭宿沽酒，共飲平論屬事。其善念者，四王護之；其惡念者，太山鬼神，令酒入腹，如火燒身，出亭路臥，宛轉轍中，晨商人車五百乘，輾殺之焉！伴明日求之，已然曰：

還國見疑『殺人取物去，不義輕身委財。』

逝至他國，國王崩亡，無有大子，讖書云：

中土有微人，當王斯土，故王有神馬，任王必屈膝！

即具嚴駕神馬，印綬行求國主，觀者數千，商人亦出國，太史曰：

彼有黃雲之蓋，斯王者氣也！

神馬屈膝，舐商人足，群臣豫作，香湯澡浴，拜為國王，於是遂處位，聽省國事，深自思曰：

余無微善，何緣獲此？必是佛恩，使之然也！

即與群臣，向舍衛國，遙稽首曰：

賤人無德，蒙世尊慈恩，得王此國。明日願與應真眾，俱垂意願，斯一時三月。

佛告阿難：

勅諸比丘，明日彼王請，皆當作變化，令彼國王、人民歡喜。

各作神足，往到彼國，皆次就座，如法儼然。下食畢訖澡手，為王說法。王曰：

吾本微人，素無快德，何緣獲斯？

佛告王曰：

昔彼大王飯佛，於四衢道，

- 王心念言：『佛如國王，弟子猶臣下。』王種斯核，今自獲果。
- 後一人云：『佛者若牛，弟子猶車。』

彼人自種，車輾之核，今在太山地獄，為火車所輾，自獲其果。

然非王勇健，所能致矣，為善福隨，為惡禍追。此為自作，非天龍鬼神，所不能與此。
於是世尊即說偈言：

心為法本，	心尊心使，	中心念惡，	即言即行。
罪苦自追，	車轢於轍，	心為法本，	心尊心使。
中心念善，	即言即行，	福樂自追，	如影隨形。

佛說經偈已，王及臣民，聽者無數，皆大歡喜，逮得法眼。

（23 祇陀太子與弟瑠璃各受異報）

昔長者須達買太子園田，共造精舍，奉上世尊，各請佛及僧，供養一月。佛為二人，廣陳明法，皆得道跡。

太子祇陀歡喜還東宮，歎佛之德，作樂自娛。祇弟瑠璃，常在王邊。時王素服，與諸近臣，及後宮夫人，往詣佛所，稽首禮畢，一心聽經。

瑠璃在後，典衛御座，時諸佞臣阿薩陀等，姦謀啟曰：

試著大王印綬，坐御座上，如似王不？

於是瑠璃即隨其言，被服昇座，諸佞臣等，皆共拜賀：

正似大王，千載遭遇，黎庶之願，豈使東宮，闕椿於此，此之御座，豈可昇而復下也？

即率所從，貫甲拔劍，自就到祇洹精舍，斥徙大王，不得還宮。與王官屬，戰祇洹間，殺王近臣五百餘人。王與夫人播迸，晨夜至舍夷國，中道飢餓，王噉蘆菹，腹脹而薨。

於是瑠璃遂即專制，便拔劍入東宮，斫殺兄祇；祇知無常，心不恐懼，顏色不變，含笑熙怡，甘心受刃；命未絕間，聞虛空中，自然音樂，聲迎其魂神。

佛於祇洹，即說偈言：

造喜後喜，	行善兩喜，	彼喜惟歡，	見福心安。
今歡後歡，	為善兩歡，	厥為自祐，	受福悅豫。

是時瑠璃王，尋興兵眾，伐舍夷國，殺害釋種道跡之人。殘暴無道，五逆兼備。佛記瑠璃：

不孝、不忠，眾罪深重；却後七日，當為地獄火所燒殺。

又太史記，記與佛同。王大怖懍，即乘船入江：

吾今處水，火焉得來！

七日日中，有自然火，從水中出，燒船覆沒。王亦被燒，恐怖毒熱，忽然沈終。於是世尊，即說偈言：

造憂後憂，	行惡兩憂，	彼憂唯懼，	見罪心懍。
今悔後悔，	為惡兩悔，	厥為自殃，	受罪熱惱。

佛說是已告諸比丘：

· 太子祇者，不貪榮位，守死懷道，上生天上，安樂自然。

· 瑠璃王者，狂愚快意，死墮地獄，受苦無數。

一切世間豪貴、貧賤，皆歸無常，無長存者。是以高士殞命，全行為精神寶。

佛說是時，莫不信受。

（24 婆羅門七十餘家唱『生梵天』以求離生死，佛化為沙門，）

昔耆闍崛山後，有婆羅門七十餘家，宿福應度。佛到其村，現道神化，眾人見佛，光相巍巍，莫不敬伏，佛坐樹下，問諸梵志：

居此山中，為幾何世？有何方業，以自供給？

答曰：

居此以來，三十餘世。田作、畜牧以此為業。

又問：

奉脩何行，求離生死？

答曰：

事日月、水火，隨時祭祠；若有死者，大小聚會，唱『生梵天』以離生死。

佛語諸婆羅門：

夫田作、畜牧，祭祠日月、水火，唱叫『生天』非是長存，離生死法。

極福無過二十一天；無有道慧，還墮三塗。唯有出家，修清淨志，履行寂義，可得泥洹！於得世尊，即說偈言：

以真為偽，	以偽為真，	是為邪計，	不得真利。
知真為真，	見偽為偽，	是為正計，	必得真利。
世皆有死，	三界無安，	諸天雖樂，	福盡亦喪。
觀諸世間，	無生不終，	欲離生死，	當行道真。

七十婆羅門聞佛所說，欣然意解，願作沙門。佛言：

善來比丘！

鬚髮自墮，皆成沙門。佛與比丘，共還精舍，至於中路，顧戀妻息，各有退意。時遇天雨，益懷憂慘，佛知其意，便於道邊，化作數十間舍，入中避雨。而舍穿漏，佛因舍漏，而說偈言：

蓋屋不密，	天雨則漏；	意不惟行，	姪洩為穿。
蓋屋善密，	雨則不漏；	攝意惟行，	姪匿不生。

七十沙門，聞說此偈，雖強自進，猶懷瞢瞢。雨止前行，地有故紙，佛告比丘：

取之！

受教即取，佛問比丘。：

以為何紙？

諸比丘白佛：

此裏香紙，今雖捐棄，處香如故。

佛復前行，地有斷索，佛告比丘：

取之！

受教即取，佛復問曰：

此何等索？

諸比丘白佛：

其索腥臭，此繫魚之索。

佛語比丘：

夫物本淨，皆由因緣，以興罪福。

- ・近賢明，則道義隆；
- ・友愚闇，則殃罪臻。

譬彼紙、索“近香則香；繫魚則腥”漸染翫¹⁶習，各不自覺。

於是世尊，即說偈言：

鄙夫染人，	如近臭物，	漸迷習非，	不覺成惡。
賢夫染人，	如附香熏，	進智習善，	行成芳潔。

七十沙門重聞此偈，知家欲為穢藪¹⁷，妻子為桎梏¹⁸。執信堅固，往至精舍，攝意惟行，得羅漢道。

¹⁶ 翫又ㄎㄨㄣˋ 研習

¹⁷ 藪ㄌㄨˇ 聚集的地方

¹⁸ 桎梏ㄓㄧˋ ㄍㄜˋ 腳鐐手銬。古代拘繫犯人的刑具，戴在腳上的稱為「桎」，戴在手上的稱為「梏」

放逸品 第十

(25 沙門山中遇寶欲還俗，以財求福，佛化尼度)

昔佛在世時，有五百賈客，從海中出，大持七寶，還歸本國。經歷深山，為惡鬼所迷，不能得出，糧食乏盡，窮頓困厄，遂皆餓死，所齎寶貨，散在山間。

時有沙門，在山中學，見其如此，便起想念：

吾勤苦學道，積已七年，不能得道；又復貧窮，無以自濟。此寶物無主，取之持歸，用立門戶。

於是下山，拾取寶物，藏著一處，訖便出山，求呼兄弟，負馳持歸。方到道半，佛念比丘，應當得度，佛便化作，一比丘尼，剃頭法服，莊面、畫眉，金銀瓔珞，隨谷入山，道逢沙門，頭面作禮，問訊起居，道人呵比丘尼曰：

為道之法，應得爾不？剃頭、著法衣，云何復莊面、畫眉、瓔珞身體也？

比丘尼答曰：

沙門之法，為應爾不？辭親學道，山居靜志，云何復取，非其財物？

貪欲忘道，快心放意，不計無常，生世如寄，罪報延長！

於是比丘尼為說偈言：

比丘謹慎戒，	放逸多憂王，	變淨小致大，	積惡入火焚。
守戒福致喜，	犯戒有懼心，	能斷三界漏，	此乃近涅槃。

是時比丘尼說此偈已，為現佛身，相好光明。沙門見之，悚然毛豎，稽首佛足，悔過自陳：

愚癡迷謬，違犯正教，往而不返，其將奈何。

於是世尊，即說偈言：

若前放逸，	後能自禁，	是照世間，	念定其宜。
過失為惡，	追覆以善，	是照世間，	念善其宜。
少壯捨家，	盛修佛教，	是照世間，	如月雲消。
人前為惡，	後止不犯，	是照世間，	如月雲消。

於是比丘重聞此偈，結解貪止，稽首佛足，還到樹下，數息相隨，止觀還淨，獲道果證，成阿羅漢。

心意品 第十一

(26 道人但念六欲，佛化沙門以龜喻化度)

昔佛在世時，有一道人，在河邊樹下，學道十二年中，貪想不除，走心散意，但念六欲：目色、耳聲、鼻香、口味、身更、心法，身靜意遊，曾無寧息。十二年中，不能得道。

佛知可度，化作沙門，往至其所，樹下共宿，須臾月明，有龜從河中出，來至樹下；復有一水狗，飢行求食，與龜相逢，便欲噉龜，龜縮其頭尾，及其四腳，藏於甲中，不能得噉。水狗小遠，復出頭足，行步如故，不能奈何，遂使得脫。

於是道人問化沙門：

此龜有護命之鎧，水狗不能得其便！

化沙門答曰：

吾念世人，不如此龜！不知無常，放恣六情，外魔得便，形壞神去，生死無端，輪轉五道，苦惱百千，皆意所造，宜自勉勵，求滅度安！

於是化沙門即說偈言：

有身不久，	皆當歸土，	形壞神去，	寄住何貪。
心豫造處，	往來無端，	念多邪僻，	自為招患。
是意自造，	非父母為，	可勉向正，	為福勿回。
藏六如龜，	防意如城，	慧與魔戰，	勝則無患。

於是比丘，聞說此偈，貪斷望止，即得羅漢道。知化沙門，是佛世尊，敬肅整服，稽首佛足。天龍鬼神，莫不歡喜。

華香品 第十二

(27 五百人婆羅門女求生梵天，受佛化，說迦葉佛時因緣)

昔佛在舍衛國，國東南海中有臺，臺上有華香樹，樹木清淨。有婆羅門女五百人，奉事異道，意甚精進，不知有佛。於時諸女，自相謂曰：

我等稟形，生為女人，從少至老，為三事所鑑，不得自由。命又短促，形如幻化，當復死亡，不如共至華香臺上，採取香華，精進持齋，降屈梵天，當從求願：

『願生梵天，長壽不死！又得自在，無有鑑忌，離諸罪對，無復憂患！』

即齋供具，往至臺上，採取華香，奉事梵天，一心持齋，願屈尊神。

於是世尊，見此諸女，雖為俗齋，其心精進，應可化度。即與大眾、弟子、菩薩、天龍、鬼神，飛昇虛空，往至臺上，坐於樹下。諸女歡喜，謂是梵天，自相慶慰：

得我所願矣！

時一天人，語諸女言：

此非梵天，是三界尊，號名為佛，度人無量。

於是諸女，前至佛所，為佛作禮，前白佛言：

我等多垢，今為女人，求離鑑檢，願生梵天。

佛言：

諸女快得善利，乃發此願！世有二事，其報明審：為善受福，為惡受殃。

世間之苦，天上之樂；有為之煩，無為之寂。誰能選擇，取其真者，善哉諸女，乃有明志。於是世尊即說偈言：

孰能擇地，	捨鑑取天，	誰說法句，	如擇善華。
學者擇地，	捨鑑取天，	善說法句，	能採德華。
知世坏喻，	幻法忽有，	斷魔華數，	不現死生。
見身如沫，	幻法自然，	斷魔華數，	不現死生。

於是諸女，聞佛此偈，願學真道，為比丘尼，頭髮自墮，法衣具足，思惟寂定，即得羅漢道。阿難白佛言：

今此諸女，素有何德，乃令世尊就而度之，一聞說法，出家得道也！

佛告阿難：

昔迦葉佛時，有大長者，財富無數，夫人、姪女有五百人，其性妬惡，門不妄開。夫人、姪女欲往見佛，終不肯聽。後日國王請諸大臣，上殿宴會，會輒竟日，時夫人、姪女見長者入會，便共至佛所，稽首作禮，小坐聽經，各發願言：

『令我世世，莫與惡人共相遭遇；所生之處，恒與道德聖人相值。』

聞來世有佛，名釋迦文，願與相值，出家學道，奉持訓誨。』

佛語阿難：

爾時夫人、姪女五百人者，今此五百比丘尼是。

本願懇惻，今應得度，是以世尊就度之耳。

佛說是時，莫不歡喜。

法句譬喻經卷第一

法句譬喻經卷第二
晉世沙門法炬共法立譯
喻華香品之二

（28 波利答海神問，以七寶送之，送國王，國送末利，末利夫人持齋不受寶）

昔佛始得道在羅閱祇國教化，轉到舍衛國，國王群臣，莫不宗仰。

時有賈客大人名曰波利，與五百賈人，入海求寶。時海神出，掬水問波利言：

海水為多？掬水為多？

波利答曰：

掬水為多！所以者何？

· 海水雖多，無益時用，不能救彼飢渴之人。

· 掬水雖少，值彼渴者，持用與之以濟其命，世世受福，不可稱計！

海神歡喜讚言：

善哉！

即脫身上八種香瓔校以七寶，以上波利，海神送之，安善往還，到舍衛國，持此香瓔上波斯匿王，具陳所由：

念是香瓔，非小人所服，謹以貢上，願蒙納受。

王得香瓔，以為奇異，即呼諸夫人，羅列前住。若最好者，以香瓔與之，六萬夫人盡嚴來出，王問：

末利夫人何以不出？

侍人答言：

今十五日，持佛法齋，素服不嚴，是以不出。

王便瞋恚，遣人呼曰：

汝今持齋，應違王主之命不乎？如是三反。

末利夫人素服而出，在眾人中，猶如日月，倍好於常，王意悚然，加敬問曰：

有何道德，炳然有異？

夫人白王：

自念少福，稟斯女形，情態穢垢，日夜山積，人命促短，懼墜三塗。是以日月奉佛法齋，割愛從道，世世蒙福。

王聞歡喜，便以香瓔，以與末利夫人。夫人答言：

我今持齋，不應著此，可與餘人。

王曰：

我本發意，欲與勝者，卿今最勝，又奉法齋，道志殊高，是以相與。若卿不受，吾將安置。夫人答言：

大王勿憂！願王屈意，共到佛所，以此香瓔，奉上世尊，并採聖訓，累劫之福矣！

王即許焉，即勅嚴駕，往到佛所，稽首於地，却就王位，王白佛言：

海神香瓔，波利所上，六萬夫人，莫不貪得。末利夫人與而不取，持佛法齋，心無貪欲，謹以上佛，願垂納受。世尊弟子，執心護齋，直信如此，豈有福乎？

於是世尊為受香瓔，即說偈言：

多作寶華，	結步搖綺，	廣積德香，	所生轉好。
琦草芳華，	不逆風熏，	近道敷開，	德人逼香。
栴檀多香，	青蓮芳花，	雖曰是真，	不如戒香。
華香氣微，	不可謂真，	持戒之香，	到天殊勝。
戒具成就，	行無放逸，	定意度脫，	長離魔道。

佛說偈已，重告王曰：

齋之福祐，明譽廣遠！譬如天下，十六大國滿中珍寶，持用布施。不如末利夫人，一日一夕，持佛法齋，如比其福，須彌以豆矣，積福學慧，可到泥洹。

王及夫人、群臣大小，莫不歡喜，執戴奉行。

（29 長者子五十人，佛以蓮出泥喻）

昔佛在羅閱祇，耆闍崛山中。於時城中有長者子五十人，往詣佛所，作禮却坐。

時佛為說“無常、苦、空、非身”之法，

恩愛如夢，會當別離；尊榮豪貴，亦有憂感。

唯有泥洹，永離生死；群殃盡滅，乃可大安。

時五十人聞法喜悅，願為弟子。佛言：

善來比丘！

鬚髮自墮，法衣具足，即成沙門。此諸沙門，有親友長者，聞其出家，意大歡喜，往到崛山，與之相見，讚言：

諸君快哉善利！乃有此志。

為之設壇，請佛及僧。明日佛與眾會，就其舍食，食訖說法，晡時乃還。此諸新學沙門，戀慕宗黨，皆欲返退。

佛知其意，將出城門，見田溝中，污泥糞壤，中生蓮華，五色香潔，其香芬熏，乃蔽諸臭。佛便趣之，因說偈言：

如作田溝，	近於大道，	中生蓮華，	香潔可意。
有生死然，	凡夫處邊，	智者樂出，	為佛弟子。

佛說偈已，即還山中，賢者阿難，前白佛言：

向者世尊，臨田溝上，所說二偈，不審其義？願聞其意！

佛告阿難：

「汝見溝中，污泥不淨，糞壤之中，生蓮華不？」

「唯然見之！」

佛言：

阿難！

人在世間，展轉相生，計壽百歲，或長或短，妻子恩愛，飢渴寒熱，或悲或欣。

一凶，二吉，三毒，四倒，五陰，六入，七識，八邪，九惱，十惡。

猶如田溝，畜藏糞壤，污泥不淨。

歟有一人，覺世無常，

發心學道，修清淨志，凝神斷想，自致得道；亦如污泥，生好蓮華。

身自得道，還度宗親，一切眾生，皆蒙開解，亦如華香，奄蔽臭穢。

五十比丘聞佛說法，進志堅固，即得阿羅漢道。

愚闇品 第十三

(30 婆羅門年向八十更欲建舍，佛為說法，而沒空聽)

昔佛在舍衛國。

時，城中有婆羅門，年向八十，財富無數。為人頑闇，慳貪難化，不識道德，不計無常。

更作好舍：前庑¹⁹、後堂、涼臺、煖室，東西廂廡，數十梁間；唯後堂前，拒陽未訖。時婆羅門，恒自經營，指授眾事。

佛以道眼，見此老翁，命不終日，當就後世，不能自知，而方忽忽，形瘦力竭，精神無福，甚可憐愍。佛將阿難，往到其門，慰問老翁：

得無勞倦？今作此舍，皆何所安？

老翁答言：

前庑待客，後堂自處；東西二廂當安兒息、財物、僕使；夏上涼臺，冬入溫室。

佛語老翁：

久聞宿德，思遲談講，偶有要偈，存亡有益，欲以相贈！不審可小廢事，共坐論不也？

老翁答言：

今正大懃，不容坐語；後日更來，當共善敘。所云要偈，便可說之。

於是世尊，即說偈言：

有子.有財，	愚惟汲汲 ²⁰ ；	我且非我，	何憂子.財？
暑當止此，	寒當止此，	愚多預慮，	莫知來變！
愚蒙愚極，	自謂我智，	愚而勝智，	是謂極愚！

婆羅門言：

善說此偈！今實太懃，後來更論之。

於是世尊，傷之而去。老翁於後，自授屋椽²¹，椽墮打頭，即時命過，室家啼哭，驚動四鄰。

佛去未遠，便有此變，佛到里頭，逢諸梵志，有數十人，前問佛言：

從何所來？

佛言：

屢到此死翁舍，為翁說法，不信佛語、不知無常，今者忽然，已就後世。

具為諸梵志，更說前偈義，聞之欣然，即得道跡。於是世尊，而說偈言：

· 愚闇近智，	如瓢斟味，	雖久狎 ²² 習，	猶不知法；
· 開達近智，	如舌嘗味，	雖須臾習，	即解道要。
愚人施行，	為身招患，	快心作惡，	自致重殃。
行為不善，	退見悔悵 ²³ ，	致涕流面，	報由宿習。

時諸梵志，重聞此偈，益懷篤信。為佛作禮，歡喜奉行。

¹⁹ 庑—Y：大廳、廳堂。

²⁰ 汲汲：形容努力求取、不休息的樣子。

²¹ 椽—Y：架在桁上用以承接木條及屋頂的木材

²² 狎—Y：親近

²³ 悵—Y：同義字：吝、悵

（31 金剛等五百餘人聞法遇火，佛為說昔因緣）

昔佛在舍衛國給孤獨精舍，為諸天人說法。

時波斯匿王有一寡女，名曰金剛，壯寡未歸，父母哀愍，別為宮舍，作好舍宅，給五百妓女，以娛樂之。眾中有一長老青衣，名曰度勝，恒行市買脂粉香華。時見男女無數，大眾各齋香華，出城詣佛。即問行人：

欲何所至？

眾人答言：

佛出於世，三界之尊，度脫眾生，皆得泥洹。

度勝聞之，心悅意喜，即自念言：

會老見佛，宿世之福。

便分香直，持買好華，隨眾人輩，往到佛所，作禮却立，散華燒香，一心聽法，已過市取香，因聽法功德，宿行所迫，香氣熏聞，斤兩倍前，嫌其遲晚，而共詰之，度勝奉道，即如事言：

世有聖師，三界之尊，擊無上法鼓，震動三千，往聽法者，無央數人，實隨聽法，是以稽遲。

金剛之徒，聞說世尊，法義深妙，非世所聞，悚然心歡，而自歎曰：

吾等何罪，獨自不聞。

即報度勝：

試為我說之！

度勝白曰：

身賤口穢，不敢便宜。

乞更諮受，如命說之，即便遣出，重告之曰：

具受儀式。

度勝未還，金剛侍女，側息中庭，如子待母。佛告度勝：

汝還說法，多所度脫，說法之儀，先施高座。

度勝受勅，具宣聖旨，皆大歡喜。各脫衣服一領，積為高座，度勝洗浴，承佛威神，如應說法。金剛之等，五百餘人，疑解破惡，得須陀洹道。說法甚美，不覺失火，一時燒死，即生天上。王將人從來欲救火，見之已燃，收拾棺殮，葬送畢訖，往過佛所，為佛作禮，却坐常位。佛問王曰：

所從來也？

王叉手言：

女金剛不幸不覺失火，大小燒盡，適棺殮還。不審何罪，遇此火害？唯願世尊，彰告未聞！

佛告大王：

過去世時有城名波羅奈，有長者婦，將姝女五百人，至城外大祠祀。其法難犯，他姓之人，不得到邊，不問親疎，其有來者，擲著火中。

時世有一辟支佛名曰迦羅，處在山中，晨來分衛，暮輒還山。迦羅分衛來趣郊祠，長者婦見之忿然瞋恚，共捉迦羅撲著火中，舉身焦爛。便現神足，飛昇虛空，眾女驚怖，泣淚悔過，長跪舉頭，而自陳曰：

女人憊愚，不識至真，群愚荒駭，毀辱神靈，自惟過豐，罪惡若山，願降尊德，以消重殃。

尋聲即下，而般泥洹，諸女起塔，供養舍利。

佛為大王，而說偈言：

愚恚作惡，	不能自解，	殃迫自焚，	罪成熾然。
愚所望處，	不謂適苦，	臨墮厄地，	乃知不善。

佛告大王：

爾時長者婦，今王女金剛是。

五百侍女今度勝等，五百伎女是。罪福迫人，久無不彰；善惡隨人，如影隨形。。

說是法時，國內大小，信伏歡喜，咸歸三尊，皆受五戒，即得道跡。

明哲品 第十四

(32 梵志學弓、習船、調木，佛明智者調身)

昔有梵志，其年二十，天才自然，事無大小，過目則能。自以聰哲，而自誓曰：

天下技術，要當盡知；一藝不通，則非明達也！

於是遊學，無師不造。六藝雜術，天文地理，醫方鎮壓，山崩地動，擣菹博奕，妓樂博撮，裁割衣裳，文繡綾綺；厨膳切割，調和滋味。人間之事，無不兼達。心自念曰：

丈夫如此，誰能及者？試遊諸國，摧伏觚對，奮名四海，技術衝天，然後載功竹帛，垂勳百代！

於是遊行，往至一國，入市觀視，見有一人，坐作角弓，析筋治角，用手如飛，作弓調快，買者諍前，即自念曰：

少來所學，自以具足，邂逅自輕，不學作弓，若彼鬪技，吾則不如矣，當從受學耳！

遂從弓師，求為弟子，盡心受學。月日之中，具解弓法，所作巧妙，乃踰於師，布施財物，奉辭而去。

去之一國，當渡江水，有一船師，用船若飛，迴旋上下，便疾無雙。復自念曰：

吾技雖多，未曾習船，雖為賤術，其於不知，宜當學之，萬技悉備。

遂從船師，願為弟子，供奉盡敬，竭力勞勤，月日之中，知其逆順，御船迴旋，乃踰於師，布施財物，奉辭而去。

復至一國，國王宮殿，天下無雙。即自念曰：

作此殿匠，巧妙乃爾，自隱遊來，偶不學之。若與競術，必不勝矣，且當復學，意乃足耳。

遂求殿匠，願為弟子，盡心供養。執持斤斧，月日之間，具解尺寸，方圓規知，彫文刻鏤，木事盡知，天才明朗，事輒勝師，布施所有，辭師而去。

周行天下，遍十六大國，命敵捋技，獨言隻步，無敢應者，心自貢高曰：

天地之間，誰有勝我者！

佛在祇洹，遙見此人，應可化度。佛以神足，化作沙門，拄杖持鉢，在前而來，梵志由來，國無道法，未見沙門，怪是何人，須至當問，須臾來到。梵志問曰：

百王之則，未見君輩，衣裳制度，無有此服，宗廟異物，不見此器。

君是何人，形服改常也？

沙門答曰：

吾調身人也！

復問：

何謂調身？

於是沙門，因其所習，而說偈言：

弓匠調角，	水人調船，	巧匠調木，	智者調身。
譬如厚石，	風不能移，	智者意重，	毀譽不傾。
譬如深淵，	澄靜清明，	慧人聞道，	心淨歡然。

於是沙門，說此偈已，身昇虛空，還現佛身；三十二相，八十種好，光明洞達，照耀天地，從虛空來下，謂其人曰：

吾道德變化，調身之力也！

於是其人，五體投地，稽首問曰：

願聞調身，其有要乎！

佛告梵志：

五戒、十善、四等、六度、四禪、三解脫，此調身之法也！

夫弓、船、木匠、六藝奇術，斯皆綺飾，華譽之事！蕩身縱意，生死之路也！

梵志聞之，欣然信解，願為弟子。佛言：

沙門善來！

鬚髮自墮，即成沙門，佛重為說，四諦八解之要，尋時即得阿羅漢道。

（33 雙德、雙福昔退求人天福因緣・前迦葉佛時曾作沙門）

昔佛在舍衛國。

有山民村五六十家，去國五百里，村中有一貧家，其主人婦，懷妊十月，雙生二男，甚大端政無比，父母愛之，便為作字：一名雙德，二名雙福。生五、六、十日，其父放牛，來還懈怠，却臥床上；其母出田，拾薪未還。此二小兒，左右顧視，不見父母，便共相責，語一人言：

前世之時，垂當得道，正坐愚意，謂命可常，退墮生死，不可計劫。

今乃得生，此貧家作子，穰草之中，以氈褐自覆，食飲羸惡，纔自支身。如此至久，云何得道？皆坐前世，戀慕富貴，放身散意，快樂須臾，從爾以來，長塗受苦，如今憂惱，當何恃怙？

一人答曰：

我爾時小難一時之慙，竟不意精進，而令數世，遭諸苦患，此是自為，非父母作也。但共當之，復何所言！

父聞二子，相責如是，甚大怪之，謂呼：

是鬼祟來生災變！云何數十日小兒，乃作此言？

恐其後日，殺親滅族。曼小未大，宜當殺之！

其父驚出，閉門捨去，到田取薪，欲燒殺之。其母來還問夫：

用此薪為？

夫言：

甚大可怪，所說如是，此似是鬼！必破人門族，以其曼小，欲燒殺之！

其母聞此，意中愕然，猶豫未信：

小停數日，更聽其言。

至明日夫婦，俱出於戶外，潛聽二兒，在內相責如故。夫婦重共，聞之甚怪，所以便共，集薪密欲燒之。

佛以天眼，見此夫婦，欲燒殺二子，愍其可憐，宿福應度。往到其村，普放光明，天地大動，山川樹木，皆作金色，村中大小，驚到佛所，為佛作禮，莫不歡喜，知佛至神，三界無比。佛到雙生小兒家，二兒見佛光明，喜踊難量，父母又驚，各抱一子，將至佛所，問佛世尊：

此小兒生來五六十日，所說如是，甚共怪之，恐作禍害，欲火燒殺之！正值佛來，未及得燒，不知此小兒，為是何等鬼魅也？唯願解說，是何災怪？

小兒見佛，踊躍歡喜，佛見小兒大笑，口出五色，光普照天地。

佛告小兒父母，及村人大小：

此二小兒非是鬼魅。（是）福德之子！

前迦葉佛時曾作沙門，少小共為朋友，同志出家，各自精進，臨當得道，歎起邪想，共相沮敗，樂世榮華，恃福生天，下為侯王、國主、長者。

歎起是想，便墮退轉，不得涅槃，更此生死，彌連劫數，常相鈎牽，輒共雙生，遭我世時，今始乃生！

已往供養佛功德故，餘福應度，罪滅福生，自識宿命，是以世尊，故來度之，我不度者，橫為火所燒。

於是世尊，即說偈言：

大人體無欲，	在所照然明，	雖或遭苦樂，	不高現其智。
大賢無世事，	不願子財國，	常守戒慧道，	不貪邪富貴。
智人知動搖，	譬如沙中樹，	朋友志未強，	隨色染其素。

佛說是時，小兒見佛，其身即踊，如八歲小兒，即作沙彌，得羅漢道。

村人大小，見佛光相，又見小兒，形變踊大，皆大歡喜，得須陀洹道。父母疑解，亦得法眼。

羅漢品 第十五

(34 分那以智助主，後出家得道，再導主歸佛)

昔有一國名曰那梨，近南海邊，其中人民採真珠、栴檀以為常業。其國有一家兄弟二人，父母終亡，欲求分異。家有一奴名曰分那，年少聰了，賈販市買，入海治生，無事不知。居家財物分為一分；以奴分那持作一分。兄弟擲籌，弟得分那，止將妻子，空手出舍。

時世飢儉，唯得分那，恐不相活，以為愁憂，時奴分那白大家言：

願莫愁憂，分那作計，月日之中，當令勝兄！

大家言：

若審能爾者，放汝為良人！

大家夫人，有私珠物，與分那作本。時海潮來，城內人民，至水邊取薪，分那持珠物，出至城外，見一乞兒負薪，薪中有牛頭栴檀香，可治重病，一兩直千兩金，時世有一，不可常得，分那識之，以金錢二枚，買得持歸，破作數十段。

時有長者得重病，當須此牛頭栴檀香二兩合藥，求不能得，分那持往，即得二千兩金。如是賣盡，所得不訾富兄十倍，大家感念分那之恩，不違言誓，放為良人，隨意所樂。

於是分那，辭行學道，到舍衛國為佛作禮，長跪白佛：

所出微賤，心樂道德，唯願世尊，垂慈濟度！

佛言：

善來分那：

頭髮自墮，法衣著身，即成沙門，佛為說法，尋得羅漢道。坐自思惟：

今得六通，存亡自由，皆主人之恩，今當往度，并化國人。

於時分那，往到本國，至主人家，主人歡喜，請坐設食，食訖澡手，飛昇虛空，分身散體，半出水火，光明洞達，從上來下，告主人曰：

此之神德，皆是主人，放捨之福；往到佛所，所學如是！

主人答曰：

佛之神化，微妙乃爾，願見世尊，受其教訓！

分那答曰：

但當志心，供設饌具，佛三達智，必自來矣！

即便設供，宿昔已辦，向舍衛國，稽首長跪，燒香請佛：

唯願屈尊，廣度一切！

佛知其意，即與五百羅漢，各以神足，往到其舍。國王人民，莫不敬肅，來至佛所，五體投地，却坐王位，食畢澡訖，佛為主人，及王官屬，廣陳明法，皆受五戒，為佛弟子。起住佛前，歎分那曰：

在家精勤，出家得道，神德高遠，家國蒙度！我當云何，以報其恩！

於是世尊重歎分那而說偈言：

心已休息，	言行亦止，	從正解脫，	寂然歸滅。
棄欲無著，	缺三界障，	望意已絕，	是謂上人。

若聚若野， 平地高岸， 應真所過， 莫不蒙度。
彼樂空閑， 眾人不能， 快哉無望， 無所欲求。

佛說偈已，主人及王，益加歡喜，供養七日，得須陀洹道。

述千品 第十六

(35 般特比丘以一偈得道・為比丘尼說法・為國王現神通)

昔佛在舍衛國。

有一長老比丘字般特，新作比丘，稟性闇塞。佛令五百羅漢，日日教之，三年之中，不得一偈，國中四輩，皆知其愚冥。佛愍傷之，即呼著前，授與一偈：

守口、攝意、身莫犯非，如是行者得度世。

時般特感佛慈恩，歡欣心開，誦偈上口，佛告之曰：

汝今年老，方得一偈，人皆知之，不足為奇。今當為汝，解說其義，一心諦聽！

般特受教而聽，佛即為說：

身三、口四、意三所由，觀其所起，察其所滅：三界、五道，輪轉不息；由之昇天，由之墮淵，由之得道，涅槃自然。

分別為說，無量妙法，時般特驕然心開，即得羅漢道。

爾時，有五百比丘尼別有精舍，佛日遣一比丘，為說經法。明日般特次應當行，諸尼聞之，皆豫含笑：

明日來者，我等當共，逆說其偈，令之慚愧，無所一言。

明日般特往諸比丘尼，大小皆出作禮，相視而笑，坐畢下食，食已澡手，請令說法。時般特即上高座，自慚否曰：

薄德下才，末為沙門，頑鈍有素，所學不多，唯知一偈，粗識其義，當為敷演，願各靜聽！諸年少比丘尼欲逆說偈，口不能開，驚怖自責，稽首悔過。般特即如佛所說，一一分別：身意所由，罪福內外，昇天、得道，凝神斷想，入定之法。即時諸尼，聞其所說，甚怪甚異，一心歡喜，皆得羅漢道。

後日，國王波斯匿請佛眾僧於正殿會，佛欲現般特威神，與鉢令持，隨後而行，門士識之，留不聽入：

卿為沙門，一偈不了，受請何為？吾是俗人，由尚知偈，豈況沙門，無有智慧！施卿無益，不須入門！

時般特即住門外，佛坐正殿上，行水已畢，般特即擎鉢申臂，遙以授佛。王及群臣、夫人、太子、眾會四輩，見臂來入，不見其形，怪而問佛：

是何人臂？

佛言：

是般特比丘臂也，近日得道，向吾使持鉢，門士不聽來入，是以申臂，授吾鉢耳！

即便請入，威神倍常、王白佛言：

聞般特本性愚鈍，方知一偈，何緣得道？

佛告王曰：

學不必多，行之為上，般特解一偈義，精理入神，身口意寂，淨如天金。

人雖多學，不解不行，徒喪識想，有何益哉？

於是世尊即說偈言：

雖誦千章，	句義不正，	不如一要，	聞可滅惡。
雖誦千言，	不義何益，	不如一義，	聞行可度。
雖多誦經，	不解何益，	解一法句，	行可得道。

佛說偈已，三百比丘得阿羅漢道。王及群臣、夫人、太子、莫不歡喜。

（36 藍達長者施多得福報少，佛為說法）

昔佛在舍衛國精舍之中，為天人說法。

時，舍衛國中，有婆羅門長者名藍達，大富無極，其家資財，不可計數。梵志之法，當作大壇，以顯名譽。盡家之財，持用布施，作般闍于瑟。供養婆羅門五千餘人，五年之中，供給衣被、床榻、醫藥、珍琦寶物、郊祠供具，盡所愛惜。

諸梵志等五年之中，為羅摩達長者，祭祀諸天、四山、五嶽、星宿、水火，無不周遍，呪願長者，長夜受福。

五歲已周，最後一日，極大布施，如長者法，金鉢盛銀粟，銀鉢盛金粟，象馬、車乘，奴婢、資財，七寶服飾，散蓋、履屣，鹿皮之衣，錫杖、踞床，澡罐、澡盤、床榻、席薦，所應當得，事事八萬四千，盡持布施。

當其爾日，皆來大會，鬼神、國王、大臣、梵志、大姓，悉來會坐，隱隱闐闐，莫不歡欣，佛見如是，歎然言曰：

此大姓梵志，何以愚癡！所施大多，福報薄少，如種火中，何從得報也？若我不化，長離法門！

於是世尊，便起嚴服，化從地出，放大光明，普照眾會，大小見之，怪未曾有，驚怖悚懼，不知何神。長者羅摩達，及諸大眾，頭面著地，為佛作禮，佛見眾人，皆有敬心。因其恭肅，便說偈言：

月千反祠， 終身不徹， 不如須臾， 一心念法！ 一念造福， 勝彼終身。
雖終百歲， 奉事火神， 不如須臾， 供養三尊！ 一供養福， 勝彼百年。

於是世尊，告藍達曰：

施有四事，何等為四？

一者、施多得福報少，二者、施少得福報多，

三者、施多得福報多，四者、施少得報亦少。

何謂施多得福報少者？其人愚癡，殺生祭祀，飲酒、歌舞；破損財寶，無有福慧。

何謂施少得 報少者？以慳貪惡意，施凡道士；俱兩愚癡，是故無福。

何謂施少得福 多者？能以慈心，奉道德人，道士食已，精進學誦；施此雖少其福彌大。

何謂施多得福 多者？若有賢者覺世無常，好心出財起立塔寺、精舍、菓園，供養三尊衣服、

履屣、床榻、厨膳；斯福如五河流入於大海，福流如是世世不斷，是為施多其報轉多。

譬如農家，地有厚薄，所得不同。

爾時，藍達長者，座中會人，見佛變化，聞說法言，皆大歡喜。

諸天人神，皆得須陀洹道；五千梵志，皆作沙門，得應真道；主人藍達居家大小，皆受五戒，亦得道迹；國王、大臣，皆受三自歸，為優婆塞，亦得法眼。

（37 有一人不孝父母，不敬長老；憍慢貢高，而欲事火求福）

昔佛在舍衛精舍教化。

時，羅閱祇國有一人，為人凶愚，不孝父母；輕侮良善，不敬長老。居門衰耗，常不如意。

· 便行**事火**欲求福祐。事火之法：日適欲沒，燃大火聚，向之跪拜，或至夜半，火滅乃止。如是三年，不得其福。

· 更**事日月**，事日月法：晝以日出，夜以月明，向日月拜，沒乃休止。如是三年，復不得福。

· 轉復**事天**：燒香跪拜，奉上甘美，香華、酒脯、猪、羊、牛犢；遂至貧困，故不得福。

慙苦憔悴，病不去門，聞舍衛國有佛，諸天所宗，當往奉事，必望得福。即到佛所，至精舍門，瞻覩世尊，光相晃然，容顏奇異，如星中月，見佛歡喜，頭面作禮，叉手白佛：

生長愚癡，不識三尊。事火、日月、及諸天神，九年精慙，永不蒙福，顏色憔悴，氣力衰微。四大多患，死亡無日。伏承世尊、度人之師，故遠自歸，願垂福慶！

佛告之曰：

汝之所事，彌是妖邪、魑魅魍魎，禱祀如山，罪如江海。殺生求福，去福遠矣。正使百劫，慙苦盡殺，普天猪羊、持用禱祀，罪如須彌，福無芥子。徒自費喪，豈不惑哉！

又卿為人，不孝父母；輕易賢善，不敬長老；憍慢貢高，三毒熾盛。罪豐日深，何緣得福？若能改心，禮敬賢者，威儀禮節，供奉長老，棄惡信善，修己崇仁，四福日增！世世無患。

何等為四？

一者、顏色端正。

二者、氣力豐強。

三者、安隱無病。

四者、益壽終不枉橫。

行之不懈亦可得道。

於是世尊，即說偈言：

祭神以求福，	從後觀其報，	四分未望一，	不如禮賢者。
能善行禮節，	常敬長老者，	四福自然增，	色.力.壽.而安。

於是其人，聞佛此偈，歡喜信解，稽首作禮，重白佛言：

罪垢所蔽，積罪九年，幸賴慈化，今得開解。唯願世尊，聽為沙門！

佛言：

善來比丘！

頭髮自墮，即成沙門，內思安般，即得羅漢道。

惡行品 第十七

(38 五百獼猴作塔生天因緣，口業)

昔佛在羅閱祇國，遣一羅漢名曰須漫，持佛髮爪，至罽賓南，山中作佛圖寺，五百羅漢常止其中，旦夕燒香，繞塔禮拜。

時彼山中，有五百獼猴，見諸道人，供養塔寺。即便相將，至深澗邊，負輦泥石，效作佛圖，豎木立剎，幣幡繫頭，旦夕禮拜，亦如道人。

時山水瀑漲，五百獼猴，一時漂沒，魂神即生，第二忉利天上，七寶殿舍，衣食自然，各自念言：

從何所來，得生天上。

即以天眼，自見本形，獼猴之身，效諸道人，戲作塔寺。雖身漂沒，神得生天。

今當下報，故屍之恩？

各將侍從，華香伎樂，臨故屍上，散華燒香，繞之七匝。

時山中有五百婆羅門，外學邪見，不信罪福，見諸天人，散華作樂，繞獼猴屍，怪而問曰：

諸天光影，巍巍乃爾，何故屈意，供養此屍？

諸天人言：

此屍是吾等故身！昔在此間，效諸道人，戲立塔寺；山水瀑漲，漂殺吾等，以此微福，得生天上。今故散華，以報故身之恩！

戲為塔寺，獲福如此！若當至心，奉佛世尊，其德難喻，卿等邪見，不信正真，百劫勤苦，無所一得，不如共往至耆闍崛山，禮事供養，得福無限！

即皆欣然，共至佛所，五體作禮，散華供養。諸天人白佛：

我等近世，獼猴之身，蒙世尊之恩，得生天上，恨不見佛，今故自歸！

重白佛言：

我等前世，有何罪行，受此獼猴身？雖作塔寺，身被漂殺？

佛告天人：

此有因緣，不從空生，吾當為汝，說其所由：

乃往昔時，有五百年少婆羅門，共行入山，欲求仙道，時山上有一沙門，欲於山上，泥治精舍，下谷取水，身輕若飛，五百婆羅門，興嫉妬意，同聲笑之：

今此沙門，上下翻疾，亦如獼猴耳，何足為奇也！

如是取水不止，山水一來，溺殺不久！

佛告諸天人：

爾時上下沙門我身是也；

五百年少婆羅門者，五百獼猴身是。

戲笑作罪身受其報。

於是世尊即說偈言：

戲笑為惡， 已作身行， 瑠泣受報， 隨行罪至。

佛告諸天人：

汝之近世，雖為獸身，乃能戲笑，起作塔寺。今得生天，罪滅福興。

今者復來，躬奉正教，從此因緣，長離眾苦。

佛說是已，五百天人，即得道迹，其所共來水邊五百婆羅門，聞罪福之報，而自歎曰：

吾等學仙，積有年數，未蒙果報。不如獼猴戲笑，為福得生天上，佛之道德，實妙乃爾。
於是稽首佛足，願為弟子。佛言：

善來比丘！

即成沙門，精進日脩，遂得羅漢道。

（39 瑠璃王滅舍夷國，目連為救，但不敵業）

昔佛在舍衛國精舍之中，為諸天人說法。

時國王第二兒名曰瑠璃，其年二十，將從官屬，退其父王；伐兄太子，自禪為王。有一惡，名曰耶利，白瑠璃王：

王本為皇子，時至舍夷國外家舍，看到佛精舍中，為諸釋種子所呵，罵詈無有好醜，爾時見勅：

『若我為王，便啟此事。』

今時已到，兵馬興盛，宜當報怨！

即勅嚴駕，引率兵馬，往伐舍夷國。佛有第二弟子，名摩訶目犍連，見琉璃王引率兵士，伐舍夷國，以報宿怨：

今當伐殺，四輩弟子！

念其可憐，便往到佛所，白佛言：

今琉璃王攻舍夷國，我念中人當遭辛苦，我欲以四方便，救舍夷國人：

一者、舉舍夷國人著虛空中；

二者、舉舍夷國人著大海中；

三者、舉舍夷國人著兩鐵圍山間；

四者、舉舍夷國人著他方大國中央，令琉璃王不知其處。

佛告目連：

雖知卿有是智德能，安處舍夷國人，萬物眾生有七不可避！何謂為七？

一者、生， 二者、老， 三者、病， 四者、死，

五者、罪， 六者、福， 七者、因緣。

此七事意雖欲避，不能得自在；如卿威神，可得作此，宿對罪負，不可得離！

於是目連禮已便去，自以私意，取舍夷國人，知識檀越四五百人，盛著鉢中，舉著虛空、星宿之際。琉璃王伐舍夷國，殺三億人已，引軍還國。於是目連，往到佛所，為佛作禮，自貢高曰：

琉璃王伐舍夷國，弟子承佛威神，救舍夷國人四、五千人，今在虛空皆盡得脫。

佛告目連：

卿為往看鉢中人不也？

曰：

未往視之。

佛言：

卿先往視鉢中人眾！

目連以道力下鉢，見中人皆死盡，於是目連悵然悲泣，愍其辛苦。還白佛言：

鉢中人者，今皆死盡，道德神力，不能免彼宿對之罪！

佛告目連：

有此七事，佛及眾聖，神仙、道士，隱形散體，皆不能免此七事。

於是世尊即說偈言：

非空非海中， 非隱山石間， 莫能於此處， 避免宿惡殃。
眾生有苦惱， 不得免老死， 唯有仁智者， 不念人非惡。

佛說是時，座上無央數人，聞佛說無常法，皆共悲哀，念對難免，欣然得道，逮須陀洹證。

刀仗品 第十八

(40 老比丘久病無人侍，佛親為侍，說昔打眾生之業報)

昔有一國名曰賢提，時有長老比丘，長病委頓，羸瘦垢穢，在賢提精舍中臥，無瞻視者。佛將五百比丘，往至其所，使諸比丘，傳共視之，為作糜粥。而諸比丘，聞其臭處，皆共賤之。佛使天帝釋取湯水，佛以金剛之手，洗病比丘身體，地尋震動，瞢然大明，莫不驚肅。國王、臣民、天龍、鬼神、無央數人，往到佛所，稽首作禮，白佛言：

佛為世尊，三界無比，道德已備！云何屈意，洗此病瘦、垢穢比丘？

佛告國王，及眾會者：

如來所以出現於世，正為此窮厄、無護者耳！

供養病瘦、沙門、道士，及諸貧窮、孤獨、老人，其福無量，所願如意。

譬五河流，福來如是，功德漸滿，會當得道。

王白佛言：

今此比丘宿有何罪？困病積年，療治不差。

佛告王曰：

往昔有王名曰惡行，治政嚴暴，使一多力五百主令鞭人；五百假王威怒，私作寒熱，若欲鞭人，責其價數，得物鞭輕，不得鞭重，舉國患之。

有一賢者，為人所誣，應當得鞭，報五百言：

『吾是佛弟子，素無罪過，為人所枉，願小垂恕！』

五百聞是佛弟子，輕手過鞭，無著身者。五百壽終，墮地獄中，考掠萬毒，罪滅復出，墮畜生中，恒被撻杖，五百餘世。罪畢為人，常嬰重病，痛不離身。

· 爾時國王者，今調達是也；

· 時五百者，今此病比丘是也；

· 時賢者者，吾身是也。

吾以前世，為其所恕，鞭不著身。是故世尊，躬為洗之。人作善惡，殃福隨身，雖更生死，不可得免。

於是世尊，即說偈言：

撻杖良善，	妄讒無罪，	其殃十倍，	災卒無赦。
生受酷痛，	形體毀折，	自然惱病，	失意恍惚，
人所誣者，	或縣官厄，	財產耗盡，	親戚離別，
舍宅所有，	災火焚燒，	死入地獄，	如是為十。

時病比丘，聞佛此偈，及宿命事，自知本行，剋心自責。即於佛前，所患除愈，身安意定，即得羅漢道。

賢提國王，歡喜信解，尋受五戒，為清信士，沒命奉行，得須陀洹道。

（41 五百梵志岸邊有三祠神池。沐浴垢穢，俛形求仙，如尼捷法。聞樹神昔持齋因緣，後求佛出家得道，隨喜功德，受齋）

昔佛在舍衛國·祇樹給孤獨精舍中，為天人、龍鬼說法。

東方有國名鬱多羅波提，昔有婆羅門等，五百人相率欲詣恒水岸邊，有三祠神池，沐浴垢穢，俛形求仙，如尼捷法。道由大澤，迷不得過，中道乏糧，遙望見一大樹，如有神氣，想有人居，馳趣樹下，了無所見。婆羅門等，舉聲大哭，飢渴委厄，窮死斯澤。樹神人現，問諸梵志：

道士那來，今欲何行？

同聲答曰：

欲詣神池，澡浴望仙，今日飢渴，幸哀矜濟！

樹神即舉手，百味飲食，從手流溢，給眾飯食，皆得飽滿，其餘食飲，足供道糧，臨當別去，詣神請問：

本行何德，致此巍巍？

神答梵志：

吾本所居，在舍衛國，時國大臣，名曰須達，飯佛眾僧，詣市買酪，無提酪者，左右顧視，倩我提之。往到精舍，使我斟酌。訖行澡水，儼然聽法，一切歡喜，稱善無量。時我奉齋，暮還不食，婦怪問我：

不食何恨？

答曰：

不恨也！吾行於市，見長者須達，於園飯佛，我往持齋，齋名八關！。

其婦瞋恚，忿然言曰：

瞿曇亂俗，奚足採納！君毀遺則，禍從此興！

踧迫不已，便共俱食！時我爾夜，年壽算盡，終於夜半，神來生此。為是愚婦，敗我齋法，不卒其業，來生斯澤，作此樹神。提酪之福，手出飲食。

若終齋法，應生天上，封受自然！

即為梵志，而說頌曰：

祠祀種禍根， 日夜長枝條， 唐苦敗身本， 齋法度世仙。

梵志聞偈，迷解信受，旋還舍衛，路由一國，國名拘藍尼，有長者名曰美音，為人恩仁，眾人敬仰。梵志過宿，長者問曰：

道士那來？今欲所至？

具陳彼澤樹神功德，欲詣舍衛，造須達所，攢採齋法，冀蒙得福。美音喜踊，宿行所迫，且自解暢，宣令宗室：

誰能共行，受齋戒法？

合五百人，僉然應命，本願相引，威儀嚴出，共詣舍衛。未至祇洹，道逢須達，遇而不識，顧問從者：

此何丈夫？

對曰：

須達也！

梵志眾等，喜而追曰：

吾願成矣，求人得人，馳趣相見。

同聲歎曰：

樹神歎德，注仰虛心，具說所嗟，故來投託，冀示法齋。

住車答曰：

所求大善，吾有尊師，號曰如來、眾祐，度脫人類，近在祇洹，可共親造。

即皆敬諾，恭肅進前，遙見如來，情喜難量。五體投地，退坐一面，皆共長跪，白世尊曰：

本初發家，欲至三池，沐浴求仙；經由樹神，所陳如此，是故投化，願示極靈！

於是世尊，因其所行，而說偈言：

雖僂剪髮，	長服草衣，	沐浴踞石，	奈疑結何？
不伐殺燒，	亦不求勝，	仁愛天下，	所適無怨。

五百梵志，聞偈歡喜，皆作沙門，得應真道；美音宗等，逮得法眼。諸比丘白佛言：

五百梵志，及長者等，本行何德，得道何速？

世尊告曰：

過去久遠時，世有佛名曰迦葉，為諸弟子說法：

『當來五濁之時……』

時，有梵志、長者千人，同發是言：

『令我遭見釋迦文佛！』

爾時梵志者，今此等梵志是；

爾時長者，今美音等是；

從是因緣，見我便解。

比丘歡喜，作禮奉行。

法句譬喻經卷第二

法句譬喻經卷第三

晉世沙門法炬共法立譯

老耄品 第十九

(42 長老婆羅門七人求佛出家，因思世事，佛為說法·精進)

昔佛在舍衛國·祇樹精舍，食後為天人、帝王、臣民、四輩弟子，說甘露法。

時有遠方，長老婆羅門七人，來至佛所，稽首於地，叉手白佛言：

吾等遠人，伏聞聖化，久當歸命，而多諸礙。今乃得來，覲觀聖顏，願為弟子，得減眾苦。佛即受之，悉為沙門，即令七人，共止一房。然此七人，覲見世尊，尋為得道，不惟無常，共坐房中，但思世事，小語大笑，不計成敗，命日促盡，不與人期，但共喜笑，迷意三界。佛以三達智，知命欲盡，佛哀愍之，起至其房，而告之曰：

卿等為道，當求度世，何為大笑也！

一切眾生以五事自恃，何謂為五？

一者、恃怙年少。

二者、恃怙端政。

三者、恃怙多力。

四者、恃怙財富。

五者、恃怙貴姓。

卿等七人，小語大笑，為何所恃？

於是世尊，即說偈言：

何喜何笑？	念常熾然，	深蔽幽冥，	不如求定。
見身形範，	倚以為安，	多想致病，	豈知不真。
老則色衰，	病無光澤，	皮緩肌縮，	死命近促。
身死神從，	如御棄車，	肉消骨散，	身何可怙？

佛說偈已，七比丘意解望止，即於佛前，得阿羅漢道。

（43 五百年少婆羅門為人憍慢，佛為說精進四法）

昔佛在舍衛精舍，為諸天人帝王說法。

時有婆羅門村，五百餘家，中有五百年少婆羅門，修婆羅術，為人憍慢，不敬長老，貢高自貴，以此為常，五百梵志歎自議言：

沙門瞿曇，自稱為佛，三達權智，無敢共論者！吾等可共請求論議，事事詰問，知為何如？即辦供具，往請佛來，佛與諸弟子，往到梵志村中，坐畢行水，食訖澡手。

時有長老梵志夫婦二人，於此村中，共行乞丐。佛知其本，大富無數，曾作大臣。佛即問諸年少梵志：

汝等識長老婆羅門不？

皆言：

曾識。

又問：

本為何似也？

曰：

「本為大臣，財富無數。

「今者何故，復行乞丐？

皆言：

散用無道，是以守貧。

佛告諸婆羅門：

世有四事，人不能行，行者得福，不致此貧，何謂為四？

一者、年盛力壯，慎莫憍慢。

二者、年老精進，不貪姪姪。

三者、有財珍寶，常念布施。

四者、就師學問，聽受正言。

如此老公，不行四事，謂之有常，不計成敗，一旦離散，譬如老鵠，守此空池，永無所獲。於是世尊即說偈言：

晝夜慢惰，	老不止姪，	有財不施，	不受佛言。
有此四蔽，	為自侵欺，	咄嗟老至，	色變作耄。
少時如意，	老見蹈踐，	不修梵行，	又不富財。
老如白鵠，	守斯空池，	既不守戒，	又不積財。
老羸氣竭，	思故何逮，	老如秋葉，	行穢鑑錄。
命疾脫至，	不容後悔！		

佛告梵志：

世有四時，行道得福、得度，可免眾苦！何謂為四？

一者、年少有力勢時。

二者、富貴有財物時。

三者、得遇三尊好福田時。

四者、當計萬物憂離散時。

行此四事所願皆獲，必得道跡。

於是世尊重說偈言：

命欲日夜盡，	及時可勤力，	世間諦非常，	莫惑墮冥中。
當學然意燈，	自練求智慧，	離垢勿染污，	執燭觀道地。

佛說是時，放大光明，照曜天地，五百年少梵志，因此心解，衣毛為豎，起禮佛足，白佛言：

歸命世尊，願為弟子。

佛言：

善來比丘！

即成沙門，得羅漢道。村人大小，皆得道迹，莫不歡欣。

愛身品 第二十

（44 摩訶盧比丘數年不得一偈欲自絞死，佛化樹神為說因緣，往迦葉佛時…）

昔有一國名多摩羅，去城七里有精舍，五百沙門，常處其中，讀經行道。有一長老比丘名摩訶盧，為人闇塞，五百道人傳共教之，數年之中，不得一偈。眾共輕之，不將會同，常守精舍，勅令掃除。後日國王，請諸道人，入宮供養，摩訶盧比丘自念言：

我生世間，闇塞如此，不知一偈，人所薄賤，用是活為！

即持繩至後園中大樹下，欲自絞死。佛以道眼，遙見如是，化作樹神，半身人現，而呵之曰：

咄咄比丘！何為作此？

摩訶盧即具陳辛苦，化神呵曰：

勿得作是！且聽我言：

往迦葉佛時，卿作三藏沙門，有五百弟子，自以多智，輕慢眾人。憫惜經義，初不訓誨！

是以世所生，諸根闇鈍，但當自責，何為自賊²⁴！

於是世尊，現神光像，即說偈言：

自愛身者，	慎護所守，	希望欲解，	學正不寐。
身為第一，	常自勉學，	利能誨人，	不倦則智。
學先自正，	然後正人，	調身入慧，	必遷為上。
身不能利，	安能利人？	心調體正，	何願不至。
本我所造，	後我自受，	為惡自更，	如剛鑽珠。

摩訶盧比丘見佛現身光像，悲喜悚慄，稽首佛足，思惟偈義，即入定意，尋在佛前，逮得羅漢道。自識宿命，無數世事，三藏眾經，即貫在心。佛語摩訶盧：

著衣持鉢，就王宮食，在五百道人上坐。此諸道人，是卿先世，五百弟子！

還為說法，令得道迹，并使國王，明信罪福。

即受佛教，徑入宮裏，坐於上座，眾人心悲，怪其所以，各護王意，不敢呵譴，念其愚冥，不曉達嚬，心為之疲。王便下食，手自斟酌，摩訶盧即為達嚬，音如雷震，清辭雨下，坐上道人，驚怖自悔，皆得羅漢。為王說法，莫不解釋，群臣百官，皆得須陀洹道。

²⁴ 殘【宋】【元】【明】

（45 五百梵志，使屠兒供佛、齋僧，欲難佛。 佛說：“善·惡·福·禍”本不相代）

昔佛在舍衛國。

有五百婆羅門，常求佛便，欲誹謗之。佛三達之智，普見人心，愍欲度之。其果未熟，因緣未到，一切罪福，欲來至時；自作因緣；而迎罪福。

此諸梵志，宿有微福，應當得度，福德牽之，自作方宜。五百梵志，自共議言：

當使屠兒，殺生請佛，及諸眾僧；

佛必受請，讚歎屠兒，吾等便前，而共譏之。

於是屠兒，為之請佛，佛即受請，告屠兒言：

果熟自墮，福熟自度！

屠兒還歸，供設飯食，佛將諸弟子，到屠兒村中，至檀越舍。梵志大小，皆共歡喜：

今日乃得佛之便耳：

· 若當讚檀越福德者，當以其前後殺生作罪，持用譏之。

· 佛若當說，其由來之罪者，當以今日之福，難之。

二宜之中，今日乃得佛便耳。

佛到即坐，行水下食。於是世尊，觀察眾心，應有度者；即出舌覆面、舐耳，放大光明，照一城內，即以梵聲，說偈呪願：

如真人教，	以道活身，	愚者嫉之，	見而為惡。
行惡得惡，	如種苦種，	惡自受罪，	善自受福，
亦各須熟，	彼不相代，	習善得善，	亦如種甜。

佛說偈已，五百梵志，意自開解。即前禮佛，五體投地，叉手白佛言：

頑愚不及，未達聖訓。唯願愍育，得為沙門。

佛即聽受，皆為沙門。

村人大小，見佛變化，莫不歡欣，皆得道迹，稱之賢聖，無復屠兒之名。佛食畢訖，即還精舍。

世俗品 第二十一

(46 多味寫王行大布施，佛變梵志始求無厭，後捨求道，度王·知足)

昔有婆羅門國王名多味寫，其王奉事異道九十六種，王忽一日，發於善心，欲大布施。如婆羅門法，積七寶如山，持用布施，有來乞者，聽令自取，重一撮去。如是數日，其積不減。佛知是王，宿福應度，化作梵志，往到其國，王出相見，共相禮，問起居曰：

何所求索，莫自疑難？

梵志答言：

吾從遠來，欲乞珍寶，持作舍宅。

王言：

大善！自取重一撮去。

梵志取一撮行七步，還著故處。王問：

何故不取？

梵志答曰：

此纔足作舍廬耳！復當娶婦，俱不足用，是以不取！

王言：

更取三撮。

梵志即取，行七步，復還著故處。王問梵志：

何以復爾？

答曰：

此足娶婦。復無田地、奴婢、牛馬，計復不足，是以息意也。

王言：

更取七撮。

梵志即取，行七步，復還著故處。王言：

復何意故？

梵志答言：

若有男女，當復嫁娶，吉凶用費，計不足用，是以不取。

王言：

盡以積寶，持用相上。

梵志受而捨去，王甚怪之，重問意故，梵志答曰：

本來乞丐，欲用生活，諦念人命，處世無幾，萬物無常，旦夕難保，因緣遂重，憂苦日深，積寶如山，無益於己。

貪欲規圖，唐自艱苦；不如息意，求無為道，是以不取。

王意開解，願奉明教，於是梵志，現佛光相，踊住空中，為說偈言：

雖得積珍寶，	崇高至於天，	如是滿世間，	不如見道迹。
不善像如善，	愛如似不愛，	以苦為樂相，	狂夫為所厭。

於是國王，見佛光相，遍照天地；又聞此偈，踊躍歡喜，王及群臣，即受五戒，得須陀洹道。

述佛品 第二十二

(47 憂呼梵志遇佛往波羅奈國初轉法輪，不知進問深法)

昔佛在摩竭提界·善勝道場·元吉樹下·德力降魔坐自惟曰：

甘露法鼓，聞於三千，昔父王遣五人，供養麻米，執侍有勞，功報應敘。

此五人者，在波羅奈國。於是如來從樹下起，相好嚴儀，明暉天地，威神震動，見者喜悅，至波羅奈國。未至中道，逢一梵志名曰憂呼，辭親離家，求師學道，瞻覩尊妙，驚喜交集，下在道側，舉聲歎曰：

威靈感人，儀雅挺特，本事何師，乃得斯容？

佛為憂呼，而作頌曰：

八正覺自得，	無離無所染，	愛盡破欲網，	自然無師受。
我行無師保，	志獨無伴侶，	積一得作佛，	從是通聖道。

憂呼聞偈，悵惘不解，即問世尊：

瞿曇如行？

佛告梵志：

欲詣波羅奈國，擊甘露法鼓，轉無上法輪，三界眾聖，未曾有轉法輪，遷人入泥洹，如我今者也！

憂呼大喜：

善哉！善哉！如佛言者，願聞甘露，如應說法。

梵志揖已，即便過去，未到師所，於道路宿，至其夜半，卒使命終。佛以道眼，見其已終，愍傷之曰：

世間愚癡，謂命有常，見佛捨去，而獨喪亡。

法鼓震動，而獨不聞；甘露滅苦，而獨不嘗。展轉五道，生死彌長，經歷劫數，何時得度？佛以慈愍，而說偈言：

見諦淨無穢，	已度五道淵，	佛出照世間，	為除眾憂苦。
得生人道難，	生壽亦難得，	世間有佛難，	佛法難得聞。

佛說此偈時，空中五百天人，聞偈歡忻，皆得須陀洹道。

安寧品 第二十三

(48 山民見化沙門入定，調為命終，持薪往燒)

昔佛在羅閱祇，東南三百里，有山民村，五百餘家。為人剛強，難以導化，宿世福願，應蒙開度。

於是世尊，化作沙門，至村分衛，分衛畢竟，出於村外，樹下坐定，入泥洹三昧。至于七日不喘、不息、不動、不轉，村人見之，謂為命終，共相謂曰：

沙門已死，當共葬送。

各持束薪，就往燒之，火然薪盡，佛從坐起，現道神化，光明照曜，感動十方，現變畢訖，還坐樹下，容體靜安，怡悅如故。村人大小，莫不驚懼，稽首謝曰：

山民頑野，不識神人，妄以薪火，燒於未然，自惟獲罪，重於太山！

唯垂慈赦，不見咎怨，不審神人，得無傷病乎？將無愁感乎？將無飢渴乎？將無熱惱乎？於是世尊，和顏含笑，而說偈言：

我生已安，	不慍於怨，	眾人有怨，	我行無怨。
我生已安，	不病於病，	眾人有病，	我行無病。
我生已安，	不感於憂，	眾人有憂，	我行無憂。
我生已安，	清淨無為，	以樂為食，	如光音天。
我生已安，	恬憺無事，	彌薪國火，	安能燒我。

爾時村中五百人，聞說偈已，皆作沙門，得羅漢道。村人大小，皆信三尊，佛與五百人，飛還竹園，賢者阿難見佛與得道者俱來，前白佛言：

此諸比丘，有何異德，乃使世尊，自往臨度。

佛告阿難：

我未下為佛時，世有辟支佛常處是山，去村不遠，在一樹下，欲般泥洹，現道神德，便取減度。村人持薪火，就往燒之，斂取舍利，著寶瓶中，埋在山頂，各共求願：

願後得道，如是沙門減度快樂也！

緣此福故，應當得道，是故如來，往度之耳！

佛說是時，天人無數，皆得道迹。

（49 四比丘共問「世間何者為苦？」· 各說苦因，佛說：天下之苦、莫過有身）

昔佛在舍衛國精舍。

時，有四比丘，坐於樹下，共相問言：「一切世間，何者最苦？」

一人言：「天下之苦無過“婬欲”！」

一人言：「世間之苦無過“瞋恚”！」

一人言：「世間之苦無過“飢渴”！」

一人言：「天下之苦莫過“驚怖”！」

共諍苦義，云云不止，佛知其言，往到其所，問諸比丘：

「屬論何事？」

即起作禮，具白所論，佛言：

比丘！汝等所論，不究苦義。天下之苦，莫過有身！

“飢渴寒熱、瞋恚、驚怖、色欲怨禍”，皆由於身！

夫身者，眾苦之本，患禍之元，勞心極慮，憂畏萬端；

三界蠕動，更相殘賊，吾我縛著，生死不息，皆由於身！

欲離世苦，當求寂滅，攝心守正，怕然無想，可得泥洹，此為最樂。

於是世尊，即說偈言：

熱無過婬，	毒無過怒，	苦無過身，	樂無過滅。
無樂小樂，	小辯小慧，	觀求大者，	乃獲大安。
我為世尊，	長解無憂，	正度三有 ²⁵ ，	獨降眾魔。

佛說偈已，告諸比丘：

往昔久遠，無數世時，有五通比丘，名精進力，在山中樹下，閑寂求道。

時有四禽，依附左右，常得安隱：一者鴿，二者鳥，三者毒蛇，四者鹿。

是四禽者，晝行求食，暮則來還。四禽一夜，自相問言：『世間之苦，何者為重？』

鳥言：『飢渴最苦！飢渴之時，身羸目冥，神識不寧，投身羅網，不顧鋒刃。我等喪身，莫不由之，以此言之“飢渴”為苦。』

鴿言：『婬欲最苦！色欲熾盛，無所顧念，危身滅命，莫不由之。』（鴿類雌雄終生配對，若其中一方死亡，另一方很久以後才接受新的配偶。）

毒蛇言：『瞋恚最苦！毒意一起，不避親疎，亦能殺人，復能自殺。』

鹿言：『驚怖最苦！我遊林野，心恒怵惕，畏懼獵師，及諸豺狼；彷彿有聲，奔投坑岸，母子相捐，肝膽悼悸，以此言之“驚怖”為苦。』

比丘聞之，即告之曰：

『汝等所論，是其末耳，不究苦本。天下之苦，無過有身！身為苦器，憂畏無量。

吾以是故，捨俗學道，滅意斷想，不貪四大，欲斷苦原，志存泥洹，泥洹道者，寂滅無形，憂患永畢，爾乃大安。』

四禽聞之，心即開解。

²⁵ 欲有、色有、無色有，

佛告比丘：

- ・爾時五通比丘，則吾身是；
- ・時四禽者，今汝四人是也。

前世已聞，苦本之義。如何今日，方復云爾！

比丘聞之，慚愧自責，即於佛前，得羅漢道。

好喜品 第二十四

(50 四比丘互問「世間何者最樂？」)

昔佛在舍衛精舍。

時有四新學比丘，相將至奈樹下，坐禪行道，奈華榮茂，色好且香，因相謂曰：

「世間萬物，何者可愛，以快人情？」

一人言：「仲春之月，百²⁶木榮華，遊戲原野，此最為樂！」

一人言：「宗親吉會，觴酌(酒杯)交錯，音樂歌舞，此最為樂！」

一人言：「多積財寶，所欲即得，車馬、服飾與眾有異，出入光顯，行者矚目，此最為樂！」

一人言：「妻妾端正，綵服鮮明，香熏芬馥，恣意縱情，此最為樂！」

佛知四人，應可化度，而走意六欲，不惟無常。即呼四人，而問之曰：

「屬坐樹下，共論何事？」

四人以實具白所樂，佛告四人：

汝等所論，盡是憂畏，危亡之道！非是永安，最樂之法也！

- 萬物春榮，秋冬衰落；
- 宗親歡娛，皆當別離；
- 財寶車馬，五家之分；
- 妻妾美色，愛憎之主也，凡夫處世，興招怨禍，危身滅族，憂畏無量，三塗八難，苦痛萬端，靡不由之矣！

是以比丘，捨世求道，志存無為，不貪榮利，自致泥洹，乃為最樂！

於是世尊即說偈言：

愛喜生憂，	愛喜生畏；	無所愛喜，	何憂何畏？
好樂生憂，	好樂生畏；	無所好樂，	何憂何畏？
貪欲生憂，	貪欲生畏；	解無貪欲，	何憂何畏？
貪法戒成，	至誠知慚，	行身近道，	為眾所愛。
欲態不出，	思正乃語，	心無貪愛，	必截流度。

佛告四比丘：

昔有國王名曰普安，與隣國四王，共為親友，請此四王，宴會一月，飲食娛樂，極歡無比，臨別之日，普安王問四王曰：『人居世間以何為樂？』

一王言：『遊戲為樂！』

一王言：『宗親吉會，音樂為樂！』

一王言：『多積財寶，所欲如意為樂！』

一王言：『愛欲恣情，此最為樂！』

普安王言：

『卿等所論，是苦惱之本，憂畏之原；前樂後苦，憂悲萬端，皆由此興。

不如寂靜，無求無欲，淡泊守一，得道為樂。』

²⁶ 百【宋】【元】【明】

四王聞之，歎喜信解。

佛告四比丘：

爾時普安王者，我身是也；

四王者，汝四人是也。

前已說之，今故不解，生死荏蔓，何由休息？

時四比丘重聞此義，慚愧悔過，心意開悟，滅意斷欲，得羅漢道。

忿怒品 第二十五

(51 調達與阿闍王共議以象毀佛及諸弟子)

昔佛在羅閱祇耆闍崛山中。

時調達與阿闍王共議毀佛，及諸弟子。王勅國人，不得奉佛，眾僧分衛，不得施與。時舍利弗、目連、迦葉、須菩提等，及波和提比丘尼等，各將弟子，去到他國。唯佛與五百羅漢，住崛山中。調達往至阿闍王所，與王議言：

佛諸弟子，今已迸散，尚有五百弟子，在佛左右。願王明日，請佛入城，吾當飲五百大象令醉，佛來入城，驅使醉象，令踏殺之，盡斷其種。吾當作佛，教化世間！

阿闍王聞之歡喜，即到佛所，稽首作禮，白佛言：

明日設薄施，願屈世尊，及諸弟子，於宮內食。

佛知其謀，答言：

大善！明旦當往。

王退而去，還語調達：

佛已受請，當念前計，飲象令醉，伺候待之。

明日食時，佛與五百羅漢，共入城門，五百醉象，鳴鼻而前，唐突牆壁，樹木摧折，行人驚怖，一城戰慄，五百羅漢，飛在空中。獨有阿難，在佛邊住。醉象齊頭，徑前趣佛，佛因舉手，五指應時，化為五百師子王，同聲俱吼，震動天地，於是醉象，屈膝伏地，不敢舉頭，酒醉尋解，垂淚悔過。王及臣民，莫不驚肅，世尊徐前，至王殿上，與諸羅漢，食訖呪願。王白佛言：

稟性不明，信彼讒言，興造逆惡，圖為不軌。願垂大慈，恕我迷愚！

於是世尊告阿闍王及諸大眾：

世有八事，興長誹謗，皆由名譽；又貪利養，以致大罪，累劫不息。

何等為八？

利、衰、毀、譽、稱、譏、苦、樂。

自古至今，豈不為惑。

於是世尊，即說偈言：

人相謗毀，	自古至今，	既毀多言，	又毀訥忍。
亦毀中和，	世無不毀，	欲意非聖，	不能折中。
一毀一譽，	但為名利，	明智所譽，	唯稱正賢。
慧人守戒，	無所譏謗，	如羅漢淨，	莫而誣謗。
諸天咨嗟，	梵釋所敬。		

佛說偈已，重告王曰：

昔有國王，喜食鴈肉，常遣獵師，張網捕鴈，日送一鴈，以供王食。

時有鴈王，將五百鴈，飛下求食，鴈王墮網，為獵師所得，餘鴈驚飛，徘徊不去。時有一鴈，連翻追隨，不避弓矢，悲鳴吐血，晝夜不息。獵師見之，感憐其義，即放鴈王，令相隨去，群鴈得王，歡喜迴繞。

爾時獵師具以聞王，王感其義，斷不捕鴈。

佛告阿闍菟王：

爾時鴈王者，我身是也；

一鴈者，阿難是也；

五百群鴈，今五百羅漢是也；

食鴈國王者，今大王是也；

時獵師者，今調達是也。

前世已來，恒欲害我，我以大慈之力，因而得濟；不念怨惡，自致得佛。

佛說是時，王及群臣，莫不開解。

塵垢品 第二十六

(52 上怨父母，次責師友，欲求佛出家，佛令先回孝事親師三年，後出家得道)

昔有一人，無有兄弟，為小兒時，父母憐愛，赤心悽悽，欲令成就，將詣師友，勸之書學。其兒憍蹇，永不用心，朝受暮棄，初不誦習，如是積年，無所知識。

父母呼歸，令治家業，其兒憍誕，不念勤力，家道遂窮，眾事妨廢。其兒放縱，無所顧錄，糶賣家物，快心恣意，亂頭徒跣，衣服不淨，慳貪唐突，不避恥辱，愚癡自用，人所惡賤，國人咸憎，謂之凶惡。出入行步，無與語者，不自知惡，反咎眾人，上怨父母，次責師友：

先祖神靈，不肯祐助；使我賴帶，輻輳如此。不如事佛，可得其福！

即到佛所，為佛作禮，前白佛言：

佛道寬弘，無所不容，願為弟子，乞蒙聽許！

佛告此人：

夫欲求道，當行清淨行。汝齷俗垢，入我道中，唐自去就，何所長益，不如歸家，孝事父母；誦習師教；沒命不忘。勤修居業，富樂無憂，以禮自將，不犯非宜，沐浴衣服，慎於言行，執心守一，所作事辦，敏行精修，人所歎慕。如此之行，乃可為道耳！

於是世尊，即說偈言：

不誦為言垢，	不勤為家垢，	不嚴為色垢，	放逸為事垢。
慳為惠施垢，	不善為行垢，	今世亦後世，	惡法為常垢。
垢中之垢，	莫甚於癡，	學當捨此，	比丘無垢。

其人聞偈，自知憍癡，即承佛教，歡喜還歸，思惟偈義，改悔自新，孝事父母，尊敬師長，誦習經道，勤修居業，奉戒自攝，非道不行，宗族稱孝，鄉黨稱悌，善名遐布，國內稱賢。三年之後，還至佛所，五體作禮，懇惻自陳：

尊敬至真，得全形骸，棄惡為善，上下蒙慶。願垂大慈，接度為道！

佛言：

善哉！

鬚髮尋落，即成沙門，內思止觀，四諦正道，精進日登，得羅漢道。

奉持品 第二十七

(53 婆羅門貢高鐵鑠腹與五百弟子欲問難佛·慢)

昔有長老婆羅門，名薩遮尼犍，才明多智，國中第一，有五百弟子，貢高自大，不顧天下，以鐵鑠腹，人問其故？答曰：

恐智溢出故也！

聞佛出世，道化明達，心懷妬嫉，寤寐不安。語諸弟子：

吾聞：『瞿曇沙門自稱為佛。』今當往問，深妙之事，令其心悸，不知所陳。

即與弟子，往到祇洹列住門外，遙見世尊，威光赫奕，如日初出，五情騰踊，喜懼交錯，於是徑前，為佛作禮。佛命就座，坐訖尼犍問佛言：

何謂為道？何謂為智？何謂為長老？何謂為端正？何謂為沙門？何謂為比丘？何謂為仁明？何謂為有道？何謂為奉戒？

若能解答，願為弟子。。

於是世尊觀其所應以偈答言：

- 常慙好學 正心以行 唯懷寶慧 是謂為道
- 所謂智者 不必辯言 無恐無懼 守善為智
- 所謂老者 不以年耆 形熟髮白 蠢愚而已； 謂懷諦法 順調慈仁 明達清潔 是為長老
- 所謂端正 非色如華 貪嫉虛飾 言行有違； 謂能捨惡 根原已斷 慧而無恚 是謂端正
- 所謂沙門 不必除髮 妄語貪取 有欲如凡； 謂能止惡 恢廓弘道 息心滅意 是謂沙門
- 所謂比丘 非持乞食 邪行望彼 求名而已； 謂捨罪業 淨修梵行 慧能破惡 是為比丘
- 所謂仁明 非口所言 用心不精 外順而已； 謂心無為 內行清虛 此彼寂滅 是為仁明
- 所謂有道 非救一物 普濟天下 無害無道
- 奉持法者 不以多言 雖素少聞 身依法行 守道不忘 是為奉法

薩遮尼犍及五百弟子，聞佛此偈，歡喜開解，棄捐貢高，皆作沙門。

尼乾一人發菩薩心；五百弟子皆得阿羅漢道。

道行品 第二十八

(54 婆羅門六十亡七歲子，往閻王處索子不得，求佛為說因緣)

昔有婆羅門，年少出家學道，至年六十，不能得道。婆羅門法，六十不得道，然後歸家，娶婦為居，生得一男，端正可愛，至年七歲，書學聰了，才辯出口，有踰人之操。卒得重病，一宿命終，梵志憐惜，不能自勝，伏其屍上，氣絕復蘇，親族諫喻，強奪殯殮，埋著城外。梵志自念：

我今啼哭，計無所益，不如往至閻羅王所，乞索兒命。

於是梵志，沐浴齋戒，齎持華香，發舍而去，所在問人：

閻羅王所治處，為在何許？

展轉前行，行數千里，至深山中，見諸得道梵志，復問如前。諸梵志問曰：

卿問閻羅王所治處，欲求何等？

答言：

我有一子，辯慧過人，近日卒亡，悲窮懊惱，不能自解。欲至閻羅王所，乞索兒命，還將歸家，養以備老。

諸梵志等，愍其愚癡，即告之曰：

閻羅王所治處，非是生人可得到也！當視卿方宜，從此西行四百餘里，有大川其中有城，此是諸天神案行世間停宿之城，閻羅王常以月八日案行，必過此城。卿持齋戒，往必見之！

梵志歡喜，奉教而去，到其川中，見好城郭，宮殿屋宇，如忉利天。梵志詣門，燒香翹脚，呪願求見閻羅王，王敕門人問之，梵志啟言：

晚生一男，欲以備老，養育七歲，近日命終。唯願大王！垂恩布施還我兒命。

閻羅王言：

大善！卿兒今在東園中戲，自往將去。

梵志即往見兒，與諸小兒共戲，即前抱之，向之啼泣曰：

我晝夜念汝，食寐不甘，汝寧念父母辛苦以不？

小兒驚喚，逆呵之曰：

癡騃老翁，不達道理！寄住須臾，名之為子。

勿妄多言，不如早去，今我此間，自有父母，邂逅之間，唐自抱乎？

梵志悵然，悲泣而去，即自念言：

我聞瞿曇沙門，知人魂神，變化之道，當往問之。

於是梵志，即還求至佛所。時佛在舍衛祇洹為大眾說法，梵志見佛，稽首作禮，具以本末向佛陳之：

實是我兒，不肯見認，反謂我為『癡騃老翁！寄住須臾，認我為子。』永無父子之情，何緣乃爾？

佛告梵志：

汝實愚癡，人死神去，便更受形，父母妻子，因緣會居。譬如寄客，起則離散。愚迷縛著，計為己有，憂悲苦惱，不識根本，沈溺生死，未央休息。

唯有慧者，不貪恩愛，覺苦捨習，勤修經戒，滅除識想，生死得盡！

於是世尊即說偈言：

人榮妻子 不觀病法 死命卒至 如水湍驟 父子不救 餘親何望 命盡怙親 如盲守錠

慧解是意 可修經戒 仍行度世 一切除苦 遠離諸淵 如風却雲 已滅思想 是為知見

智為世長 憺樂無為 如受正教 生死得盡

梵志聞偈，孺然意解，知命無常，妻子如客，稽首委質：

願為沙門！

佛言：

善哉！

鬚髮自落，法衣在身，即成比丘。思惟偈義，滅愛斷想，即於座上，得阿羅漢道。

廣衍品 第二十九

(55 波斯匿王得佛減肥偈·節食)

昔佛在舍衛國說法教化，天龍、鬼神、帝王、人民三時往聽。

彼時國王，名波斯匿，為人憍慢，放恣情欲，目惑於色，耳亂於聲，鼻著馨香，口恣五味，身受細滑。食飲極美，初無厭足，食遂進多，恒苦飢虛，厨膳不廢，以食為常，身體肥盛，乘輿不勝，臥起呼吸，但苦短氣，氣閉息絕，經時驚覺，坐臥呻吟，恒苦身重，不能轉側，以身為患。便敕嚴駕，往到佛所，侍者扶持，問訊却坐，叉手白佛言：

世尊！違遠侍覲，諮受無階，不知何罪，身為自肥，不能自覺，何故使爾。每自患之，是以違替，不數禮覲。

佛告大王：

人有五事令人常肥：

一者、數食； 二者、喜眠； 三者、憍樂； 四者、無愁； 五者、無事；

是為五事，喜令人肥，若欲不肥，減食麤燥，然後乃瘦。

於是世尊即說偈言：

人當有念意， 每食知自少， 從是痛用薄， 節消而保壽。

王聞此偈，歡喜無量，即呼厨士，而告之曰：

受誦此偈，若下食時，先為我，說然後下食。

王辭還宮，厨士下食，輒便說偈。王聞偈喜，日減一匙，食轉減少，遂以身輕，即瘦如前。自見如此，歡欣念佛，即起步行，往到佛所，為佛作禮，佛命令坐，而問王曰：

車馬人從，為所在也？何緣步行？

王喜白佛：

前得佛教，奉行如法，今者身輕。世尊之力，是以步來，知為何如！

佛告大王：

世人如此，不知無常，長身情欲，不念為福，人死神去，留身墳塚，智者養神，愚者養身，若能解此，奉修聖教。

於是世尊重說偈言：

人之無聞， 老如特牛， 但長肌肥， 無有智慧。
生死無聊， 往來艱難， 意倚貪身， 更苦無端。
慧人見苦， 是以弃身， 減意斷欲， 愛盡無生。

王重聞偈，欣然意解，即發無上，正真道意。聽者無數，皆得法眼。

地獄品 第三十

(56 富蘭迦葉欲與佛拏神通，敗後投水墮地獄，佛說昔因緣)

昔舍衛國有婆羅門師，名富蘭迦葉，與五百弟子相隨，國王、人民先共奉事。

佛初得道，與諸弟子從羅閱祇至舍衛國，身相顯赫，道教弘美，國王、中宮、率土人民莫不奉敬；於是富蘭迦葉起嫉妬意，欲毀世尊，獨望敬事。即將弟子，見波斯匿王，而自陳曰：

吾等長老、先學，國之舊師，沙門瞿曇，後出求道，實無神聖，自稱為佛。而王捨我，欲專奉之，今欲與佛，拏試道德，知誰為勝！勝者王便終身奉之。

王言：

大善！

王即嚴駕，往到佛所，禮畢白言：

富蘭迦葉欲與世尊拏盡道力，現神變化。不審世尊為可爾不？

佛言：

大佳！

結期七日當拏變化，王於城東，平廣好地，立二高座，高四十丈，七寶莊校，施設幢幡，整頓座席。二座中間，相去二里，二部弟子，各坐其下。國王、群臣、大眾雲集，欲觀二人，拏其神化。於時迦葉，與諸弟子，先到座所，登梯而上。有鬼神王，名曰般師，見迦葉等，虛妄嫉妬，即起大風，吹其高座，坐具顛倒，幢幡飛揚，雨沙礫石，眼不得視；世尊高座，淡然不動，佛與大眾，庠序而來，方向高座，忽然已上，眾僧一切寂然次坐。王及群臣，加敬稽首，白佛言：

願垂神化，厭伏邪見，并令國人，明信正真。

於是世尊，即於座上，孺然不現，即昇虛空，奮大光明，東沒西現，四方亦爾；身出水火，上下交易；坐臥空中，十二變化，沒身不現，還在座上；天龍鬼神，華香供養，讚善之聲，震動天地。富蘭迦葉，自知無道，低頭慚愧，不敢舉目。於是金剛力士，舉金剛杵，杵頭火出，以擬迦葉：

何以不現，卿變化乎？

迦葉惶怖，投座而走，五百弟子，奔波迸散。世尊威顏，容無欣感，還到祇樹，給孤獨園，國王群臣，歡喜辭退。

於是富蘭迦葉與諸弟子受辱而去，去至道中，逢一老優婆夷，字摩尼，逆罵之曰：

卿等群愚，不自忖度，而欲與佛比拏道德；狂愚欺誑，不知羞恥。亦可不須，持此面目，行於世間也！

富蘭迦葉羞，諸弟子至江水邊，誑諸弟子：

我今投水，必生梵天；若我不還，則知彼樂！

諸弟子待之不還，自共議言：

師必上天，我何宜住。

一一投水，冀當隨師，不知罪牽，皆墮地獄。後日國王，聞其如此，甚驚怪之，往到佛所，白佛言：

富蘭迦葉師徒，迷愚何緣乃爾？

佛告王曰：

富蘭迦葉師徒重罪有二：

一者、三毒熾盛，自稱得道。

二者、謗毀如來，欲望敬事。

以此二罪，應墮地獄；殃咎催逼，使其投河。身死神去，受苦無量。

是以智者，守攝其心，內不興惡，外罪不至；譬如邊城，與寇連接，守備牢固，無所畏懼，內人安隱，外寇不入，智者自護，亦復如是。

於是世尊，即說偈言：

妄證求賂行已不正 怨譖良人以枉治世 罪牽斯人自投於坑 如備邊城中外牢固
自守其心非法不生 行缺致憂令墮地獄

佛說偈已，重告王曰：

乃往昔時有二獼猴王，各主五百獼猴，一王起嫉妬，意欲殺一王，規圖獨治，便往共鬪，數數不如，羞慚退去。

到大海邊，海曲之中，有水聚沫，風吹積聚，高數百丈，獼猴王愚癡，謂是雪山。語群輩言：

『久聞海中有雪山，其中快樂，甘菓恣口，今日乃見。吾當先往行視，若審樂者不能復還，若不樂者，當來語汝！』

於是上樹，盡力跳騰，投聚沫中，溺沒海底，餘者怪之不出，謂必大樂，一一投中，斷羣溺死。

佛告王曰：

爾時嫉妬獼猴王者，今富蘭迦葉是也；

群輩者，今富蘭迦葉弟子五百人是也；

彼一獼猴王者，我身是也。

富蘭迦葉前世坐懷嫉妬，為罪所牽，自投聚沫，絕羣斷種；今復誹謗，盡投江河，罪對使然，累劫無限。

王聞信解，作禮而去。

（57 七比丘入山學道十二年不得道，欲歸家，佛化沙門為說法，精進）

昔有七比丘入山學道，十二年中，不能得道。自共議言：

學道甚難，毀形執節，不避寒苦，終身乞食，受辱難堪。道卒叵得，罪難可除，唐自勞動，殞命山中。不如歸家，修立門戶，娶妻養子，廣為利業，快心樂意，安知後事！

於是七人，即起出山。佛遙知之，應當得度，不忍小苦，終墮地獄，甚可憐傷。佛即化作沙門，往到谷口，逢七比丘。化人問曰：

久承學道，何以來出？

七人答言：

學道勤苦，罪根難拔，分衛乞食，受辱難堪。又此山中，無供養者，環環積年，恒守儉約，唐自困苦，道不可得。且欲還家，廣求利業，大作資財，後老求道。

化沙門言：

且止！且止！聽我所言：

人命無常，旦不保夕，學道雖難，前苦後樂。

居家艱難，億劫無息，妻息會止，願同安利。欲望永樂，不遭患難。是猶治病服毒，有增無損也。三界有形，皆有憂惱，唯有信戒，無放逸意，精進得道，眾苦永畢。

於是化沙門，現佛身相，光像巍巍，即說偈言：

學難捨罪難，	居在家亦難，	會止同利難，	艱難無過有。
比丘乞求難，	何可不自勉，	精進得自然，	終無欲於人。
有信則戒成，	從戒多致寶，	亦從得諧偶，	在所見供養。
一坐一處臥，	一行不放恣，	守一以正心，	心樂居樹間。

於是七比丘，見佛身相；又聞此偈，慚怖戰慄，五體投地，稽首佛足，攝心悔過，作禮而去。還入山中，殞命精進，思惟偈義，守一正心，閑居寂滅，得羅漢道。

象 品 第三十一

(58 羅雲未得道時言少誠信，佛為說喻，口業·小妄語)

昔者羅雲未得道時，心性麤獷，言少誠信，佛敕羅雲：

汝到賢提精舍中住，守口攝意，勤修經戒。

羅雲奉教，作禮而去，住九十日，慙愧自悔，晝夜不息。佛往見之，羅雲歡喜，趣前禮佛，安施繩床，攝受震越，佛踞繩床，告羅雲曰：

澡盤取水，為吾洗足。

羅雲受教，為佛洗足，洗足已訖，佛語羅雲：

汝見澡盤中洗足水不？

羅雲白佛：

唯然見之。

佛語羅雲：

此水可用食飲、盥漱以不？

羅雲白言：

不可復用！所以者何？此水本實清淨，今以洗足受於塵垢，是以之故，不可復用。

佛語羅雲：

汝亦如是！雖為吾子，國王之孫，捨世榮祿，得為沙門；不念精進，攝身守口，三毒垢穢，充滿胸懷；亦如此水，不可復用。

佛語羅雲：

棄澡盤中水。

羅雲即棄，佛語羅雲：

澡盤雖空，可用盛飲食不耶？

白佛言：

不可用！所以然者？用有澡盤之名，曾受不淨故！

佛語羅雲：

汝亦如是！雖為沙門，口無誠信，心性剛強，不念精進，曾受惡名；亦如澡盤，不中盛食。

佛以足指，撥却澡盤，澡盤應時，輪轉而走，自跳自墮，數返乃止。佛語羅雲：

汝寧惜澡盤恐破不？

羅雲白佛：

洗足之器，賤價之物，意中雖惜，不大慙懃。

佛語羅雲：

汝亦如是，雖為沙門，不攝身口，麤言惡說，多所中傷，眾所不愛，智者不惜，身死神去，輪轉三塗，自生自死，苦惱無量，諸佛賢聖，所不愛惜；亦如汝言『不惜澡盤』。

羅雲聞之，慙愧怖悸，佛告羅雲：

聽我說喻：

昔有國王，有一大象，猛黠能戰，計其力勢，勝五百小象，其王興軍，欲伐逆國，被象鐵鎧。象士御之，以雙予戟，繫象兩牙；復以二劍，繫著兩耳；以曲刃刀，繫象四腳；復以鐵撾，繫著象尾；被象九兵，皆使嚴利。

象雖藏鼻，護不用鬪，象士歡喜，知象護身命。所以者何？象鼻軟脆，中箭即死，是以不出鼻鬪耳，象鬪殊久，出鼻求劍，象士不與，念此猛象，不惜身命，出鼻求劍，欲著鼻頭，王及羣臣，惜此大象，不復使鬪。

佛告羅雲：

人犯九惡，唯當護口，如此大象，護鼻不鬪。所以然者？畏中箭死，人亦如是，所以護口，當畏三塗，地獄苦痛。

十惡盡犯，不護口者，如此大象，分喪身命，不計中箭，出鼻鬪耳。人亦如是，十惡盡犯，不惟三塗，毒痛辛苦，若行十善，攝口身意，眾惡不犯，便可得道，長離三塗，無生死患。

於是世尊，即說偈言：

我如象鬪，	不恐中箭，	常以誠信，	度無戒人。
譬象調伏，	可中王乘，	調為尊人，	乃受誠信。

羅雲聞佛，懇惻之誨，感激自勵，剋骨不忘，精進和柔，懷忍如地，識想寂靜，得羅漢道。

（59 調象師呵提曇說調象，佛亦以調法喻，）

昔佛在舍衛國祇樹精舍，為四部弟子、天龍、鬼神、帝王、臣民敷演大法。

時有長者居士，名曰呵提曇，來詣佛所，為佛作禮，却坐一面，叉手長跪，白世尊曰：

久承洪化，欽仰奉顏，逼私不獲，願垂慈恕。

世尊令坐即問：

所從來姓字為何？

長跪答曰：

本居士種，字呵提曇，乃先王時，為王調象。

佛問居士：

調象之法，有幾事乎？

答曰：

常以三事，用調大象！何謂為三？

一者、剛鈎鈎口，著其羈絆。

二者、減食常令飢瘦。

三者、捶杖加其楚痛。

以此三事，乃得調良。

又問：

施此三事，何所攝治也？

曰：

鐵鈎鈎口，以制強；口不與食飲，以制身獷；如捶杖者，以伏其心。正爾便調。

曰：

作此伏者，為何所施用？

答曰：

如是伏已，可中王乘，亦可令鬪，隨意前却，無有罣礙。

又問：

居士！正有此法，復有其異？

答曰：

調象之法，正如此耳。

佛告居士：

但能調象，復能自調。

即曰：

不審自調，其義云何？唯願世尊，彰演未聞！

佛告居士：

吾亦有三事，用調一切人，亦以自調，得至無為。

一者、至誠制御口業。

二、以慈貞伏身剛強。

三、以智慧滅意癡蓋。

持是三事，度脫一切。離三惡道，自致無為，不遭生死，憂悲苦惱。

於是世尊，即說偈言：

如象名護財，	猛害難禁制，	繫絆不與食，	而猶慕逸象。
本意為純行，	及常行所安，	悉捨降結使，	如鈎制象調。
樂道不放逸，	能常自護心，	是為拔身苦，	如象出于陷。
雖為常調，	如彼新馳，	亦最善象，	不如自調。
彼不能適，	人所不至，	唯自調者，	能到調方。

居士聞偈，喜慶難量，內情解釋，即得法眼，聽者無數，皆得道迹。

愛欲品 第三十二

(60 沙門思道三年後欲退還，佛化化人以獼猴事喻)

昔佛在羅閱祇國·耆闍崛山精舍之中，為天人、龍鬼，轉大法輪。

時有一人，捨家妻子，來至佛所，為佛作禮，求為沙門。佛即受之，令作沙門，命令樹下坐，思惟道德。比丘受教，便入深山，去精舍百餘里，獨坐樹間，思道三年，心不堅固，意欲退還，自念：

捨家求道勤苦，不如早歸，見我妻子。

作此念已，便起出山，佛以聖達，見此比丘，應當得道，愚故還歸。佛以神足，化作沙門，便往逆之，道路相見，化人即問：

所從來也，此地平坦，可共坐語。

於是二人，便坐息語，即答化人：

吾捨家妻子，求作沙門，處此深山，不能得道。與妻子別，不如本願，唐喪我命，勞而無獲，今欲悔還，見我妻子，快相娛樂，後更作計。

須臾之間，有老獼猴，久已遠離，樹木之間，在無樹之處，於中生活。化沙門問此比丘：

是獼猴何故獨在平地，無有樹木，云何樂此？

比丘答化人言：

我久見此獼猴，以二事故來住此耳！何等為二？

一、以妻子眷屬群多，不得飲食，快樂恣口。

二、常晝夜上下樹木，脚底穿壞，不得寧息。

以此二事，故捨樹木，來住是間。

二人語頃，復見獼猴，走還上樹。化沙門語比丘言：

汝見獼猴，還趣樹木不也？

答曰：

見之！此虫愚癡，得離樹木，群從憤鬧，不厭勞煩，而還入中。

化人復言：

卿亦如是，與此獼猴，復何異矣？

卿本以二事故來入此山中，何等為二？

一、以妻婦舍宅為牢獄故。

二、以兒子眷屬為桎梏故。

卿以是故，來索求道，斷生死苦。方欲歸家，還著桎梏，入牢獄中，恩愛戀慕，徑趣地獄。化沙門即現相好，丈六金色，光明普照，感動一山。飛鳥走獸，尋光而來，皆識宿命，心內悔過。於是世尊，即說偈言：

如樹根深固，	雖截猶復生，	愛意不盡除，	輒當還受苦。
獼猴如離樹，	得脫復趣樹，	眾人亦如是，	出獄復入獄。
貪意為常流，	習與憍慢并，	思想猗姪欲，	自覆無所見。
一切意流行，	愛結如葛藤，	唯慧分別見，	能斷意根源，
夫從愛潤澤，	思想為滋蔓，	愛欲深無底，	老死是用增。

比丘見佛，光相炳著，又聞偈言，悚然戰慄，五體投地，懺悔謝過。內自改責，即便却息，數隨止觀，在於佛前，逮得應真。諸天來聽，聞皆歡喜，散華供養，稱善無量。

法句譬喻經卷第三

（61 國旱三年，王從梵志欲燒七人至梵天，七人求佛，為往救為說法）

昔羅閱祇南，四千里有國，奉事梵志，數千人。時國大旱，三年不雨，禱祠諸神，無所不遍。王問梵志，問其所由，諸梵志言：

吾等當齋戒訖竟，當遣人與梵天相聞，問其災異。

王言：

大善！齋戒所乏，願見告示。

諸梵志言：

當得二十車薪，酥蜜、膏油、華香、旛蓋、金銀、祭器盡用須之。

王即辦送，出至城外，去城七里，平廣之地，積薪如山，共相推獎，其有不惜身者，終生梵天。選得七人，當就火燒，遣至梵天。七人受祭、呪願訖，蹶²⁷使上薪，從下放火，當燒殺之，烟焰炯然，熱氣直至，七人惶懼，左右求救，無有救者，舉聲曰：

三界之中，寧有大慈，愍念我厄者，願受自歸！

佛遙知之，尋聲往救，在虛空中，顯現相好。七人見佛，悲喜跳踊：

唯願自歸，救我痛熱！

於是世尊，即說偈言：

• 或多自歸：	山.川.樹神、	厝立圖像，	禱祠求福；
自歸如是，	非吉.非上！	彼不能來，	度汝眾苦。
• 如有自歸：	佛.法.僧眾，	道德四諦，	必見正慧；
生死極苦，	從諦得度，	度世八難，	斯除眾苦，
自歸三尊，	最吉最上！	唯獨有是，	度一切苦！

佛說渴訖，火聲尋滅，七人獲安，心喜無量。梵志、國人莫不驚悚，仰瞻世尊，光相赫奕，分身散體，東沒西現，存亡自由；身出水火，五色晃昱，眾人見之，五體歸命。於是七人，從薪下出，悲喜交集，而說偈言：

見聖人快，	得依附快，	得離愚人，	為善獨快。
守正見快，	互說法快，	與世無諍，	戒具常快。
使賢居快，	如親親會，	近仁智者，	多聞高遠。

於是七人，說此偈已，及諸梵志，願為弟子；佛即受之，皆為沙門，得羅漢道。

國王、臣民咸各修道，天尋大雨，國豐民寧，道化興隆，莫不樂聞。

²⁷ 蹶ㄅㄨˋ 恭敬而不安的樣子。

法句譬喻經卷第四
 晉世沙門法炬共法立譯
 喻愛欲品第三十二之二

（62 長者慳貪佛化沙門勸施，為說：父為雞、仇為子、母為妻因緣）

昔佛在舍衛國，為天人說法。

時城中有婆羅門長者，財富無數，為人慳貪，不好布施，食常閉門，不喜人客。若其食時，輒勅門士，堅閉門戶，勿令有人，妄入門裏。乞丐求索，沙門梵志，不能得與其相見。

爾時長者，歎思美食，便勅其妻，令作飯食，教殺肥雞，薑椒和調，炙之令熟，飲食訂餽，即時已辦，勅外閉門。夫婦二人坐，一小兒著聚中央，便共飲食；父母取雞肉，著兒口中，如是數過，初不肯廢。

佛知此長者，宿福應度，化作沙門，伺其坐食，現出坐前，呪願且言：

多少布施，可得大富！

長者舉頭，見化沙門，即罵之曰：

汝為道士，而無羞恥！室家坐食，何為唐突？

沙門答曰：

卿自愚癡，不知慚羞！今我乞士，何為慚羞？

長者問曰：

吾及室家，自相娛樂，何故慚羞！

沙門答曰：

卿『殺父，妻母，供養怨家』不知慚羞！反謂乞士，何不慚羞？

於是沙門即說偈言：

所生枝不絕，	但用食貪欲，	養怨益丘塚，	愚人常汲汲。
雖獄有鈎鑊，	慧人不謂牢，	愚見妻子飾，	染著愛甚牢。
慧說愛為獄，	深固難得出，	是故當斷棄，	不親欲為安。

長者聞偈驚而問之：

道人何故，而說此語也？

道人答曰：。

- 案上雞者，是卿先世時父，以慳貪故，常生雞中，為卿所食！
 - 此小兒者，往昔作羅剎，卿作賈客，大人乘船入海，每輒流墮羅剎國中，為羅剎所食，如是五百世壽盡，來生為卿作子，以卿餘罪未畢，故來欲相害耳！
 - 今是妻者，是卿先世時母，以恩愛深固故，今還與卿作婦！
- 今卿愚癡不識宿命『殺父、養怨、以母為妻』五道生死，輪轉無際；周旋五道，誰能知者？唯有道士，見此觀彼。愚者不知，豈不慚羞！

於是長者，慄然毛豎，如畏怖狀。佛現威神，令識宿命，長者見佛，即識宿命，尋則懺悔謝佛，便受五戒，佛為說法，即得須陀洹道。

（63 年少比丘為少女所迷，佛引見少女已死三日，觀不淨）

昔佛在舍衛國祇洹說法。

時有年少比丘，入城分衛，見一年少女人，端正無比，心存色欲，迷結不解。遂便成病，食飲不下，顏色憔悴，委臥不起。同學道人，往問訊之：

何所患苦？

年少比丘，具說其意：

欲壞道心，從彼愛欲，願不如意，愁結為病。

同學諫喻，不入其耳，便強扶持，將至佛所。具以事狀，啟白世尊。佛告年少比丘：

汝願易得耳！不足愁結也，吾當為汝方便解之。且起食飲！

比丘聞之，坦然意喜，氣結便通。

於是世尊將此比丘，并與大眾，入舍衛城，到好女舍。好女已死，停屍三日，室家悲號，不忍埋藏，身體臭脹，不淨流出。佛告比丘：

汝所貪惑好女人者，今已如此！

萬物無常，變在呼吸，愚者觀外，不見其惡，纏綿罪網，以為快樂。

於是世尊即說偈言：

見色心迷惑，	不惟觀無常，	愚以為美善，	安知其非真。
以姪樂自裹，	譬如蠶作繭，	智者能斷棄，	不眛除眾苦。
心念放逸者，	見姪以為淨，	恩愛意盛增，	從是造牢獄。
覺意滅姪者，	常念欲不淨，	從是出邪獄，	能斷老死患。

於是年少比丘，見此女人，死已三日，面色臃爛，其臭難近；又聞世尊，清誨之偈，悵然意悟，自知迷謬，為佛作禮，叩頭悔過。佛授自歸，將還祇洹，沒命精進，得羅漢道。所將大眾，無央數人，見色欲之穢，信無常之證，貪愛望止，亦得道迹。

（64 長者子取親友女，因財散盡，父欲改嫁，夫婦殉情，父往佛所，佛為說法）

昔佛在舍衛精舍，為天人、龍鬼說法。

時世有大長者，財富無數，有一息男，年十二三，父母命終，其兒年小，未知生活，理家之事。泮散財物，數年便盡，久後行乞，由不自供。

其父有親友長者，大富無數，一日見之，問其委曲，長者愍念，將歸經紀，以女配之，給與奴婢、車馬，資財無數，更作屋宅，成立門戶。為人懶惰，無有計校，不能生活，坐散財盡，日更飢困，長者以其女故，更與資財，故復如前，遂至貧乏。長者數餉，用之無道，念叵成就，欲奪其婦，更嫁與人。宗家共議，女竊聞之，還語其夫：

我家群強，勢能奪卿，以卿不能生活故！卿當云何，欲作何計也？

其夫聞婦言，慚愧自念：

是吾薄福，生失覆蓋，不習家計，生活之法。

今當失婦，乞匄如故，恩愛已行，貪欲情著，今當生別，情豈可勝！

思惟反覆，便興惡念，將婦入房：

今欲與汝，共死一處！

即便刺婦，還自刺害，夫婦俱死。奴婢驚走，往告長者，長者大小，驚來看視，見其已然，棺殮遣送，如國常法長者大小，憂愁念女，不去須臾，聞佛在世，教化說法，見者歡喜，妄憂除患，將家大小，往到佛所，為佛作禮，却坐一面。佛問長者：

為所從來？何以不樂，憂愁之色？

長者白言：

居門不德，前嫁一女，值遇愚夫，不能生活，欲奪其婦，便殺婦及身共死。如此遣送，適還過觀世尊！

佛告長者：

貪欲、瞋恚世之常病，愚癡無智，患害之門。三界五道，由此墮淵，展轉生死，無央數劫，受苦萬端，由尚不悔。豈況愚人能得識！

此貪欲之毒，滅身滅族，害及眾生，何況夫婦！

於是世尊即說偈言：

愚以貪自縛，	不求度彼岸，	貪為財愛故，	害人亦自害。
愛欲意為田，	姪怒癡為種，	故施度世者，	得福無有量。
伴少而貨多，	商人怵惕懼，	嗜欲賊害命，	故慧不貪欲。

爾時長者聞佛說偈，欣然歡喜，忘憂除患。即於座上一切大小及諸聽者，破二十億惡，得須陀洹道。

（65 二沙門念世間恩愛，佛為導示女身不淨）

昔佛在舍衛精舍中，為天龍、鬼神、帝王、臣民說法。

時有遊蕩子二人，共為親友，常相追隨，一體無異。二人共議，欲作沙門，即便相將，來至佛所為佛作禮，長跪叉手，白佛言：

願欲作沙門，唯見聽許！

佛便受之，即作沙門，佛令二人，共止一房。二人共止，但念世間，恩愛榮樂，更共咨嗟，情欲形體，說其姿媚，專著不捨，念不止息。不計無常，污露不淨，以此鬱佛，病生於內。佛以慧眼，知其想亂，走意於欲，放心不住，以是不度。佛令一人行。便自化作一人入房，問之言：

吾等所思，意志不離，可共往觀，視其形體，知為何如。但空想念，疲勞無益！

二人相隨，至婬女村。佛於村內，化作一婬女人，共入其舍，而告之曰：

吾等道人，受佛禁戒，不犯身事，意欲觀女人形容，當顧直如法。

於是化女，即解瓔珞、香薰、衣裳。裸形而立，臭處難近，二人觀之，具見污露，化沙門即謂一人言：

女人之好，但有脂粉、芬薰、眾華、沐浴、塗香，著眾雜色衣裳，以覆污露，強薰以香，欲以人觀。譬如革囊盛屎，有何可貪？。

於是化比丘即說偈言：

欲我知汝本，	意以思想生，	我不思想汝，	則汝而不有。
心可則為欲，	何必獨五欲，	速可絕五欲，	是乃為勇力。
無欲無所畏，	恬惓無憂患，	欲除使結解，	是為長出淵。

佛說偈已，現其光相。比丘見之，慚愧悔過，五體投地，為佛作禮，重為說法，欣然得解，便得羅漢。一人行還，見伴顏姿，欣悅於常，即問其伴：

獨何如斯？

即如事說，佛之大慈，愍度如此。蒙世尊恩，得免眾苦。於是比丘，重為說偈言：

晝夜念嗜欲，	意走不念休，	見女欲污露，	想滅則無憂。
--------	--------	--------	--------

其伴比丘，聞此偈已，便自思惟，斷欲滅想，即得法眼。

利養品 第三十三

(66 吉星梵志欲以女嫁佛，佛為說不淨，後送王)

昔佛將諸弟子，至俱曇彌國，美音精舍，為諸天人神龍說法。

時彼國王名曰優填，有大夫人執行仁愛，顯譽清潔；王珍其操，每私恭敬。聞佛來化，嚴駕共出，往至佛所，為佛作禮，却坐常位。佛為國王，及夫人嫖女說：

無常、苦、空。人所由生，合會別離、怨憎會苦；由福生天，由惡入淵。

國王夫人歡欣信解，各受五戒，為清信士女，禮佛辭退，還入宮中。

時有婆羅門，名曰吉星，生一好女，世間少比，至年十六，無能訶者。懸金千兩，積九十日，募索智者：

有能訶此女為不端正者，以金與之！

無敢應者。女以長大，應當嫁處，念當與誰：

若有端正，如我女者，以女與之。

聽聞沙門瞿曇釋迦之種，姿容金色，世所希有。當以此女，往配與之！

即便將至佛所，為佛作禮，白佛言：

我女好潔，世間無雙，年大應嫁，世無匹偶！瞿曇端正，可以為雙，故遠將來，以配世尊！佛告吉星：

卿女端正，是卿家好；如我之好，是諸佛好。

我之所好，其道不同，卿自譽女，端正姝好，譬如畫瓶，中盛屎尿，有何奇特？好為所在？

著眼耳鼻口身之大賊，面首端正，身之大患，破家滅族，殺親害子，皆由女色！

吾為沙門，一身獨立，由尚恐危，況受禍災，殘賊之貨也。卿自將去，吾不受之！

於是梵志瞋恚便去，到優填王所，讚女姿媚，具白王言：

此女應相當為王妃，今以年大，故送與王！

王見歡喜，即納受之，拜為第二左夫人。即以印綬、金銀、珍寶賜與吉星，拜為輔臣。

此女得敘，每協嫉妬，妖蠱迷王，數譖大夫人，如是非一。王返辱曰：

卿等妖媚，言返不遜，彼人操行可貴，而返譖之！

此女心忌，猶欲害之，數譖不已，王頗惑之，前後心謀，伺其齋時，因勸白王：

今日之樂，宜請右夫人！

王便普召，勅令皆會，大夫人持齋，獨不應命，反覆三呼，執齋不移。王怒隆盛，遣人拽出，縛著殿前，欲射殺之。夫人不怖，一心歸佛，王自射之，箭還向王，後射輒還，數箭亦爾。時王大怖，自解而問之曰：

汝有何術，乃致如此？

夫人對曰：

唯事如來，歸命三尊，朝奉佛齋，過中不食。加行八事，飾不近身，必是世尊，哀顧若茲。

王曰：

善哉！豈可言不？

即出吉星女，還其父母，以大夫人，正理宮內。王與大夫人，後宮太子，嚴駕群臣，往到佛所，作禮却坐，叉手聽法，王即白佛，具以如事，向佛陳之。佛告大王：

妖蠱女人有八十四態！

大態有八，慧人所惡！何謂為八？

一者、嫉妬， 二者、妄瞋， 三者、罵詈， 四者、呪詛，
五者、鎮厭， 六者、慳貪， 七者、好飾， 八者、含毒。

是為八大態。

於是世尊即說偈言：

天雨七寶，	欲猶無厭，	樂少苦多，	覺之為賢。
雖有天欲，	慧捨不貪，	樂離恩愛，	為佛弟子。

佛告大王：

人行罪福，各有本性，所受影報，萬倍不同，若行六德，持齋福多。諸佛所譽，終生梵天，福樂自然。

佛說是時，王及夫人、嫫女、大臣一切心解，皆得道迹。

沙門品 第三十四

(67 年少比丘分衛誤入機關，佛為救，為說法)

昔佛在舍衛國精舍之中，為天龍、鬼神、國王、人民說法。

時有一年少比丘，晨旦著衣服、拄杖、持鉢，至大村中分衛。時大道邊，有官菜園，外面種黍稷，其田外草中，施張發箭，若有蟲獸，盜賊來者，觸網箭發，中箭則死。

有一端正，年少女子，獨守此園，人欲往者，遙喚示道，乃得入園；不知道者，必為發箭所殺，而此女子，獨守悲歌，其聲妖亮，聽者莫不頓車止馬，迴旋蹀躞，而欲趣之，盤桓不去，皆坐聲響。

時此比丘，分衛行還，道聞歌聲，側耳聽音，五情逸豫，心迷意亂，貪著不捨，想是女人，必大端正，思想欲見，坐起言語，便旋往趣，未到中間，意志恍惚，手失錫杖，肩失衣鉢，殊不自覺。

佛以三達，見此比丘，小復前行，為箭所殺，福應得道，為愚所迷，欲蓋所覆，憐愍其愚，欲度脫之。自化作白衣，往到其邊，以偈呵之曰：

沙門何行 如意不禁 步步著粘 但隨思走 袈裟被肩 為惡不損 行惡行者 斯墮惡道

截流自持 折心却欲 人不割欲 一意猶走 為之為之 必強自制 捨家而懈 意猶復染

行懈緩者 誘意不除 非淨梵行 焉致大寶 不調難誠 如風枯樹 自作為身 曷不精進

說此偈已，即自復形，相好炳然，光照天地，若有見者，迷解亂止，各得其所。比丘見佛，心意瞋開，如冥闢明，即五體投地，為佛作禮，叩頭悔過，懺悔謝佛，內解止觀，即得羅漢。隨佛還精舍，聽者無數，皆得法眼。

梵志品 第三十五

(68 五百梵志各達神通自謂涅槃，為佛說法)

昔私訶牒國，中有大山，名私休遮他。山中有梵志，五百餘人，各達神通。自相謂曰：

吾等所得，正是涅槃！

佛始出世，初建法鼓，開甘露門。此等梵志，聞而不就。宿福應度，佛往就之，獨行無侶，到其路口，坐一樹下，三昧定意，放身光明，照一山中，狀如失火，山中盡燃。

梵志怖懼，呪水滅之，盡其神力，不能使滅，怪而捨走，從路出山，遙見世尊，樹下坐禪，譬如日出，金山之側；相好炳然，如月星中。怪是何神，就而觀之。佛命令坐，問所從來，梵志對曰：

止此山中，修道來久。旦歎火起，燒山樹木，怖而走出。

佛告梵志：

此是福火，不傷損人，欲滅卿等，癡結之垢。

梵志師徒，顧相謂曰：

是何道士也？九十六種未曾有此師！

曰：

曾聞：白淨王子名曰悉達，不樂聖位，出家求佛，將無是也？

徒等啟師：

可共問佛，梵志所行，事為如法不也？

師徒之等，共起白佛：

梵志經法名四無礙，天文、地理，王者治國，領民之法，并九十六種道術，所應行法，此經為是〈涅槃法〉不？願佛解說，開化未聞！

佛告梵志：

善聽思之！吾從宿命，無數劫來，常行此經；亦得五通，移山住流。更歷生死，不可計數。

既不得涅槃，亦復不聞，有得道者。

如汝等行，非名梵志。

於是世尊，以偈報曰：

· 截流如渡	無欲如梵	知行已盡	是謂梵志
· 以無二法	清淨渡淵	諸欲結解	是謂梵志
· 非蔴結髮	名為梵志		
· 誠行法行	清白則賢	飾髮無慧	草衣何施
· 內不離著	外捨何益		
· 去婬.怒.癡.	憍慢諸惡	如蛇脫皮	是謂梵志
· 斷絕世事	口無麤言	八道審諦	是謂梵志
· 已斷恩愛	離家無欲	愛著已盡	是謂梵志
· 離人聚處	不墮天聚	諸聚不歸	是為梵志
· 自識宿命	本所更來	生死得盡	叡通道玄
· 明如能嘿	是謂梵志		

佛說偈已，告諸梵志：

汝等所修，自謂已達涅槃，如少水魚，豈有長樂？合本無者也。

梵志聞經，五情內發喜悅，長跪白佛：

願為弟子！

頭髮自墮，即作沙門。本行清淨，因而得道，為阿羅漢。天龍鬼神，皆得道迹。

泥洹品 第三十六

(69 阿闍世王欲代越祇，問佛勝否？佛為說七法)〈長阿含；中阿含〉

昔佛在王舍城·靈鷲山中，時與諸比丘千二百五十人俱。

時摩竭國王號名阿闍世，所領五百國，各有姓名。近有一國，名曰越祇，不順王命，欲往伐之。即召群臣，講宣議曰：

越祇國人，富樂熾盛，多出珍寶，不首伏於我！寧可起兵，往伐之不？

國有賢公丞相名曰雨舍，對曰：

唯然！

王告雨舍：

佛去是不遠，聖哲三達，靡事不貫。

汝持吾聲，往至佛所，如卿意智，委悉問之，欲往伐彼，寧得勝不？

丞相受教，即嚴車馬，往至精舍，前到佛所，頭面著地，為佛作禮。佛命令坐，公即就坐，佛問國丞相：

從何所來？

公言：

王使臣來，稽首佛足，問訊起居，飡食如常？

佛即問公：

王及國土、人民、臣下皆自平安不？

公言：

國主及民，皆蒙佛恩。

公白佛言：

王與越祇國有嫌，欲往伐之！於佛聖意，為可得勝不？

佛告丞相：

是越祇國人民奉行七法，不可勝之！王可諦思，勿妄舉動！

公即問佛：

何等七法？

佛言：

- 越祇國人數相聚會，講議正法，修福自守，以此為常，是謂為一。
 - 越祇國人君臣常和，所任忠良，教諫承用，不相違戾，是謂為二。
 - 越祇國人奉法相牽，無取無捨，不敢犯過，上下循常，是謂為三。
 - 越祇國人禮化謹敬，男女有別，長幼相承，不失儀法，是謂為四。
 - 越祇國人孝養父母，遜悌師長，受誡教誨，以為國則，是謂為五。
 - 越祇國人承天則地，敬畏社稷，奉順四時，民農不廢，是謂為六。
 - 越祇國人尊道敬德，國有沙門、得道應真、方遠來者，供養衣被、床臥、醫藥。是謂為七。
- 夫為國主，行此七法，難可得危。極天下兵，共往攻之，不能得勝。

佛告丞相：

若使越祇國人持一法者，尚不可攻；何況盡持，如是七法！

於是世尊即說偈言：

利勝不足恃， 雖勝猶復苦， 當自求勝法， 已勝無所生。

兩舍承相，聞佛說偈，即得道迹。時會大小，皆得須陀洹道。公即從坐起，白佛言：

國事煩多，欲還請辭！

佛言：

可宜知是時！

即從坐起，禮佛而去。還至具事白王，即止不攻，持佛嚴教，以化國內，越祇國人，即來順命，上下相奉，國遂興隆。

生死品 第三十七

(70 長者子為婦上樹取華亡，佛為說昔共業因緣)

昔佛在舍衛國祇洹精舍，為天人、國王、大臣廣說妙法。

有一梵志長者，居在路側，財富無數。正有一子，其年二十，新為娶婦，未滿七日，夫婦相敬，言語相順，婦語其夫：

欲至後園中看戲，為得爾不？

上春三月，夫婦相將，至後園中，有一柰樹，高大華好。婦欲得華，無人與取，夫知婦意，欲得柰華。即便上樹，正取一華，復欲得一，展轉上樹，乃至細枝，枝折墮地，傷中即死。居家大小，奔波跳走，往趣兒所，呼天傷哭，斷絕復甦。中外宗族，來者無數，皆甚悲痛，聞者莫不傷心，見者莫不痛哀。父母、妻息怨咎天地，謂為不護。棺殮衣被，如法遣送，還家啼泣，不能自止。

於是世尊，愍傷其愚，往問訊之。長者室家大小，見佛悲感作禮，具陳辛苦。佛語長者：

止息聽法！萬物無常，不可久保，生則有死，罪福相追！

此兒三處，為其哭泣，懊惱斷絕，亦復難勝，竟為誰兒？何者為親？

於是世尊，即說偈言：

命如華菓熟，	常恐會零落，	已生皆有苦，	孰能致不死。
從初樂愛欲，	可姪入胞胎，	受形命如電，	晝夜流難止。
是身為死物，	精神無形法，	假令死復生，	罪福不敗亡。
終始非一世，	從愛癡久長，	自作受苦樂，	身死神不喪。

長者聞偈，意解忘憂，長跪白佛：

此兒宿命，作何罪豐，盛美之壽而便中天？唯願解說，本所行罪。

佛告長者：

乃往昔時，有一小兒，持弓箭入神樹中戲，邊有三人，亦在中看。樹上有雀，小兒欲射，三人勸言：

『若能中雀者，世稱健兒！』

小兒意美，引弓射之，中雀即死墮地。三人共笑，助之歡喜，而各自去。經歷生死，無數劫中，所在相遭，共會受罪。

其三人者：

一人有福，今在天上；

一人生海中，為化生龍王；

一人，今日長者身。

是此小兒者，前生天上為天作子，命終來下，為長者作子；墮樹命絕，即生海中；為化生龍王作子；即以生日，化生金翅鳥王，取而食之！

今日三處，懊惱涕哭，寧可言也。以其前世，助其喜故，此三人者，報以涕哭。

於是世尊，即說偈言：

識神造三界， 善.不善五處， 陰行而默至， 所往如響應。
欲.色.不色有， 一切因宿行， 如種隨本像， 自然報如影。

佛說偈已，欲使長者意解，即以道力，視其宿命，皆見天上、龍中之事。長者意解，欣然即起，長跪叉手，白佛言：

願及大小，為佛弟子，奉受五戒，為優婆塞！

佛即授戒，重為說法，無常之義。大小歡欣，皆得須陀洹道。

道利品 第三十八

(71 王投王家，失本心，佛為說：王當行五事)

昔有國王，治行正法，民慕其化，無有太子，以為愁憂。佛來入國，便出觀尊，聽經歡欣，即受五戒。一心奉敬，唯願有子，晝夜精進，三時不懈。

有一給使，其年十一，常為王使，忠信奉法，不失威儀，謙卑、忍辱、精進、一心、學誦經偈。知時先起，已辦香火，數年之中，精進如是，不以為勞；卒得重病，遂致無常，其神來還，為王作子。乳哺長大，至年十五，立為太子，父王命終，襲代為王，憍慢自恣，姪洸欲樂，晝夜耽荒，不理國事，臣僚廢朝，民被其患。

佛知其行，不會本識，將諸弟子，往到其國，王聞佛來，如先王法，大眾奉迎，稽首于地，却坐王位。佛告王曰：

國土人民，群僚百官，悉自如常不？

王曰：

為人年幼，未能綏化，皆蒙聖恩，國土無他。

佛告王曰：

王今自知，本所從來，作何功德，得此王位？

王曰：

不審！頑愚不達，不知先世所從來也？

佛告大王：

本以五事，得為國王！何等為五？

一者、布施 得為國王，萬民奉獻，宮觀、殿堂、資財無極。

二者、興立寺廟供養三尊床榻幃帳以是為王，在於正殿，御座理國。

三者、親身禮敬 三尊及諸長德以是為王，一切萬民莫不為之作禮。

四者、忍辱身三、口四及意無惡 以是為王，一切見者莫不歡欣。

五者、學問常求智慧 以是為王，決斷國事，莫不奉用。

行此五事，世世為王。

於是世尊以偈頌曰：

人知奉其上，	君、父、師、道士，	信、戒、施、聞、慧，	終吉所生安。
宿命有福慶，	生世為人尊，	以道安天下，	奉法莫不從。
王為臣民主，	常以慈愛下，	身率以法戒，	示之以休咎。
處安不忘危，	慮明福轉厚，	福德之反報，	不問尊以卑。

佛告王曰：

王前世時，為大王給使。

· 奉佛以信，奉法以淨，奉僧以敬； · 奉親以孝，奉君以忠；

· 常行一心、精進、布施，勞身苦體，初不懈倦。

是福追身，得為王子，補王之榮；今者富貴，而反懈怠。

夫為國王當行五事！何謂為五事？

一者、領理萬民，無有枉濫。

二者、養育將士，隨時稟與。

三者、念修本業，福德無絕。

四者、當信忠臣，正直之諫，無受讒言，以傷正直。

五者、節欲貪樂，心不放逸。

行此五事，名聞四海，福祿自來；捨此五事，眾網不舉。

· 民困，則思亂；

· 士勞，則勢不舉；

· 無福，鬼神不助；

· 自用失大理，忠臣不敢諫；

· 心逸國不理，臣檢²⁸民則怨。

若如是者，身失令名，後則無福。

於是世尊，重說偈言：

夫為世間將，

修正不阿枉，

調心勝諸惡，

如是為法王。

見正能施惠，

仁愛好利人，

既利以平均，

如是眾附親。

佛說偈已，是時王大歡喜。起住佛前，五體投地，懺悔謝佛，即受五戒。佛重說法，得須陀洹道。

²⁸ = 孽【宋】【元】【明】【聖】

（72 捕象師為象所逐，比丘欲救）

昔佛在舍衛國，祇樹精舍，為諸天人、國王、大臣、四輩弟子說無上大法。

時舍衛國南有深山，其中常出野象，象有三色：白、青、黑者。國王欲得好名鬪大象，輒遣人往，捕取將來，付調象師，三年之中，便可乘騎，亦可令鬪。

時有一神象龍之所生，身白如雪，尾赤如丹，兩牙如金色。獵師見此，非常好象，還白國王：

有此大象，其形如是，宜大王乘！

王即募捕，象師三十餘人，遣令捕此象。人眾往到象所，張羅欲捕象，而此神象，知諸人意，即便來前，而墮羅中，眾人皆來，而欲捕之，象便瞋恚，逆跳之，近者即死，遠者得走，象逐不置。

時山脇有諸年少道人，多力勇健，山中學道，大久未得定意，遙見此象，追逐殺人，道人憐愍人故，自恃勇健，欲往救之。

佛已遙見，恐此比丘為神象所殺，佛即到邊，放大光明，象見佛光，怒止恚解，不復追逐殺人。比丘見佛，迎為作禮，佛為比丘，即說偈言：

勿妄燒神象， 以招苦痛患， 惡意為自殺， 終不至善方。

比丘聞偈，即便稽首，懺悔謝過，內自篤責，深惟為非，即於佛前，逮得應真。時捕象人，即皆還穌，走者尋還，皆得道迹。

（73 大臣立國法，民反苦毒，欲謀圖王・戒殺）

昔佛在羅閱祇耆闍崛山中。

時國王瓶沙有一大臣，犯事免退，徙著南山中，去國千里外，由來無人不熟五穀，大臣到中，泉水流溢，五穀大熟。四方諸國，有飢寒者，皆來至此山中，數年之中，便有三四千家，來者給與田地，令得生活。其中三老，諸長宿年共議：

國之無君，猶身之無首！相將至大臣所，舉大臣為國王。

大臣答長老曰：

若以我為王者，當如諸國王之法：左右大臣，文武將士，上下朝直，發女闈宮，租稅穀帛，當如民法。

諸國老曰：

唯然奉命，一隨王法。

即立為王，處置群臣，文武上下，發調人民，築城作舍，宮殿樓觀。民被苦毒，不復堪諧，皆發想念，欲謀圖王。諸姦臣輩，將王出獵，去城三四十里，於曠野澤中，牽王欲殺。王問左右：

何緣殺我？

答曰：

民慕豐樂，奉王以禮；民困思亂，破家圖國！

王告之言：

卿等自為，非我本造。枉殺我者，神祇知之，聽我發一願，死不有恨！

即願曰：

我本開荒，出穀養民，來者皆活，富樂無極，自共舉我，立為國王。依案諸國，自共作此。

今反殺我，我實無惡，於此人民，若我死者，願作羅刹，還入故身中，當報此怨！

於是絞殺，棄屍而去。三日之後，王神即作羅刹，還入故身中，自名阿羅婆，即起入宮，絞殺新王，并及後宮嫔女、左右姦臣即皆殺之。羅刹瞋恚，出宮盡欲殺人。

國中三老，草索自縛，來向羅刹自首：

此是姦臣所為，非是細民；所可能知，乞勾原恕，願還治國！

曰：

我是羅刹！何與人等，共從事也？食飲當得人肉，羅刹急性，忿不思難！

三老曰：

國是王許，故當如前，食飲所須，當相差次。

國老共出，宣令人民，皆共探籌，以此為次，家出一小兒，生用作食，食羅刹王，三四千家，正有一戶，為佛弟子。居門精進，五戒不犯，隨民探籌，得第一籌，有一小兒，當先食鬼王。賢者大小，懊惱啼哭，遙向崛山，為佛作禮，悔過自責。佛以道眼，見其辛苦，便自說言：

因是小兒，當度無數人！

便獨飛往，至羅刹門，現變光相，照其宮內，羅刹見光，疑是異人。即出見佛，便起毒心，欲前噏佛，光刺其目，擔山吐火，皆化為塵，至久疲頓。然後降化，請佛入坐，頭面作禮，

佛為說經，一心聽法，即受五戒，為優婆塞，里吏催食，奪兒將來，室家嗥哭，隨道而來，觀者無數，為之悲哀。吏抱兒撒食著羅剎前，羅剎即持此小兒，擎食至佛前，長跪白佛言：

國人相差次以小兒為食，我今受佛五戒，不復得食此小兒，請以小兒布施佛，為佛作給使。佛為受之，即說呪願。羅剎歡喜，得須陀洹道。

佛以小兒著鉢中，撒出宮門，還其父母，而告之曰：

快養小兒，勿復愁憂！

眾人見佛，莫不驚愕：

怪是何神！此兒何福，而獨救之，羅剎所食，奪還父母！

於是世尊，在於大眾中央，而說偈言：

戒德可恃怙，	福報常隨己，	見法為人長，	終遠三惡道。
戒慎除苦畏，	福德三界尊，	鬼龍邪毒害，	不犯有戒人。

佛說偈已，無央數人，見佛光像，乃知至尊三界無比。便皆歸化，為佛弟子，聞偈歡欣，皆得道迹。

（74 太子問佛，頗有國王捨國作沙門，佛為說往昔因緣）

昔佛在波羅奈國，鹿野場上為天人、龍鬼、國王、臣民不可計眾，而為說法。

時大國王太子，將從小國王世子，五百餘人，往到佛所，為佛作禮，却坐一面而聽法。諸太子等，即白佛言：

佛道清妙，玄遠難及。自古以來，頗有國王、太子、大臣、長者之子，捨國吏民、恩愛榮樂行，作沙門者不？

佛告諸太子：

世間國土，榮樂恩愛，如幻、如化、如夢、如響，卒來卒去，不可常保！

又國王、太子以三事故，不能得道！何謂三事？

一者、憍恣，不念學問佛經妙義，以濟神本。

二者、貪取，不念布施下貧困厄；群臣、將士所有財寶，不與民共，以修財本。

三者、不能遠離色欲、愛樂之事，捨棄牢獄、憂煩之惱，行作沙門，滅眾苦難，以修身本。是以菩薩所生為王，除此三事，自致得佛。

又有三事！何謂為三？

一者、少壯學問，領理國土，率化民庶，使行十善。

二者、中以財施，貧窮孤寡；群臣、將士與民同歡。

三者、每計無常，命不久留，宜當出家，行作沙門，斷苦因緣，勿更生死。

三事不施，獨無所得。

於是世尊而自陳曰：

昔我前世，作轉輪聖王，名曰南王皇帝，七寶導從，宮觀浴池，行宮戲園，及群臣太子、夫人、嫫女、象馬、厨宰，各八萬四千。有子千人，勇猛精銳，一人當千。飛行虛空，周遊四方，自在所為，無當前者。其壽八萬四千歲，以法治政，不枉人民。

爾時聖王，歎自念言：

人命短促，無常難保，但當作福，以求道真。念常布施，世間人民，所有財物，與民共之。

已種福德，唯當出家，行作沙門，斷絕貪欲，乃得滅苦！

王即勅梳頭人：

若見頭髮白，便當啟我！

至久數萬歲，梳頭人啟言：

白髮已生！

勅令拔之，舉著案上，王見白髮，涕泣命曰：

第一使者忽然復至，今頭已白，宜當出家，行作沙門，求自然道。

擎髮掌中，自說偈言：

今我上體首， 白生為被盜， 已有天使召， 時正宜出家。

即召群臣，立太子為王。行作沙門，入山修道，畢人之壽，即生第二天上，為天帝釋。

太子於後，領理天下，亦如大王，復勅梳頭人：

若見白髮，便當啟我！

至久復啟：

白髮已生。

敕令拔之，擎著掌中，而說偈言：

今我上體首， 白生為被盜， 已有天使召， 時正宜出家！

復召群臣，立太子為王，即行作沙門，入山修道，畢人之壽，復生天上，為天帝釋。前天帝釋，畢天之壽，下生世間，為聖王作太子。此三聖主，更為父子。上為天帝，下為聖主，中為太子。各各三十六反，數千萬歲，終而復始，行此三事，自致得佛。

· 爾時父者，今我身是也；

· 太子者，舍利弗是也；

· 王孫者，阿難是也。

更相從生，展轉為王，以化天下，是以特尊，三界無比。

佛說是時，國王太子，并諸太子，皆大歡喜，受佛五戒，為優婆塞，得須陀洹道。

吉祥品 第三十九

(75 有梵志道士來問何吉祥?)

昔佛在羅閱祇·耆闍崛山中，為天人龍鬼，轉三乘法輪。

時山南恒水岸邊，有尼捷梵志，先出耆舊，博達多知，德向五通，明識古今。所養門徒，有五百人，教化指授，皆悉通達天文、地理、星宿、人情，無不瞻察，觀略內外、吉凶、禍福、豐儉、出沒，皆包知之。梵志弟子，先佛所行，應當得道，歎自相將，至水岸邊，屏坐論語，自共相問：

世間諸國，人民所行，以何等事，為世吉祥？徒等不了。

往到師所，為師作禮，叉手白言：

弟子等學久所學已達，不聞諸國，以何為吉祥？

尼捷告曰：

善哉問也！閻浮利地有十六大國，八萬四千小國，諸國各有吉祥：或金、或銀、水精、琉璃、明月、神珠，象馬、車輿、玉女、珊瑚、珂貝、妓樂、鳳凰、孔雀，或以日月、星辰、寶瓶、四華、梵志、道士。

此是諸國，之所好喜，吉祥瑞應。若當見是，稱善無量，此是瑞應，國之吉祥。

諸弟子曰：

寧可更有，殊特吉祥，於身有益，終生天上？

尼捷答曰：

先師以來，未有過此，書籍不載。

諸弟子曰：

近聞釋種，出家為道，端坐六年，降魔得佛，三達無礙。試共往問，所知博採，何如大師！師徒弟子，五百餘人，經涉山路，往到佛所，為佛作禮。坐梵志位，叉手長跪，白佛世尊曰：

諸國吉祥，所好如此；不審更有，勝是者不？

佛告梵志：

如卿所論，世間之事“順則吉祥，反則凶禍”不能令人，濟神度苦。

如我所聞〈吉祥之法〉行者得福，永離三界，自致泥洹。

於是世尊，而作頌曰：

佛尊過諸天，	如來常現義，	有梵志·道士，	來問：何吉祥？
於是佛愍傷，	為說真有要：		
· 已信樂正法，	是為最吉祥！		
· 亦不從天人，	希望求僥倖；	亦不禱神祠，	是為最吉祥！ 2
· 友賢，擇善居，	常先為福德，	勅身承貞正，	是為最吉祥！ 3
· 去惡從就善，	避酒知自節，	不婬於女色，	是為最吉祥！ 7
· 多聞如戒行，	法律精進學，	修己無所爭，	是為最吉祥！ 4
· 居孝事父母，	治家養妻·子，	不為空乏行，	是為最吉祥！ 5

• 不慢.不自大.	知足.念反覆 ²⁹	以時誦習經，	是為最吉祥！ 8
• 所聞常欲忍，	樂欲見沙門，	每講輒聽受，	是為最吉祥！ 9
• 持齋修梵行，	常欲見賢明，	依附明智者，	是為最吉祥！
• 已信有道德，	正意向無疑，	欲脫三惡道，	是為最吉祥！
• 等心行布施，	奉諸得道者，	亦敬諸天人，	是為最吉祥！ 6
• 常欲離貪婬、	愚癡.瞋恚意，	能習成道見，	是為最吉祥！ 10
• 若以棄非務，	能勤修道用，	常事於可事，	是為最吉祥！ 11
• 一切為天下，	建立大慈意，	修人安眾生，	是為最吉祥！
智者居世間，	常習吉祥行，	自致成慧見，	是為最吉祥！

梵志師徒，聞佛說偈，欣然意解，甚大歡喜，前白佛言：

甚妙世尊！世所希有，由來迷惑，未及闕³⁰明。

唯願世尊，矜愍濟度，願身自歸，佛法三尊，得作沙門，冀在下行。

佛言：

大善！善來比丘！

即成沙門，內思安般，逮得應真，聽者無數，皆得法眼。

法句譬喻經卷第四

²⁹ 感恩

³⁰ 觀察、探索

連結分類

〈品目〉

- 卷 1 無常品 第 1 · (01 帝釋知命盡,歸佛,聞法,證初果) · (02 波斯匿王母病亡,佛為說無常)
 · (03 群牛死者過半,而餘者不覺,世人亦爾) · (04 梵志女年十五亡,佛為說:四不得久)
 · (05 蓮華見化女命絕,發出離心) · (06 五通梵志四人,遇無常至,欲避,無人得免)
 · (07 比丘七日將命終 · 飽食入室,閉房靜眠) · (08 比丘欲盛,欲斷根,佛說:無明為根,當斷)
 · (09 比丘住山怖欲悔還,佛為說象遠離到此求靜) (遠離)
 護戒品 第 2 · (10 二比丘欲見佛,一護戒生天先見佛,)
 多聞品 第 3 · (11 夫婦慳惡,佛為說法) · (12 梵志貢高,晝日執炬)
 · (13 好施長者不信佛道及諸醫術) · (14 五百賊人,受佛化度)
 篤信品 第 4 · (15 村人見化人因信心涉江) · (16 修陀羅兒承父法供齋,施)
 戒慎品 第 5 · (17 五沙門處山,受道人助 · 遠離)
 惟念品 第 6 · (18 瓶沙王送弗加沙王《十二因緣經》)
 慈仁品 第 7 · (19 山人殺獵為業,奉事鬼神;受佛人化不殺) · (20 默處王奉邪殺生求母病癒,)
 言語品 第 8 · (21 弗加沙王三人,受生觥殺因緣)
 雙要品 第 9 · (22 二人見王供佛及僧,各動善,惡念,各自受報) · (23 祇陀太子與弟瑠璃各受異報)
 · (24 婆羅門七十餘家唱『生梵天』以求離生死,佛化為沙門)
 放逸品 第 10 · (25 沙門山中遇寶欲還俗,以財求福,佛化尼度)
 心意品 第 11 · (26 道人但念六欲,佛化沙門以龜喻化度)
 華香品 第 12 · (27 五百人婆羅門女求生梵天,受佛化,說迦葉佛時因緣) ·
 · (28 波斯匿王送末利夫人七寶,夫人持齋不受寶) · (29 長者子五十人,佛以蓮出泥喻)
 愚闇品 第 13 · (30 婆羅門年八十更欲建舍,佛為說法,而沒空聽) · (31 金剛等五百餘人聞法遇火,佛為說昔因緣)
 明哲品 第 14 · (32 梵志學弓,習船,調木,佛明智者調身) · (33 雙德,雙福昔退求人天福因緣 · 迦葉佛時曾作沙門)
 羅漢品 第 15 · (34 分那以智助主,後出家得道,再導主歸佛)
 述千品 第 16 · (35 般特比丘一偈得道;為比丘尼說法;為王現神通) · (36 藍達長者施多得福報少,佛為說法)
 · (37 有一人不孝父母,不敬長老;憍慢貢高,而欲事火求福)
 惡行品 第 17 · (38 五百獼猴作塔生天因緣,口業) · (39 瑠璃王滅舍夷國,目連為救,但不敵業)
 刀仗品 第 18 · (40 老比丘久病無人侍,佛親為侍,說昔打眾生之業報)
 · (41 五百梵志裸形求仙,如尼撻法 · 聞樹神昔持齋因緣,後求佛出家得道,隨喜功德,受齋)
 卷 3 老耄品 第 19 · (42 長老婆羅門七人求佛出家,因思世事,佛為說法) · (43 五百年少婆羅門為人憍慢,佛為說精進四法)
 愛身品 第 20 · (44 摩訶盧比丘數年不得一偈欲自絞死,佛化樹神為說因緣,往迦葉佛時…)
 · (45 五百梵志,使屠兒供佛,齋僧,欲難佛; 佛說:“善,惡,福,禍”本不相代)
 世俗品 第 21 · (46 多味寫王行大布施,佛變梵志始求無厭,後捨求道,度王 · 知足)
 述佛品 第 22 · (47 憂呼梵志遇佛往波羅奈國初轉法輪,不知進問深法)
 安寧品 第 23 · (48 山民見化沙門入定,謂為命終,持薪往燒) · (49 四比丘互問:世間何者為苦? 佛說:天下之苦,莫過有身)
 好喜品 第 24 · (50 四比丘互問:世間何者最樂?)
 忿怒品 第 25 · (51 調達與阿闍貴王共議以象毀佛及諸弟子)
 塵垢品 第 26 · (52 有一人上怨父母,次責師友,欲求佛出家,佛令先回孝事親師三年,後出家得道)
 奉持品 第 27 · (53 婆羅門貢高鐵鑠鑠腹,與五百弟子欲問難佛 · 慢)
 道行品 第 28 · (54 婆羅門六十七歲子,往閻王處索子不得,求佛為說因緣)
 廣衍品 第 29 · (55 波斯匿王得佛減肥偈 · 節食)
 地獄品 第 30 · (56 富蘭迦葉欲與佛拈神通,敗後投水墮地獄,佛說昔因緣) · (57 七比丘十二年不得道,欲歸家;佛化沙門為說法)
 象 品 第 31 · (58 羅雲未得道時言少誠信,佛為說喻) · (59 調象師呵提曇說調象,佛亦以調法喻)
 愛欲品 第 32 · (60 沙門行道三年後欲退還,佛以獼猴事喻) · (61 國旱三年,王從梵志欲燒七人至梵天,七人求佛,為往救為說法)
 · (62 長者慳貪佛化沙門勸施,說:父為雞,仇為子,母為妻因緣) · (63 年少比丘為少女所迷,佛引見女已死三日,觀不淨)
 · (64 長者子娶親友女,因財散盡,父欲改嫁,夫婦殉情,父往佛所聞法) · (65 二沙門念世間恩愛,佛為導示女身不淨)
 卷 4 利養品 第 33 · (66 吉星梵志欲以女嫁佛,佛為說不淨,後送王)
 沙門品 第 34 · (67 年少比丘乞食誤入機關,佛為救,為說法)
 梵志品 第 35 · (68 五百梵志各達神通自謂涅槃,為佛說法)
 泥洹品 第 36 · (69 阿闍世王欲代越祇,問佛勝否? 佛為說七法)
 生死品 第 37 · (70 長者子為婦上樹取華亡,佛為說昔共業因緣)
 道利品 第 38 · (71 王投王家,失本心,佛為說王當行五事) · (72 捕象師為象所逐,比丘欲救)
 · (73 大臣勸立國法,民反苦毒,欲謀圖王,戒殺) · (74 太子問佛,頗有國王捨國作沙門,佛為說往昔因緣)
 吉祥品 第 39 · (75 梵志道士來問佛:何謂吉祥?)

〈品目〉

- 卷 1 無常品 第 1 · (01 帝釋知命盡, 歸佛, 聞法, 證初果)
(02 波斯匿王母病亡, 佛為說無常)
(03 群牛死者過半, 而餘者不覺, 世人亦爾)
(04 梵志女年十五亡, 佛為說: 四不得久)
(05 蓮華見化女命絕, 發出離心)
(06 五通梵志四人, 遇無常至, 欲避, 無人得免)
(07 比丘七日將命終: 飽食入室, 閉房靜眠)
(08 比丘欲盛, 欲斷根, 佛說: 無明為根, 當斷)
(09 比丘住山怖欲悔還, 佛為說象遠離到此求靜) (遠離)
護戒品 第 2 · (10 二比丘欲見佛, 一護戒生天先見佛,)
多聞品 第 3 · (11 夫婦慳惡, 佛為說法)
(12 梵志貢高, 晝日執炬)
(13 好施長者不信佛道及諸醫術)
(14 五百賊人, 受佛化度)
篤信品 第 4 · (15 村人見化人因信心涉江)
(16 修陀羅兒承父法供齋, 施)
戒慎品 第 5 · (17 五沙門處山, 受道人助, 遠離)
惟念品 第 6 · (18 瓶沙王送弗加沙王《十二因緣經》)
慈仁品 第 7 · (19 山人殺獵為業, 奉事鬼神; 受佛化不殺)
(20 默處王奉邪殺生求母病癒,)
言語品 第 8 · (21 弗加沙王三人, 受牛軛殺因緣)
雙要品 第 9 · (22 二人見王供佛及僧, 各動善, 惡念, 各自受報)
(23 祇陀太子與弟瑠璃各受異報)
(24 婆羅門七十餘家唱『生梵天』以求離生死, 佛化為沙門)
放逸品 第 10 · (25 沙門山中遇寶欲還俗, 以財求福, 佛化尼度)
心意品 第 11 · (26 道人但念六欲, 佛化沙門以龜喻化度)
華香品 第 12 · (27 五百人婆羅門女求生梵天, 受佛化, 說迦葉佛時因緣)
(28 波斯匿王送末利夫人七寶, 夫人持齋不受寶)
(29 長者子五十人, 佛以蓮出泥喻)
愚闇品 第 13 · (30 婆羅門年八十更欲建舍, 佛為說法, 而沒空聽)
(31 金剛等五百餘人聞法遇火, 佛為說昔因緣)
明哲品 第 14 · (32 梵志學弓, 習船, 調木, 佛明智者調身)
(33 雙德, 雙福昔求人天福因緣, 迦葉佛時曾作沙門)
羅漢品 第 15 · (34 分那以智助主, 後出家得道, 再導主歸佛)
述千品 第 16 · (35 般特比丘一偈得道; 為比丘尼說法; 為王現神通)
(36 藍達長者施多得福報少, 佛為說法)
(37 有一人不孝父母, 不敬長老; 憍慢貢高, 而欲事火求福)
惡行品 第 17 · (38 五百獼猴作塔生天因緣, 口業)
(39 瑠璃王滅舍夷國, 目連為救, 但不嚴業)
刀仗品 第 18 · (40 老比丘久病無人侍, 佛親為侍, 說昔打眾生之業報)
(41 五百梵志僇形求仙, 如尼捷法。聞樹神昔持齋因緣, 後求佛出家得道, 隨喜功德, 受齋)
卷 3 老耄品 第 19 · (42 長老婆羅門七人求佛出家, 因思世事, 佛為說法)
(43 五百年少婆羅門為人憍慢, 佛為說精進四法)
愛身品 第 20 · (44 摩訶盧比丘數年不得一偈欲自絞死, 佛化樹神為說因緣, 往迦葉佛時...)
(45 五百梵志, 使屠兒供佛, 齋僧, 欲難佛; 佛說: “善、惡、福、禍” 本不相代)
世俗品 第 21 · (46 多味富王行大布施, 佛變梵志始求無厭, 後捨求道, 度王, 知足)
述佛品 第 22 · (47 憂呼梵志遇佛往波羅奈國初轉法輪, 不知進問深法)
安寧品 第 23 · (48 山民見化沙門入定, 謂為命終, 持薪往燒)
(49 四比丘互問: 世間何者為苦? 佛說: 天下之苦, 莫過有身)
好喜品 第 24 · (50 四比丘互問: 世間何者最樂?)
忿怒品 第 25 · (51 調達與阿闍賈王共議以象毀佛及諸弟子)
塵垢品 第 26 · (52 有一人上怨父母, 次責師友, 欲求佛出家, 佛令先回孝事親, 師三年, 後出家得道)
奉持品 第 27 · (53 婆羅門貢高鐵鏹鏹腹, 與五百弟子欲問難佛, 慢)
道行品 第 28 · (54 婆羅門六十七七歲子, 往閻王處索子不得, 求佛為說因緣)
廣衍品 第 29 · (55 波斯匿王得佛減肥偈, 節食)
地獄品 第 30 · (56 富蘭迦葉欲與佛摘神通, 敗後投水墮地獄, 佛說昔因緣)
(57 七比丘十二年不得道, 欲歸家; 佛化沙門為說法)
象 品 第 31 · (58 羅雲未得道時言少誠信, 佛為說喻)
(59 調象師呵提壘說調象, 佛亦以調法喻)
愛欲品 第 32 · (60 沙門行道三年後欲退還, 佛以獼猴事喻)
(61 國旱三年, 王從梵志欲燒七人至梵天, 七人求佛, 為往救為說法)
(62 長者慳貪佛化沙門勸施, 說: 父為難, 仇為子, 母為妻因緣)
(63 年少比丘為少女所迷, 佛引見女已死三日, 觀不淨)
(64 長者子娶親友女, 因財散盡, 父欲改嫁, 夫婦殉情, 父往佛所聞法)
(65 二沙門念世間恩愛, 佛為導示女身不淨)
利養品 第 33 · (66 吉星梵志欲以女嫁佛, 佛為說不淨, 後送王)
沙門品 第 34 · (67 年少比丘乞食誤入機關, 佛為救, 為說法)
梵志品 第 35 · (68 五百梵志各達神通自謂涅槃, 為佛說法)
泥洹品 第 36 · (69 阿闍世王欲代越祇, 問佛勝否? 佛為說七法)
生死品 第 37 · (70 長者子為婦上樹取華亡, 佛為說昔共業因緣)
道利品 第 38 · (71 王投王家, 失本心, 佛為說王當行五事)
(72 捕象師為象所逐, 比丘欲救)
(73 大臣勸立國法, 民反苦毒, 欲謀圖王, 戒殺)
(74 太子問佛, 頗有國王捨國作沙門, 佛為說往昔因緣)
吉祥品 第 39 · (75 梵志道士來問佛: 何謂吉祥?)

【地理・人物】

【羅閱祇國・王舍城・耆闍崛山】

- 國王・昔佛在世時，弗加沙王與瓶沙王親友；弗加沙王未知佛道，作七寶華以遺瓶沙王友。昔弗加沙王》入羅閱祇城分衛，於城門中為新產犍牛所舐殺。
- 王子・羅閱祇，耆闍崛山中。時調達與阿闍王共議毀佛及諸弟子
- 臣・羅閱祇耆闍崛山中。國王瓶沙有一大臣。犯事免退徙著南山中。去國千里外
- 鄰國・王舍城靈鷲山中。時摩竭國王號名阿闍世。所領五百國各有姓名。近有一國。名曰越祇。不順王命欲往伐之。
- 羅閱祇國。南有大山。去城二百里。南土諸國路由此山。山道深邃有五百賊依嶮劫人。
- 羅閱祇。耆闍崛山中。於時城中有長者子五十人。往詣佛所作禮却坐。
- 昔耆闍崛山後有婆羅門七十餘家宿福應度
- 羅閱祇國 有一人。為人凶愚不孝父母。輕侮良善不敬長老。居門衰耗常不如意。
- 羅閱祇。去國五百里有山，山中有一家。有百二十人生長。
- 羅閱祇。南四千里有國，奉事梵志數千人。時國大旱三年不雨。
- 羅閱祇。耆闍崛山中。時山南恒水岸邊有尼捷梵志……所養門徒有五百人。

【舍衛國・祇樹・給孤獨園】

- 國王・舍衛國。彼時國王名波斯匿
- 王母・舍衛國。國王波斯匿大夫人。年過九十卒得重病
- 王后・舍衛國。末利夫人素服而出在眾人中，猶如日月倍好於常。
- 太子、王子・昔長者須達買太子園田。太子祇陀。祇弟琉璃，常在王邊。
- 國王第二兒名曰琉璃其年二十將從官屬退其父王；伐兄太子自禪為王，有一惡名曰耶利。
- 王女・波斯匿王有一寡女，名曰金剛。壯寡未歸。
- 舍衛國有大長者。名曰須達，得須陀洹。有親友長者名曰好施。不信佛道及諸醫術
- 舍衛國中有婆羅門長者名藍達。大富無極，其家資財不可計數。
- 舍衛國有婆羅門師，名富蘭迦葉。與五百弟子相隨。國王人民先共奉事
- 舍衛國東南有大江。水既深而廣。有五百餘家居在岸邊。未聞道德度世之行。
- 舍衛國。國東南海中有臺。臺上有華香樹。樹木清淨。有婆羅門女五百人。
- 舍衛國。東方有國名鬱多羅波提。
- 時有婆羅門村。五百餘家中有五百年少婆羅門。修婆羅術

【摩竭提界】

- 善勝道場。元吉樹下。德力降魔

【波羅奈國・鹿野苑】

佛在波羅奈國，鹿野場上為天人、龍鬼、國王、臣民不可計眾而為說法
波羅奈國有山，去城四五十里，有五沙門處山學道，晨旦出山人間乞食，食訖還山晚暮乃到

【舍夷國・迦毗羅衛國】

往伐舍夷國。(佛陀的故鄉)

【其它】・俱曇彌國・時彼國王名曰優填・

- [拘睺尼國 · 美音精舍 · 昔有大國王名和默處](#)

《政治》

- [\(71 王投王家，失本心，佛為說王當行五事\)](#)
- [\(73 大臣勸立國法，民反苦毒，欲謀圖王 · 戒殺\)](#)
- [\(74 太子問佛，頗有國王捨國作沙門，佛為說往昔因緣\)](#)
- [\(46 王大布施，佛變梵志始求無厭，後捨求道，度王 · 知足\)](#)

- [\(23 祇陀太子與弟瑠璃各受異報\)](#)

戰爭 · [\(39 瑠璃王滅舍夷國，目連為救，但不敵業\)](#)

止戰 · [\(69 阿闍世王欲代越祇，問佛勝否？佛為說七法\)](#)

•

•

《》

•

•

【十使】

- 一無明・(08 比丘欲盛，欲斷根。佛說：無明為根，當斷無明)
- 「疑」・無明→疑→惡友婆羅門・→戒禁取・(20 默處王奉邪，殺生求母病癒，)
→善友 佛・→正 戒・國王和默聞說妙法・即得道迹
- ・(75 有梵志道士，來問何吉祥？)
- 「邪見」・(45 五百梵志，使屠兒供佛、齋僧。欲難佛，佛說：“善、惡”本不想代)
- 「我見」・(49 四比丘共問「世間何者為苦？」各說苦因，佛說：天下之苦、莫過有身)
- ・(30 婆羅門年向八十更欲建舍，佛為說法)
- 壽・不覺知無常・(03 群牛死者過半，而餘者不覺，世人亦爾)
- ・自知七日死・(06 五通梵志四人，遇無常至，無人得免)
- ・佛令知無常・(05 蓮華見化女命絕，發出離心)
- ・佛令知七日・(07 比丘七日將命終)
- ・佛令知無常・(42 長老婆羅門七人求佛出家，因思世事，佛為說法・精進)
- ・佛令知一日・(18 瓶沙王送弗加沙王《十二因緣經》)
- ・自覺知當下・(01 帝釋知命盡，歸佛，聞法，證初果)
- 我所・・母・(02 波斯匿王夫人病亡，佛為說無常)
- ・子・(70 長者子為婦上樹取華亡，佛為說昔共業因緣)
- ・子・(54 婆羅門六十七歲子，往閻王處索子不得，求佛為說因緣)
- ・女・田有熟麥・(04 梵志女年十五亡，佛為說：四不得久)
- 「邊見」・・(06 五通梵志四人，遇無常至，無人得免)
- 「見取見」・非果計果・錯誤的目標
- ・(50 四比丘互問「世間何者最樂？」・(68 五百梵志各達神通自謂涅槃，為佛說法)
- ・(24 婆羅門七十餘家唱『生梵天』以求離生死・(27 五百人婆羅門女求生梵天，受佛化)
- 「戒禁取」・非因計因・錯誤的方法、戒律
- ・奉事鬼神・(19 山人殺獵為業，奉事鬼神・受佛化，令不殺生)
- ・奉邪殺生，求母病癒・(20 默處王奉邪，殺生求母病癒，)
- ・祭祀四山、星宿、水火求福・(36 藍達施多得福報少，佛為說法)
- ・事火、事日月、事天以求福求康・(37 不孝父母，而欲事火求福)
- ・事日月，忠孝君父・不看醫，求自病癒(13 好施長者不信佛道及諸醫術)
- ・禱祠諸神求雨・(61 國旱三年，王從梵志欲燒七人至梵天，七人求佛，為往救為說法)
- ・澡浴求仙・(41 五百梵志岸邊有三祠神池。沐浴垢穢，裸形求仙，如尼捷法。聞樹神昔持齋因緣，後求佛出家得道，隨喜功德，受齋)
- ・卿等邪見，不信正真，百劫勤苦，無所一得・(38 五百獼猴作塔生天因緣，口業)
- ・(56 富蘭迦葉欲與佛拈神通，敗後投水墮地獄，佛說昔因緣)
- 「貪」・(21 弗加沙王三人，受牛觝殺因緣)・(64 長者子取親友女，父欲改嫁，夫婦殉情)
- 「慢」・(12 梵志貢高，晝日執炬)・(37 不孝父母，不敬長老，憍慢貢高；而欲事火求福)
- ・(53 婆羅門貢高鐵鑠鑠腹與五百弟子欲問難佛・慢)
- ・(43 五百年少婆羅門為人憍慢，佛為說精進四法)
- 「瞋」・(21 弗加沙王三人，受牛觝殺因緣)・(22 二人見王，供佛僧，動善、惡念，各自受報)

由“行”有殊，分見為五，名先已列，自體如何？

頌曰： 我、我所、斷、常， 撥無、劣謂勝， 非因道妄謂， 是五見自體

論曰：「**執我及我所是：薩迦耶見**。壞故名薩；聚謂迦耶（由剎那剎那壞故說滅，由聚集故名身）即是無常和合蘊義，迦耶即薩，名薩迦耶。此薩迦耶即五取蘊，為遮常一想故立此名，要此想為先方執我故。

毘婆沙者，作如是釋：有故名薩，身義如前，勿無所緣，計我我所。故說此見，緣於有身，緣薩迦耶，而起此見，故標此見名薩迦耶。

諸見但緣有漏法者，皆應標以薩迦耶名。然佛但於我、我所執標此名者。令知此見緣薩迦耶，非我我所，以我我所，畢竟無故。如《契經》說：

「苾芻當知！世間沙門、婆羅門等，諸有執我等隨觀見一切，唯於五取蘊起。」

└ 即於所執我、我所事執斷、執常名：邊執見。以妄執取“斷、常邊”故。

— 於實有體，苦等諦中，起見撥無，名為：邪見。

一切妄見，皆顛倒轉，並應名邪；而但“撥無，名邪見”者，以過甚故。

如說：臭酥惡、執惡等（譬如臭酥及惡旃陀羅）。此唯損減，餘增益故。

└ 於劣謂勝名為：見取，有漏名劣，聖所斷故。執劣為勝，總名見取。

理實應立「見等取」名。略去等言。但名「見取」。

└ 於非因道謂因道見。一切總說名：戒禁取。

• 如大自在生主；或餘非世間因，妄起因執。

• 投水、火等，種種邪行，非生天因，妄起因執。

• 唯受持戒禁，數相應智等（僧伽論伽），非解脫道，妄起道執。

理實應立「戒禁等取」名。略去等言但名「戒禁取」。

是謂五見自體，應知。

如上所說十種隨眠次第生時，誰前？誰後？

頌曰： 無明、疑、邪、身、 邊見、戒、見取、 貪、慢、瞋，如次 由前引後生

論曰：且諸煩惱，次第生時：

- ● ● ● ○ — 先由 〈無明〉於四諦不明了，不欲觀“苦、乃至道諦”。
- ○ ○ ○ ○ └ 由不了故次引生 〈疑〉，謂聞二途，便懷猶豫『為苦？非苦？乃至廣說』。
- ○ ○ ○ ○ └ 從此猶豫引 〈邪見〉生，謂邪聞思，生邪決定，撥“無苦諦乃至廣說”。
- ○ ○ ○ ○ └ 由 撥無諦引 〈身見〉生，謂取蘊中，撥無苦理，便決定執此是我故。
- ○ ○ ○ ○ └ 從此身見引 〈邊見〉生，謂依我執斷、常邊故
- ○ ○ ○ ○ └ 從此邊見引生 〈戒取〉，謂由於我隨執一邊，便計此執，為能淨故。
- ○ ○ ○ ○ └ 從 戒禁取引 〈見取〉生，謂計能淨已，必執為勝故。
- ● ● ● ○ — 從此見取次引 〈貪〉生，謂自見中情深愛故。
- ● ● ● ○ — 從此貪後次引 〈慢〉生，謂自見中深愛著己，恃生高舉陵蔑他故。
- ● ● ○ ○ — 從此慢後次引生 〈瞋〉，謂自見中深愛恃己，於他所起違己見中情不能忍必憎嫌故。
- 有餘師說：於自見解取捨位中起憎嫌故，見諦所斷貪等生時，緣自相續見為境故。
- 如是且依次第起，說越次起者前後無定。

↑ ↑ ↑ ↑
凡 初 二 三 四
夫 果 果 果 果

如是我聞：

一時，佛住舍衛國祇樹給孤獨園。

爾時，世尊告諸比丘：

「有沙門法及沙門果。諦聽，善思，當為汝說。

何等為沙門法？謂八聖道：正見、……乃至正定。

何等為沙門果？謂須陀洹果、斯陀含果、阿那含果、阿羅漢果

何等為須陀洹果？謂三結斷。 （身見、戒取、疑）

何等為斯陀含果？謂三結斷，貪、恚、癡薄。

何等為阿那含果？謂五下分結盡。 （身見、戒取、疑、欲貪、瞋恚）

何等為阿羅漢果？謂貪、恚、癡永盡，一切煩惱永盡。」

佛說此經已，諸比丘聞佛所說，歡喜奉行。

別說三結〈我見、疑、戒取見〉

聞如是：

一時，佛在舍衛國祇樹給孤獨園。

爾時，世尊告諸比丘：

「有三結使繫縛眾生，不能從此岸至彼岸。

云何為三？所謂身見、戒盜、疑。

彼云何名為身見？所謂計身有我，生吾我之想，有眾生想，有命、有壽、有人、有士夫、有緣、有著，

是謂名為身邪之結。

彼云何名為疑結？所謂：有我耶？無我耶？有生耶？無生耶？有我、人、壽命耶？無我、人、壽命耶？

· 有父母耶、無父母耶？有今世、後世耶？無今世、後世耶？

· 有沙門、婆羅門耶？無沙門、婆羅門耶？世有阿羅漢耶？世無阿羅漢耶？有得證者耶？無得證者耶？

是謂名為疑結。

彼云何名為戒盜（取義）結？所謂戒盜者，我當以此戒生大姓家，生長者家，生婆羅門家；若生天上，及諸神中，

是謂名為戒盜結。

是謂比丘！有此三結繫縛眾生，不能從此岸至彼岸。猶如兩牛同一轡，終不相離；此眾生類，亦復如是，三結所繫，不能得從此岸至彼岸。云何此岸？云何彼岸？所謂此岸者，身邪是；彼岸者，所謂身邪滅是。

是謂比丘！三結繫縛眾生，不能從此岸至彼岸。

是故諸比丘！當求方便，滅此三結。如是，諸比丘！當作是學。」

爾時，諸比丘聞佛所說，歡喜奉行。」

十惡業中的〈邪見〉

不捨邪見顛倒，如是見、如是說：

· 無施、無報、無福，無善行、惡行，無善惡業果報，無此世、無他世，無父母、無眾生，生世間。

· 無世阿羅漢等趣、等向，此世他、世自知作證：「我生已盡，梵行已立，所作已作，自知不受後有。」』

T02, no. 99 《雜阿含經》

八正道中的〈正見〉

何等為正見？

· 謂說：『有施、有說、有齋，有善行、有惡行，有善惡行果報，有此世、有他世，有父母、有眾生。』

· 有阿羅漢善到、善向，有此世、他世自知作證具足住：「我生已盡，梵行已立，所作已作，自知不受後有。」』

T02, no. 99 《雜阿含經》

《中阿含·業相應品·一三、度經 第三》(初一日誦)

我聞如是。

一時，佛遊舍衛國，在勝林給孤獨園。

爾時，世尊告諸比丘：

「有三度處，異姓異名、異宗異說，謂有慧者善受極持，而為他說，然不獲利。

云何為三？

或有沙門梵志，如是見、如是說，謂『人所為一切，皆因宿命造。』（宿命論）

復有沙門梵志，如是見、如是說，謂『人所為一切，皆因尊祐造。』（偏見取·戒取）（一神論）

復有沙門梵志，如是見、如是說，謂『人所為一切，皆無因無緣。』（邪見）（無神·唯物論）

於中，若有沙門梵志如是見、如是說，謂『人所為一切，皆因宿命造。』者，

我便往彼。到已，即問：『諸賢！實如是見、如是說，謂人所為一切，皆因宿命造耶？』

彼答言：『爾。』

我復語彼：

『若如是者，諸賢等皆是殺生。所以者何？以其一切，皆因宿命造故。

如是，諸賢皆是不與取、邪婬、妄言，乃至邪見。所以者何？以其一切，皆因宿命造故。

諸賢！若一切皆因宿命造見如真者，於內因內、作以不作，都無欲、無方便。

諸賢！若於作以不作，不知如真者，便失正念，無正智，則無可以教，如沙門法。』

如是說者，乃可以理，伏彼沙門梵志。

於中，若有沙門梵志，如是見、如是說，謂『人所為一切，皆因尊祐造。』者，

我便往彼。到已即，問：『諸賢！實如是見、如是說，謂人所為一切，皆因尊祐造耶？』

彼答言：『爾。』

我復語彼：

『若如是者，諸賢等皆是殺生。所以者何？以其一切，皆因尊祐造故。

如是，諸賢皆是不與取、邪婬、妄言，乃至邪見。所以者何？以其一切，皆因尊祐造故。

諸賢！若一切皆因尊祐造見如真者，於內因內、作以不作，都無欲、無方便。

諸賢！若於作以不作，不知如真者，便失正念，無正智，則無可以教，如沙門法。』

如是說者，乃可以理，伏彼沙門梵志。

於中，若有沙門梵志，如是見、如是說，謂『人所為一切，皆無因無緣。』者，

我便往彼。到已，即問：『諸賢：實如是見、如是說，謂人所為一切皆，無因無緣耶？』

彼答言：『爾。』

我復語彼：

『若如是者，諸賢等皆是殺生。所以者何？以其一切，皆無因無緣故。

如是，諸賢皆是不與取、邪淫、妄言，乃至邪見。所以者何？以其一切，皆無因無緣故。

諸賢！若一切皆無因無緣見如真者，於內因內、作以不作，都無欲、無方便。

諸賢！若於作以不作，不知如真者，便失正念，無正智，則無可以教，如沙門法。』

如是說者，乃可以理，伏彼沙門梵志。

我所自知自覺法，為汝說者，若沙門梵志，若天、魔、梵，及餘世間，皆無能伏，皆無能穢，皆無能制。

云何我所自知自覺法，為汝說，非為沙門梵志，若天、魔、梵，及餘世間所能伏，所能穢，所能制？

謂有六處法，我所自知自覺，為汝說，非為沙門梵志，若天、魔、梵，及餘世間所能伏，所能穢，所能制。

復有六界法，我所自知自覺，為汝說，非為沙門梵志，若天、魔、梵，及餘世間所能伏，所能穢，所能制。

云何六處法我所自知自覺，為汝說？謂眼處，耳、鼻、舌、身、意處。是謂六處法，我所自知自覺，為汝說也。

云何六界法我所自知自覺，為汝說？謂地界，水、火、風、空、識界。是謂六界法，我所自知自覺，為汝說也。

以六界合故，便生母胎。因六界，便有六處。因六處，便有更樂。因更樂，便有覺。

比丘！若有覺者，便知苦如真，知苦習、知苦滅、知苦滅道如真。

云何知苦如真？謂生苦、老苦、病苦、死苦、怨憎會苦、愛別離苦、所求不得苦、略五盛陰苦，是謂知苦如真。

云何知苦習如真？謂此愛受當來有，樂欲共俱，求彼彼有，是謂知苦習如真。

云何知苦滅如真？謂此愛受當來有，樂欲共俱，求彼彼有斷、無餘、捨、吐盡、無欲、滅、止沒，是謂知苦滅如真。

云何知苦滅道如真？謂八支聖道，正見……乃至正定，是為八，是謂知苦滅道如真。

比丘！當知苦如真，當斷苦習，當苦滅作證，當修苦滅道。

若比丘知苦如真、斷苦習、苦滅作證、修苦滅道者，是謂比丘一切漏盡，諸結已解，能以正智而得苦際。」

佛說如是，彼諸比丘聞佛所說，歡喜奉行。

度經第三竟(千一百八十四字)

《分別業報略經》

大勇菩薩撰

宋天竺三藏僧伽跋摩譯

最勝無上尊，	知見悉具足，	是故稽首禮，	及法應真僧。
我今撰安住，	知見具足說，	五趣所緣起，	由淨不淨業。
普為諸世間，	開示契經義，	隨智力所及，	分別業果報。
佛以法自覺，	諸天咸勸請，	即至波羅奈，	演暢真諦義；
謂苦及苦因、	苦集究竟滅，	八正悉具足，	盡苦清淨道。

無上人中尊，	說苦業果報，	從是轉相生，	煩惱及諸業；
種種相煩惱，	無量諸業行，	次第略分別，	隨順大仙說。
契經所顯示，	不違諸法相，	真實決定義，	慧者當受持。
非自在所作，	果報非無因，	亦非自性起，	亦不從時生；
自在天、無因、	自性及與時，	以果有勝劣，	當知彼非因。
無知生煩惱，	從是起諸業；	因業開眾趣，	今當說差別。

造諸不善業，	隨業入惡道，		
彼諸罪眾生，	閻王慈哀說：		
「生老病死苦，	王法所拘執。	汝見彼天使，	何不生勝覺？
惠施、清淨戒	能調身口意，	汝為何所求，	而不發上願？」
「不幸遇惡友，	唯聞非法事，	增我貪、恚、癡，	何由起淨業？」
「汝曾不修善，	但作諸惡行；	不覺罪報至，	今來入地獄。」
爾時諸獄卒，	即執罪眾生，	驅向地獄門；	恐怖身毛豎。
等活若黑繩、	眾合、二叫呼、	無擇大地獄、	燒熱及大熱，
土海及糞池，	@鋒利劍葉林、	刀道劍枝樹、	灰河鐵鑊獄，
造諸惡業者，	生此泥黎中。	今當說彼業，	苦報差別相。

【施、戒、聞】

總說：欲得大富，當行布施；欲得長命，當行大慈；欲得智慧，當行學問。（20 默處王奉邪殺生

· 布施下貧；遠離色欲，行作沙門；學問佛經。（74 太子問佛，頗有國王捨國作沙門

〈施〉· （62 長者慳貪佛化沙門勸施，為說：父為雞，仇為子，母為妻因緣）

· （11 夫婦慳惡，佛為說法）

田恩· 父母· （37 不孝父母，而欲事火求福）

恩· 父母· （52 人上怨父母，次責師友；欲求佛出家，佛令先回孝事親師三年，後出家得道）

苦· 看病· （40 老比丘久病無人待，佛親為待，打眾生· 業報）

· 供養病瘦，沙門、道士、及諸貧窮、孤獨、老人，其福無量，所願如意

德· 戒定慧· 校量布施· （36 藍達施多得福報少，佛為說法）

邪施· （61 國旱三年，王從梵志欲燒七人至梵天，七人求佛，為往救為說法）

施僧園· （23 祇陀太子與弟瑠璃各受異報）

恆時施· （16 修陀羅兒承父法供齋，施）

物· 法施· （44 摩訶盧比丘數年不得一偈欲自絞死，佛化樹神為說因緣）

主· 施與戒· （45 五百梵志使屠兒供佛齋僧，欲難佛，佛說：善惡本不想代

主· 施與慧· （46 王大布施，佛變梵志始求無厭，後捨求道，度王· 知足）

主· （71 王投王家，失本心，佛為說王當行五事）

〈戒〉戒〈殺〉· （14 五百賊人，受佛化度）

· （19 山人殺獵為業，受佛化不殺）

· （45 五百梵志，使屠兒供佛、齋僧，欲難佛。佛說：“善、惡、福、禍”本不相代

· （20 默處王，奉邪殺生，求母病癒，）

· （61 國旱三年，王從梵志欲燒七人至梵天，七人求佛，為往救為說法）

· （69 阿闍世王欲代越祇，問佛勝否？佛為說七法）

果報· （39 瑠璃王滅舍夷國，目連為救，但不敵業）

果報· 興戰· 現世報· 來生報 （23 祇陀太子與弟瑠璃各受異報）

果報· 射鳥· 短命報· （70 長者子為婦上樹取華亡，佛為說昔共業因緣）

· （73 大臣勸立國法，民反苦毒，欲謀圖王· 戒殺）

〈打〉· 果報· 多病 （40 老比丘久病無人待，佛親為侍，打眾生· 業報）

戒-盜· （14 五百賊人，受佛化度）

· （21 弗加沙王三人，受牛舐殺因緣）

戒-妄· （58 羅雲未得道時言少誠信，佛為說喻，口業· 小妄語）

· （38 五百獼猴作塔生天因緣，口業）

〈八關齋戒〉· 持· （28 末利夫人持齋不受寶）

· 持· （66 吉星梵志欲以女嫁佛，佛為說不淨，後送王

· 犯· （41 五百梵志岸邊有三祠神池，沐浴垢穢，佯形求仙，如尼捷法。

聞樹神昔持齋因緣，後求佛出家得道，隨喜功德，受齋）

〈智〉· 發出離心· 令我遭見釋迦文佛！· （41 五百梵志岸邊有三祠神池

· 聞慧· 不知請法· 不欲聞法

・思慧・・修

《老病死》

源頭・因戒殺害・戒鞭打・施醫藥・當看護

・果報・射鳥・短命報・[\(70 長者子為婦上樹取華亡，佛為說昔共業因緣\)](#)

・亦各須熟，彼不相代・[\(45 五百梵志，使屠兒供佛。齋僧，欲難佛；佛說：“善。惡”本不想代看病\)](#)

節食・[\(55 波斯匿王得佛減肥偈・節食\)](#)

須看病・[四大寒熱，當須醫藥](#)・[\(13 好施長者不信佛道及諸醫術\)](#)

修福看護・[供養病瘦。沙門。道士。及諸貧窮。孤獨。老人，其福無量，所願如意](#)・[\(40 老比丘久病無人侍，佛親為侍，說昔打眾生之業報\)](#)

不殺生・[云何興惡殺眾生，欲救一人・欲得長命，當行大慈](#)・[\(20 和默處王奉邪殺生求母病癒\)](#)

病亡：・[\(02 波斯匿王大夫人病亡，佛為說無常：](#)

・無常觀・[往昔國王。諸佛。真人\(阿羅漢\)。五通仙士，亦皆過去，無能住者！空為悲感，以殞軀形](#)

・為其修福・[夫為孝子，哀愍亡者，為福。為德，以歸流之，福祐往追，如餉遠人。](#)

・無常觀・[\(04 梵志女年十五亡，佛為說：四不得久\)](#)

・隨緣消舊業・[\(70 長者子為婦上樹取華亡，佛為說昔共業因緣\)](#)

佛語優波離：

「[有三種病人](#)：何等三？

・[有病人](#) 得隨病藥、隨病食、如法看病而[死](#)。（殺業）

・[或有病人不得](#)隨病藥、隨病食、如法看病而[活](#)。（共業到・輕）

・[有病人](#) 得隨病藥、隨病食、得如法看病人病必[差](#)；不得便[死](#)。

優波離！病比丘中：

・有不得如法看，[便死](#)；

・得如法看，[便活者](#)，是故應好看，務令如法安隱，即為施命。

是故看病得大功德，諸佛讚歎。」

《佛說灌頂經》卷 9：

聞如是。

一時，佛遊王舍大城竹林精舍，與四部弟子眷屬圍遶，天龍八部悉來集會。

佛為說法垂欲竟時。於是阿難從坐而起。齊整衣服稽首佛足。長跪合掌而白佛言。

[維耶離國](#)癘氣疾疫，猛盛赫赫，猶如熾火；中毒病者，頭痛寒熱，百節欲解，蘇者甚少，死者無數。

世尊大慈愍加群生，願為救護，使得蘇息，不遭苦患，病愈熱除，復為說法，使得至道。

佛告阿難：

維耶離國中所以遭此疫毒病者，是其國人，多殺群生，無有慈心，以殺獵為業。是諸麋、鹿、麋、麋、禽獸、熊羆之屬。有智慧者作是誓願：

願我來世墮鬼神中，願為鬼殃，銜火燒人。有犯觸我者，若殺、若縛強取我者，我當放火，燒其山野，及所居村舍；於我有怨，悉令被害，令諸眾生不得藏匿。

是故阿難！當化導一切令其慈仁，勿殺群生，普慈一切。受持禁戒，行於十善，若能如此可得至道。

佛又告阿難：

其世間人遭諸火殃，或燒一家…乃至五、三十家，或燒一里…乃至五三十里，或燒百里…乃至五三百里，或燒千里…乃至五千萬里。如此因緣不可稱數，與此眾生有業緣者，必為火殃之所燒害，是故不得避藏得脫。以是因緣，勿行殺獵，化行十善，可得至道。

佛又告阿難：

此國中人，又網水中黿、鼉、魚、鼈，雜類眾生不可稱數，而噉食之，以為美饌。諸眾生等，有智慧者，各各懷忿：

願我後世墮大海中，作毒蛟龍，吐種種毒氣，猶如雲霧，以害維耶離國中人民：

- 食我肉者，使病不死，萎黃困篤，從死得生；
- 殺我命者，毒著便死。

(CBETA, T21, no. 1331 《佛說灌頂經》，p. 521, a10-b19)

《佛五百弟子自說本起經·薄拘盧品 13》卷 1：

〈薄拘盧品 第十三〉(賈姓十二偈)

「我昔曾賣藥，於槃曇摩國，在維衛佛世，敬諸比丘僧。
 時有病瘦者，行藥療其疾，供給諸根藥，以惠諸比丘。
 一歲諸眾僧，令無所乏少，時施諸沙門，與一呵梨勒。
 • 於九十一劫，未曾歸惡道，在天上人間，其福自然見。
 所作德少耳，受福不可量，施一呵梨勒，長久生善處。
 • 其餘所有福，今還得人身，值見平等覺，導師無有一。
 未曾自識念，郡縣受施處，唯仁我二夜，證通三達智。
 常衣麤惡服，五納之震越，棄家行學道，願樂在閑居。
 其年百六十，於此無垢濁，未曾有疾病，所生處常安。
 佛普見說法，少欲無睡眠，觀布施藥者，其福廣如是。
 今我悉識念，本殖少功德，悉獲其果實，可意而安隱。」

時賢薄拘盧，在眾比丘僧，於阿耨達池，自說本所作。

(CBETA, T04, no. 199, p. 194, b16-c11)

《中阿含經·三四、薄拘羅經》(初一日誦)

我聞如是：

一時，佛般涅槃後不久，尊者薄拘羅遊王舍城，在竹林加蘭哆園。

爾時，有一異學，是尊者薄拘羅未出家時親善朋友。中後仿佯，往詣尊者薄拘羅所，共相問訊，却坐一面。異學曰：

「賢者薄拘羅！我欲有所問，為見聽不？」

尊者薄拘羅答曰：

「異學！隨汝所問，聞已當思。」

異學問曰：

「賢者薄拘羅於此正法律中，學道幾時？」

尊者薄拘羅答曰：

「異學！我於此正法律中，學道已來八十年。」

異學復問曰：

「賢者薄拘羅！汝於此正法律中，學道已來八十年，頗憶曾行婬欲事耶？」

尊者薄拘羅語異學曰：

「汝莫作是問，更問餘事『賢者薄拘羅！於此正法律中，學道已來八十年，頗憶曾起欲想耶？』異學！汝應作是問。」

於是，異學便作是語：

「我今更問。賢者薄拘羅！汝於此正法律中，學道已來八十年，頗憶曾起欲想耶？」

於是，尊者薄拘羅因此異學問，便語諸比丘：

「諸賢！我於此正法律中，學道已來八十年，以此起貢高者，都無是想。」若尊者薄拘羅作此說，是謂尊者薄拘羅未曾有法。

復次，尊者薄拘羅作是說：

「諸賢！我於此正法律中，學道已來八十年，未曾有欲想。」若尊者薄拘羅作此說，是謂尊者薄拘羅未曾有法。

復次，尊者薄拘羅作是說：

「諸賢！我持糞掃衣來八十年，若因此起貢高者，都無是相。」若尊者薄拘羅作此說，是謂尊者薄拘羅未曾有法。

復次，尊者薄拘羅作是說：

「諸賢！我持糞掃衣來八十年，未曾憶受居士衣，未曾割截作衣，未曾倩他比丘作衣，未曾用針縫衣，未曾持針縫囊，乃至一縷。」若尊者薄拘羅作此說，是謂尊者薄拘羅未曾有法。

復次，尊者薄拘羅作是說：

「諸賢！我乞食來八十年，若因此起貢高者，都無是相。」若尊者薄拘羅作此說，是謂尊者薄拘羅未曾有法。

復次，尊者薄拘羅作是說：

「諸賢！我乞食來八十年，未曾憶受居士請。未曾超越乞食，未曾從大家乞食，於中，當得淨好極妙豐饒食噉含消。未曾視女人面，未曾憶入比丘尼坊中，未曾憶與比丘尼共相問訊，乃至道路亦不共語。」若尊者薄拘羅作此說，是謂尊者薄拘羅未曾有法。

復次，尊者薄拘羅作此說：

「諸賢！我於此正法律中，學道已來八十年，未曾憶畜沙彌，未曾憶為白衣說法，乃至四句頌亦不為說。」若尊者薄拘羅作此說，是謂尊者薄拘羅未曾有法。

復次，尊者薄拘羅作是說：

「諸賢！我於此正法律中，學道已來八十年，未曾有病，乃至彈指頃頭痛者；未曾憶服藥，乃至一片訶梨勒。」若尊者薄拘羅作此說，是謂尊者薄拘羅未曾有法。

復次，尊者薄拘羅作是說：

「諸賢！我結加趺坐，於八十年未曾猗壁猗樹。」若尊者薄拘羅作此說，是謂尊者薄拘羅未曾有法。

復次，尊者薄拘羅作是說：

「諸賢！我於三日夜中，得三達證。」若尊者薄拘羅作此說，是謂尊者薄拘羅未曾有法。

復次，尊者薄拘羅作是說：

「諸賢！我結加趺坐而般涅槃。」尊者薄拘羅便結加趺坐而般涅槃。若尊者薄拘羅結加趺坐而般涅槃，是謂尊者薄拘羅未曾有法。

尊者薄拘羅所說如是，彼時異學及諸比丘，聞所說已，歡喜奉行。

薄拘羅經第三竟(九百八十字)

《四聖諦》

《過去現在因果經·初轉法輪》

宋 天竺三藏求那跋陀羅譯

時彼五人又聞此語，倍生慚愧，而白佛言：

「我等愚癡，無有慧識，不知今者已成正覺。所以者何？往見如來日食麻米，苦行六年，而今還受飲食之樂，我以是故謂不得道。」

爾時，世尊語憍陳如言：

「汝等莫以小智輕量我道成與不成，何以故？形在苦者，心則惱亂；身在樂者，情則樂著，是以“苦樂”，兩非道因。

譬如鑽火，澆之以水，則必無有破暗之照；鑽智慧火亦復如是，有苦樂水，慧光不生，以不生故，不能滅於生死黑障。

今者若能棄捨苦樂，行於中道，心則寂定，堪能修彼八正聖道，離於生老病死之患。

我已隨順中道之行，得成阿耨多羅三藐三菩提。」

時，彼五人既聞如來如此之言，心大歡喜，踊躍無量，瞻仰尊顏，目不暫捨。

爾時，世尊觀五人根堪任受道，而語之言：

「憍陳如！

汝等當知五盛陰苦，生苦、老苦、病苦、死苦、（身苦）

愛別離苦、怨憎會苦、（人）所求不得苦、失榮樂苦（物）（心苦）。

憍陳如！有形、無形、無足、一足、二足、四足、多足，一切眾生，無不悉有如此苦者；

譬如以灰覆於火上，若遇乾草，還復燒燃。

如是諸苦由我為本，若有眾生起微**我想**，還復更受如此之苦，**貪欲、瞋恚、及以愚癡**，皆悉緣**我根本而生**。

又此三毒是諸苦因，猶如種子能生於芽，眾生以是輪迴三有。

若滅我想及貪、瞋、癡，諸苦亦皆從此而斷，

莫不悉由彼八正道，如人以水澆於盛火，一切眾生不知諸苦之根本者，皆悉輪迴，在於生死。

憍陳如！**苦應知，習當斷，滅應證，道當修。**

憍陳如！**我已知苦，已斷習，已證滅，已修道，故得阿耨多羅三藐三菩提**

是故汝今，應當知**苦，斷習，證滅，修道。**

若人不知四聖諦者，當知是人不得解脫。四聖諦者是真是實：苦實是苦，習實是習，滅實是滅，道實是道。

憍陳如！汝等解未？」

憍陳如言：「解已，世尊！知已，世尊！」

以於四諦得解知故，故名阿若憍陳如。當佛三轉四諦十二行法輪時，阿若憍陳如於諸法中，遠塵離垢，得法眼淨（初果）。時虛空中，八萬那由他諸天亦離塵垢，得法眼淨。

爾時，地神見於如來在其境界而轉法輪，心大歡喜，高聲唱言：

「如來於此轉妙法輪！」

虛空天神既聞此言，又生踊躍，展轉唱聲，乃至阿迦膩吒天。諸天聞已，欣悅無量，高聲唱言：

「如來今日，於婆羅奈國鹿野苑中仙人住處，轉大法輪，一切世間，天、人、魔、梵、沙門、

婆羅門所不能轉。」

爾時，大地十八相動，天龍八部於虛空中作眾伎樂，天鼓自鳴，燒眾名香，散諸妙花，寶幢幡蓋，歌唄讚歎，世界之中自然大明。

阿若憍陳如於弟子中，以始悟故，為第一弟子。

時，彼摩訶那摩等四人，聞佛轉法輪已，阿若憍陳如獨悟道跡，心自念言：

「世尊若更為我說法，我等亦當復悟道跡。」作此念已，瞻仰尊顏，目不暫捨。

爾時，世尊知四人念，即便重為廣說四諦。于時四人，於諸法中亦離塵垢，得法眼淨。

時彼五人見道跡已，頂禮佛足而白佛言：

「世尊！我等五人已見道跡！已證道跡！我等今者，欲於佛法出家修道，唯願世尊慈愍聽許！」

於時世尊喚彼五人：「善來比丘！」鬚髮自落，袈裟著身，即成沙門。

爾時，世尊問彼五人：

「汝等比丘！知色、受、想、行、識為是常、為無常耶？為是苦、為非苦耶？為是空、為非空耶？為有我、為無我耶？」

時，五比丘聞佛說是五陰法已，漏盡意解，成阿羅漢果，即便答言：

「世尊！色、受、想、行、識實是無常、苦、空、無我。」

於是世間始有六阿羅漢：佛阿羅漢是為佛寶，四諦法輪是為法寶，五阿羅漢是為僧寶。如是世間三寶具足，為諸天人第一福田。

T03, no. 189 《過去現在因果經》

《八正道》

道諦：八正道

《雜阿含經·七八四·八正道》

如是我聞：

一時，佛住舍衛國祇樹給孤獨園。

爾時，世尊告諸比丘：

有邪、有正。諦聽善思！當為汝說。

何等為邪？謂邪見、…乃至邪定。

何等為正？謂正見、…乃至正定。

何等為正見？謂說有施、有說報、有齋，有善行、有惡行、有善惡行果報，有此世、有他世，有父母，有眾生。

有阿羅漢善到、善向，有此世、他世自知作證具足住，『我生已盡，梵行已立，所作已作，自知不受後有』。

（慧）

何等為正志？謂出要志、無恚志、不害志。（別譯為：所意棄欲、棄家，不瞋恚怒，不相侵）

何等為正語？謂離妄語、離兩舌、離惡口、離綺語。

（戒）

何等為正業？謂離殺、盜、淫。

何等為正命？謂如法求衣服、飲食、臥具、湯藥，非不如法。

何等為正方便？謂欲、精進、方便、出離、勤競、堪能常行不退。

（定）

何等為正念？謂念隨順，念不妄、不虛。

何等為正定？謂住心不亂、堅固、攝持、寂止、三昧、一心。」

佛說此經已，諸比丘聞佛所說，歡喜奉行。

《佛說八正道經》

後漢 安息國 三藏安世高譯

聞如是：

一時，佛在舍衛國祇樹給孤獨園。

佛告諸弟子：

「聽我說邪道，亦說正道。

何等為邪道？不諦見、不諦念、不諦語、不諦治、不諦求、不諦行、不諦意、不諦定，是為道八邪行。

何等為道八正行？

一者、諦見，諦見為何等？信布施、信禮、信祠，信善惡行自然福，信父母、信天下道人、信求道、信諦行、信諦受，今世後世，自點得證自成，便相告說，是為諦見。

第二、諦念，為何等？所意棄欲、棄家、不瞋恚怒、不相侵，是為諦念。

第三、諦語，為何等？不兩舌、不傳語、不惡罵、不妄語，是為諦語。

第四、諦行，為何等？不殺、盜、姪，是為諦行。

第五、諦受，為何等？是聞有道弟子法求，不可非法；飯食、床臥、病瘦正法求，不可非法，是為諦受。

第六、諦治，為何等？生死意共合行，所精進行，出力因緣行，乃精進不厭，意持，是為諦治。

第七、諦意，為何等？生死行合意念、向意念，不妄不共意求，是名為諦意。

第八、諦定，為何等？生死意合，念止、相止、護已止、聚止，不可為、不作所有罪，不墮中庭，是名為諦定。

比丘！所有道弟子，當受是八種行諦道，如說行，可得道八行覺。

一者、諦見者，

- 『信布施』後世得具福。『信禮』者，見沙門道人作禮福。『信祠』者，懸繒、燒香、散花、然燈。『信所行十善』是為自然得福。
- 『信父母』者，信孝順。
- 『信天下道人』者，喜受經。『信求道』者，為行道。『信諦行』者，斷惡意。『信諦受』者，不犯戒。
- 『今世後世』『自點』為得點。能教人『得證』，『自成』者能成人。能成他人，『便相告說』，是名為諦見知，如是便自脫亦脫他人。

第二、諦念，『所意起』者，為失意。『欲棄家』者，為念道。『不瞋恚怒』者，為忍辱。『不相侵』者，當正意。

第三、諦語者，不惡罵、不犯口四過，但說至誠道品諦要。

第四、諦行者，不殺、盜、姪，而行誠信。

第五、諦不墮貪者，但求一衣、一食、為賤醫。

第六、諦治者，為向三十七品經。

第七、諦意者，日增三十七品經，不離意。

第八、諦止者，不忘因緣，止者常還意護，已止者一切無所犯，聚止者得福道。」

佛說如是，皆歡喜受。

《增一阿含經》299 經（二）（·滅釋迦族遠因及近因·5553·

諸比丘白世尊言：

「今此諸釋，昔日作何因緣，今為流離王所害？」

爾時，世尊告諸比丘：

「昔日之時，此羅閱城中有捕魚村。時世極飢饉，人食草根，一升金買一升米。時，彼村中有大池水，又復饒魚。時，羅閱城中人民之類，往至池中而捕魚食之。當於爾時，水中有二種魚，一名拘瓊，二名兩舌。是時，二魚各相謂言：

『我等於此眾人，先無過失。我是水性之虫，不處平地。此人民之類，皆來食噉我等。

設前世時，少多有福德者，其當用報怨。』

爾時，村中有小兒，年向八歲，亦不捕魚，復非害命。然復彼魚在岸上者，皆悉命終。小兒見已，極懷歡喜。

比丘當知！汝等莫作是觀。

爾時，羅閱城中人民之類，豈異人乎？今釋種是也。

爾時拘瓊魚者，今流離王是也。

爾時兩舌魚者，今好苦梵志是也。

爾時小兒，見魚在岸上而笑者，今我身是也。

爾時，釋種坐取魚食。由此因緣，無數劫中入地獄中，今受此對。

我爾時坐見而笑之，今患頭痛，如似石押，猶如以頭戴須彌山。所以然者，如來更不受形。以捨眾行，度諸厄難。

是謂，比丘！由此因緣，今受此報。

諸比丘！當護身口意行。當念恭敬、承事梵行人。如是，諸比丘！當作是學。」

爾時，諸比丘聞佛所說，歡喜奉行。

無常，苦，空，無我，無我所，不淨

色受想行識，六根，六塵、六識

我，年輕、健康、壽命，生老病死
我母親、妻子、兒子、女兒、朋友，愛別離苦
房子、土地、車子、奴僕、員工、錢財...美食、等，求不得苦
五蔭熾盛苦，

存在，主宰、掌控、掌權

空：存在：我.人.眾生.壽者
無想、無相：色.聲.香.味.觸,男.女,成.住.壞
無願、無作：三界願求

斷煩惱，

因上修，不在果上求

【戒、定、慧・修行次第】

- 發出離心・(27 五百人婆羅門女受佛化因緣・昔迦葉佛時…)
- ・(48 山民見化沙門入定，謂為命終，持薪往燒)
 - ・(41 五百梵志岸邊有三祠神池。沐浴垢穢，保形求仙，如尼捷法。
 - ・尼乾一人發菩薩心・(53 婆羅門貢高鐵鉢腹與五百弟子欲問難佛・
- 戒・持 戒・殺・(10 二比丘欲見佛，一護戒生天先見佛)
- 正 命・
- 制 心・(26 道人但念六欲，佛化沙門以龜喻化度)
- 節 食・(55 波斯匿王得佛減肥偈・節食)
- 戒睡眠・(07 比丘七日將命終・飽食入室，閉房靜眠)
- 戒瞋恚・(51 調達與阿闍王共議以象毀佛及諸弟子)
- 戒憍慢・(37 不孝父母，不敬長老；憍慢貢高・而欲事火求福)
- ・(53 婆羅門貢高鐵鉢腹與五百弟子欲問難佛)
 - ・(12 梵志貢高，晝日執炬)
 - ・(44 摩訶盧比丘數年・自以多智，輕慢眾人)
- 戒諂曲・(51 調達與阿闍王共議以象毀佛及諸弟子)
- └少 欲・利養・(51 調達與阿闍王共議以象毀佛及諸弟子)
- ・(66 吉星梵志欲以女嫁佛，佛為說不淨，後送王)
 - ・(63 年少比丘為少女所迷，佛引見少女已死三日，觀不淨)
 - ・(65 二沙門念世間恩愛，佛為導示女身不淨)
 - ・(60 沙門思道三年後欲退還，佛化化人以獼猴事喻)
 - ・(50 四比丘互問「世間何者最樂？」)
- └知 足・(46 王大布施，佛變梵志始求無厭，後捨求道，度王・知足)
- └遠 離・(09 比丘住山怖欲悔還，佛為說象遠離到此求靜)(象遠離)
- ・(60 沙門思道三年後欲退還，佛化化人以獼猴事喻)
 - ・(17 處山五沙門，受道人助・遠離)
 - ・(57 七比丘入山學道十二年不得道欲歸家，佛化沙門為說法，精進)
- └精 進・(25 沙門欲還俗，以財求福，佛化尼度)
- ・(33 雙德、雙福昔退求人天福因緣)
 - ・(42 長老婆羅門七人求佛出家，因思世事，佛為說法・精進)
 - ・(43 五百年少婆羅門為人憍慢，佛為說精進四法)
- └正 念・(32 梵志學弓、習船、調木，佛明智者調身)
- 定└正 定・
- 慧└智 慧・不知聞法：(47 憂呼梵志遇佛往波羅奈國初轉法輪，不知進問深法)
- ・佛以到前為說而不欲聽・(30 婆羅門年向八十更欲建舍，佛為說法，而沒空聽)
 - ・聞思修(35 般特比丘以一偈得道)・多聞令志明・(11 夫婦慳惡，佛為說法)
- └不戲論・汝等所論，盡是憂畏・(50 四比丘互問「世間何者最樂？」)
- ・小語大笑，不計成敗，命日促盡・(42 長老婆羅門七人求佛出家，因思世事，

《階位・證聖道果》

同本異譯

《經集》卷 1：

四 〈大吉祥經〉

如是我聞：

一時，世尊住舍衛城祇樹給孤獨園。

時有一容姿美麗之天神，夜半過後，徧照祇樹園各隅。接近世尊之前，敬禮世尊，立於一方。天神以偈白世尊：

「 諸天諸人等 思念諸吉祥 仰望諸福報 語我最吉祥」（一）

「 · 勿近諸愚者	親近諸賢者	供養應供者	是最上吉祥	（二）
· 住於適當所	積前世福德	自有正誓願	是最上吉祥	（三）
· 多聞與工巧	調伏與善學	多說諸善語	是最上吉祥	（四）
· 孝養父與母	妻子當攝受	正業無混濁	是最上吉祥	（五）
· 如法行布施	攝受諸親戚	諸行業無罪	是最上吉祥	（六）
· 不樂諸惡行	且自離飲酒	諸法不放逸	是最上吉祥	（七）
· 敬重與謙讓	滿足及感恩	時時聞妙法	是最上吉祥	（八）
· 忍辱與柔和	會見諸沙門	時時有法談	是最上吉祥	（九）
· 修苦與梵行	善觀四聖諦	涅槃之作證	是最上吉祥	（一〇）
· 觸諸世間法	其心不動搖	安穩離塵憂	是最上吉祥	（一一）
如斯諸行已	一切處不敗	人人得福利	是最上吉祥	

〈大吉祥經〉竟

漢譯南傳大藏經第 27 冊 No. 0012 經集

(CBETA, N27, no. 12, p. 70, a7-p. 72, a6 // PTS. Sn. 46 - PTS. Sn. 47)

《佛度生的善巧方便》

一切智智：

相好莊嚴：三十二相

神通變化：

- 化作一婦人，端正絕世，復勝蓮華，數千萬倍。 (05 蓮華見化女命絕，發出離心)
- 佛愍其愚，現為貧凡沙門，詣門分衛。 (11 夫婦慳惡，佛為說法)
- 佛即化作一賢者，居肆上坐， (12 梵志貢高，晝日執炬)
- 化作一人，著好衣服，乘馬帶劍，手執弓矢。 (14 五百賊人，受佛化度)
- 佛便化作一人，從江南來， (15 村人見化人因信心涉江)
- 佛愍念之，勞而無獲，化作一道人。 (17 處山五沙門，受道人助，遠離)
- 於是世尊，化作沙門，往至陶家。 (18 瓶沙王送弗加沙王《十二因緣經》)
- 佛便化作，一比丘尼。 (25 沙門山中遇寶欲還俗，以財求福，佛化尼度)
- 佛知可度，化作沙門，往至其所。 (26 道人但念六欲，佛化沙門以龜喻化度)
- 佛以神足，化作沙門，拄杖持鉢。 (32 梵志學弓、習船、調木，佛明智者調身)
- 佛以道眼，遙見如是，化作樹神。 (44 摩訶盧比丘數年不得一偈欲自絞死)

善巧方便：

〈隨業、隨念、隨習〉

- 業・殺業・昔時，有一小兒，持弓箭入神樹中戲・(70 長者子為婦上樹取華亡，佛為說昔共業因緣)
- 業・殺業・念・安處舍夷國人，萬物眾生有七不可避！・(39 瑠璃王滅舍夷國，目連為救，但不敵業)
- 業・鞭打・往昔有王名曰惡行，治政嚴暴，使一多力五百主令鞭人・(40 老比丘久病無人侍，佛親為侍)
- 業・口業・乃往昔時，有五百年少婆羅門，共行入山，・(38 五百獼猴作塔生天因緣，口業)
- 業・身口・念・往昔有賈客三人，到他國治生・(21 弗加沙王三人，受牛舐殺因緣)
- 念・善念・我未下為佛時，世有辟支佛常處是山・(48 山民見化沙門入定，謂為命終，持薪往燒)
- 念・善念・過去世時有城名波羅奈，有長者婦，將姝女五百人・(31 金剛等五百餘人聞法遇火因緣)
- 習・往昔久遠有五通比丘，名精進力・時有四禽，依附左右，(49 四比丘共問：世間何者為苦？)
- 習・昔有國王名曰普安，與隣國四王，共為親友・(50 四比丘互問「世間何者最樂？)
- 習・業・乃往昔時有二獼猴王，各主五百獼猴・(56 富蘭迦葉欲與佛拈神通，)
- 業習・出家昔我前世，作轉輪聖王，曰南王皇帝・(74 太子問佛，頗有國王捨國作沙門，佛為往昔因緣)
- 習・護佛等・昔有國王，喜食鴈肉，常遣獵師，張網捕鴈・(51 調達與阿闍貫王共議以象毀佛及諸弟子)

維衛佛 (91 劫前)、迦葉佛時 (此劫)

- 念・出世願・世有佛名曰迦葉，為諸弟子說法：『當來五濁之時・(41 五百梵志岸邊有三祠神池)
- 念・出世願・迦葉佛時，有大長者，夫人，姝女有五百人・(27 五百人婆羅門女求生梵天，受佛化因緣)
- 習・貪睡・昔維衛佛時，汝曾出家・(07 比丘七日將命終・飽食入室，閉房靜眠)
- 念・退心・前迦葉佛時曾作沙門，少小共為朋友，同志出家・(33 雙德、雙福昔退求人天福因緣)
- 業・慳法・迦葉佛時，卿作三藏沙門，有五百弟子・(44 摩訶盧比丘數年不得一偈欲自絞死・)

釋迦佛時

- 念・發菩薩心・尼乾一人發菩薩心・(53 婆羅門貢高鐵鉢腹與五百弟子欲問難佛・慢)
- 業・戒定慧生天・生阿那含天・(18 瓶沙王送弗加沙王《十二因緣經》)
- 業念・聞法生天・(01 帝釋知命盡，歸佛。聞法，證初果)
- 業・持戒生天・(10 二比丘欲見佛，一護戒生天先見佛，)
- 業・聞法生天・一時燒死，即生天上・(31 金剛等五百餘人聞法遇火因緣)
- 業・立塔生天・效諸道人，戲立塔寺；以此微福，得生天上・(38 五百獼猴作塔生天因緣，口業)
- 業・一為王，一下地獄・今在太山地獄，為火車所轢・(22 二人見王，供佛僧，動善惡念，各自受報)
- 業・生天上・太子祇者，不貪榮位，守死懷道，上生天上・(23 祇陀太子與弟瑠璃各受異報)
- 墮地獄・瑠璃王者，狂愚快意，死墮地獄，受苦無數
- 習・無善業・(30 婆羅門年向八十更欲建舍，佛為說法)
- (54 婆羅門六十七歲子，往閻王處索子不得，)
- 業・墮地獄・富蘭迦葉師徒重罪有二・應墮地獄・(56 富蘭迦葉欲與佛拈神通，敗後投水墮地獄)
- 業念 3 人・(62 長者慳貪佛化沙門勸施，為說：父為雞，仇為子，母為妻因緣)
- 業・殺・(70 長者子為婦上樹取華亡，佛為說昔共業因緣)
- 念・惡誓・(73 大臣勸立國法，民反苦毒，欲謀圖王・戒殺)
- 業・(51 調達與阿闍貫王共議以象毀佛及諸弟子)
- 念・習・(28 末利夫人持齋不受寶)

證阿羅漢果：

- 願作比丘，鬚髮自墮，即成比丘，重惟非常，得羅漢道 · (04 梵志女年十五亡，佛為說：四不得久
- 成比丘尼，思惟止觀，即得羅漢 · (05 蓮華見化女命絕，發出離心
- 比丘重聞宿緣，慚怖自責，五蓋雲除，即得羅漢 · (07 比丘七日將命終，飽食入室，閉房靜眠
- 內思正定，安般守意 · 即得定意，在於佛前，速得應真 · (08 比丘欲盛，欲斷根，佛說：無明為根，當斷
- 佛說是時，比丘意解，內思聖教，即得應真 · (09 比丘住山怖欲悔還，佛為說象遠離到此求靜
- 令作沙門，意解妄止，即得應真 · (12 梵志貢高，晝日執炬
- 五沙門，精神震疊，咸思惟戒，即得阿羅漢道 · (17 處山五沙門，受道人助 · 遠離
- 執信堅固，往至精舍，攝意惟行，得羅漢道 · (24 婆羅門七十餘家唱『生梵天』以求離生死，佛化為沙門
- 還到樹下，數息相隨，止觀還淨，獲道果證，成阿羅漢 · (25 沙門欲還俗，以財求福，佛化尼度
- 於是比丘，聞說此偈，貪斷望止，即得羅漢道 · (26 道人但念六欲，佛化沙門以龜喻化度
- 諸女願學真道，為比丘尼，思惟寂定，即得羅漢道 · (27 五百人婆羅門女求生梵天，受佛化因緣
- 五十比丘聞佛說法，進志堅固，即得阿羅漢道 · (29 長者子五十人，佛以蓮出泥喻
- 即成沙門，佛重為說，四諦八解之要，尋時即得阿羅漢道 · (32 梵志學弓，習船，調木，佛明智者調身
- 小兒見佛，其身即踊，如八歲小兒，即作沙彌，得羅漢道 · (33 雙德、雙福昔退求人天福因緣 · 曾作沙門
- 法衣著身，即成沙門，佛為說法，尋得羅漢道 · (34 分那以智助主，後出家得道，再導主歸佛
- 分別為說，無量妙法，時般特驕然心開，即得羅漢道 · (35 般特比丘以一偈得道
- 五千梵志，皆作沙門，得應真道 · (36 藍達施多得福報少，佛為說法
- 頭髮自墮，即成沙門，內思安般，即得羅漢道 · (37 不孝父母，而欲事火求福
- 水邊五百婆羅門 · 即成沙門，精進日脩，遂得羅漢道 · (38 五百獼猴作塔生天因緣，口業
- 時病比丘，聞佛此偈 · 身安意定即得羅漢道 · (40 老比丘久病無人侍，佛親為侍，說昔打眾生之業報
- 五百梵志，聞偈歡喜，皆作沙門，得應真道 · (41 五百梵志岸邊有三祠神池。沐浴垢穢，俛形求仙
- 七比丘意解望止，即於佛前，得阿羅漢道 · (42 長老婆羅門七人求佛出家，因思世事，佛為說法 ·
- 五百年少梵志願為弟子 · 即成沙門，得羅漢道 · (43 五百年少婆羅門為人憍慢，
- 思惟偈義，即入定意，尋在佛前，速得羅漢道 · 師徒證果 · (44 摩訶盧比丘數年不得一偈欲自絞死，
- 比丘聞之，慚愧自責，即於佛前，得羅漢道 · (49 四比丘共問「世間何者為苦？」 · 各說苦因
- 時四比丘重聞此義，慚愧悔過，心意開悟，滅意斷欲，得羅漢道 · (50 四比丘互問「世間何者最樂？
- 即成沙門四諦正道，精進日登，得羅漢道 · (52 上怨父母，次責師友，欲求佛出家，佛令先回孝事親師三年
- 棄捐貢高，皆作沙門 · 五百弟子皆得阿羅漢道 · (53 婆羅門貢高鐵鑠鑠腹與五百弟子欲問難佛
- 即成比丘，思惟偈義，滅愛斷想，即於座上，得阿羅漢道 · (54 婆羅門六十亡七歲子，往閻王處索子不得
- 守一正心，閑居寂滅，得羅漢道 · (57 七比丘入山學道十二年不得道，欲歸家，
- 羅雲聞佛，悲惻之誨，感激自勵 · 識想寂靜，得羅漢道 · (58 羅雲未得道時言少誠信，佛為說喻，
- 即便却息，數隨止觀 · 在於佛前，速得應真 · (60 沙門思道三年後欲退還，佛化化人以獼猴事喻
- 七人願為弟子；佛即受之，皆為沙門，得羅漢道 · (61 國旱三年，王從梵志欲燒七人至梵天，七人求佛，
- 佛授自歸，將還祇洹，沒命精進，得羅漢道 · (63 年少比丘為少女所迷，佛引見少女已死三日，觀不淨
- 比丘見之，慚愧悔過 · 重為說法，欣然得解，便得羅漢 · (65 二沙門念世間恩愛，佛為導示女身不淨
- 比丘見佛... · 內解止觀，即得羅漢 · (67 年少比丘分衛誤入機關，佛為救
- 即作沙門，本行清淨，因而得道，為阿羅漢 · (68 五百梵志各達神通自謂涅槃，為佛說法

- [比丘聞偈,即便稽首,懺悔謝過,內自篤責,深惟為非,即於佛前,逮得應真](#) · [\(72 捕象師為象所逐,比丘欲救](#)
- [梵志師徒](#) · [即成沙門,內思安般,逮得應真](#) · [\(75 有梵志道士來問何吉祥?](#)
-

〈法句經譯本〉

- 0210 04 P0559 · ㄣ《法句經》.....單法句，無註釋(三九品) 2 卷 吳___ 維祇難等譯
 0211 04 P0575 ㄣ《法句譬喻經》...文字同前,但偈少於前,75 個故事中含法句(三九品) 4 卷 西晉_ 法炬共法立譯
 0212 04 P0609 ㄣ《出曜經》.....約 169 故事·法句後加註釋(三四品) 30 卷 姚秦_____ 竺佛念譯
 0213 04 P0777 · ㄣ《法集要頌經》.....單法句，無註釋(三三品) 4 卷 宋_____ 天息災譯

《法句經》	《法句譬喻經》	《出曜經》	《法集要頌經》	同上二部
品號				
〈無常品 第一〉	〈無常品 第一〉	〈無常品 第一〉	〈有為品 第一〉	1
〈教學品 第二〉	〈教學品 第二〉	〈欲品 第二〉	〈愛欲品 第二〉	32
	〈護戒品 第二〉	〈愛品 第三〉	〈貪品 第三〉	32
〈多聞品 第三〉	〈多聞品 第三〉	〈無放逸品 第四〉	〈放逸品 第四〉	10
〈篤信品 第四〉	〈篤信品 第四〉	〈放逸品 第五〉	(有偈無品目)	10
〈戒慎品 第五〉	〈戒慎品 第五〉	〈念品 第六〉	〈愛樂品 第五〉	24
〈惟念品 第六〉	〈惟念品 第六〉	〈戒品 第七〉	〈持戒品 第六〉	5
〈慈仁品 第七〉	〈慈仁品 第七〉	〈學品 第八〉	〈善行品 第七〉	~
〈言語品 第八〉	〈言語品 第八〉	〈誹謗品 第九〉	〈語言品 第八〉	8
〈雙要品 第九〉	〈雙要品 第九〉	〈行品 第九 十〉	〈業品 第九〉	17
〈放逸品 第十〉	〈放逸品 第十〉	〈信品 第十一〉	〈正信品 第十〉	4
〈心意品 第十一〉	〈心意品 第十一〉	〈沙門品 第十二〉	〈沙門品 第十一〉	34
〈華香品 第十二〉	〈華香品 第十二〉	〈道品 第十三〉	〈正道品 第十二〉	28
〈愚闇品 第十三〉	〈愚闇品 第十三〉	〈利養品 第十四〉	〈利養品 第十三〉	33
〈明哲品 第十四〉	〈明哲品 第十四〉	〈忿怒品 第十五〉	〈怨家品 第十四〉	25
〈羅漢品 第十五〉	〈羅漢品 第十五〉	〈惟念品 第十六〉	〈憶念品 第十五〉	6
〈述千品 第十六〉	〈述千品 第十六〉	〈雜品 第十七〉	〈清淨品 第十六〉	~
〈惡行品 第十七〉	〈惡行品 第十七〉	〈水品 第十八〉	〈水喻品 第十七〉	~
〈刀杖品 第十八〉	〈刀仗品 第十八〉	〈華品 第十九〉	〈華喻品 第十八〉	12
〈老耗品 第十九〉	〈老耄品 第十九〉	〈馬喻品 第二十〉	〈馬喻品 第十九〉	31
〈愛身品 第二十〉	〈愛身品 第二十〉	〈志品 第二十一〉	〈瞋志品 第二十〉	25
〈世俗品 第二十一〉	〈世俗品 第二十一〉	〈如來品 第二十二〉	〈如來品 第二十一〉	22
〈述佛品 第二十二〉	〈述佛品 第二十二〉	〈聞品 第二十三〉	〈多聞品 第二十二〉	3
〈安寧品 第二十三〉	〈安寧品 第二十三〉	〈我品 第二十四〉	〈己身品 第二十三〉	20
〈好喜品 第二十四〉	〈好喜品 第二十四〉	〈廣演品 第二十五〉	〈廣說品 第二十四〉	16
〈忿怒品 第二十五〉	〈忿怒品 第二十五〉	〈親品 第二十六〉	〈善友品 第二十五〉	~
〈塵垢品 第二十六〉	〈塵垢品 第二十六〉	〈泥洹品 第二十七〉	〈圓寂品 第二十六〉	36
〈奉持品 第二十七〉	〈奉持品 第二十七〉	〈觀品 第二十八〉	〈觀察品 第二十七〉	~
〈道行品 第二十八〉	〈道行品 第二十八〉	〈惡行品 第二十九〉	〈罪障品 第二十八〉	17
〈廣衍品 第二十九〉	〈廣衍品 第二十九〉	〈偕要品 第三十〉	〈相應品 第二十九〉	9
〈地獄品 第三十〉	〈地獄品 第三十〉	〈樂品 第三十一〉	〈樂品 第三十〉	23
〈象喻品 第三十一〉	〈象品 第三十一〉	〈心意品 第三十二〉	〈護心品 第三十一〉	11
〈愛欲品 第三十二〉	〈愛欲品 第三十二〉	〈沙門品 第三十三〉	〈苾芻品 第三十二〉	34
〈利養品 第三十三〉	〈利養品 第三十三〉	〈梵志品 第三十四〉	〈梵志品 第三十三〉	35
〈沙門品 第三十四〉	〈沙門品 第三十四〉			
〈梵志品 第三十五〉	〈梵志品 第三十五〉			
〈泥洹品 第三十六〉	〈泥洹品 第三十六〉			
〈生死品 第三十七〉	〈生死品 第三十七〉			
〈道利品 第三十八〉	〈道利品 第三十八〉			
〈吉祥品 第三十九〉	〈吉祥品 第三十九〉			